

1666

1666

EXAMEN
THEOLOGICVM,
BREVI ET PERSPI-
cua methodo con-
scriptum.



Martini
Benedicto Aretio Theologo Bernensi.

SVPERIORI EDITIONI
accesserunt duo Lemmata: prius de lectio-
ne, posterius de interpretatione sacrae scri-
pturae: huic etiam postremae editioni acces-
sit breue opusculum de formandis studiis,
eodem authore.

Editio quinta.

*Semper agas caute, & Christum ut redingat
Nescit enim p[ro]sens, q[uo]d fiat hora
sequens.*

LAVSANNÆ,

*Excudebat Franciscus le Preux, Illustriss.
D. Bernensium Typographus.*

Agitata Gessit viribus.
c**l**o b LXXIX.

EX LIBRIS
THEOLOGICVM
LIBRARIJ
Typographus candido
Lectori S.

QVVM satis antehac perspexerim Theologicum hoc opusculum tibi, candidè lector, tantopere probari, ut quintò acmum sub incudem esset mihi subiiciendum: non in lucem esse prius emittendum duxi quin castigatissimum atque suis omnibus tandem partibus haberes absolutum, in hac itaque editione præter primas, quæ sequimur præstitimus. Ac primò quidem consilio authoris dum adhuc superstes esset, inserenda fuerunt Lemmata duo: prius delectione sacre Scripturæ: posterius de interpretatione eiusdem, quibus sanè nihil incundius vel utilius requiratur.

Deinde aliud elegantissimum de formandis studiis opusculum subieciimus: mendis omnibus repurgatis, quibus hac omnia antè scaturerant. Atque hoc quidem postremum incuria nostra perire non decebat. Nam cum de formandis studiis agat: quousque est studiosorum, qui dñe se ad aliquod liberalium artium genus accingit, hoc in primis auxilio se adiuvare non patiatur? Postremo etiam indicem contexendum curavimus. Tractatum eiusdem Aretii, de sacrosancta Domini Cænâ, seorsim excusimus, quem simul cum hoc libello qui volet compingere poterit. Hac igitur omnia quæ in tuam gratiam effecimus, ut spero, boni consules. Vale.



BENEDICTVS ARE-
TIVS, B. NOACHO AN-
drea Fortunato, Laufan-
nenfi, S. P. D.

IAVDABILIS ille mos est in Ecclesia Christi, quo illi, qui Ministerio verbi praeficiendi sunt, prius de doctrina & vita sua tolerabilem reddant rationem. Etenim consuetudo illa, hinc ab Apostolorum temporibus promanasse videtur. Apostolus in 1. ad Tim. 5. 22. precipit, Ne cui manus facile imponat. Et 1. Tim. 3. 2. Canonem generalem praescribit, quem repetit ad Tit. 1. 6. quo depingit doctrinam & mores futuri Ministri. Quod non videtur alio fecisse consilio, quam ut posterii viderent, quales admitti debeant, qualesve merito reijci possint. Verba Canonis sunt: Oportet 1. Tim. igitur Episcopum irreprehensibilem esse, unius 3. 2. uxoris maritum, vigilantem, sobrium, compositum, hospitalem, aptum ad docendum, non vinosum, non percussorem, non turpiter lucri cupidum: sed moderatum, alienum a pugnis, ab avaritia: qui suae domui bene praesit, qui liberos habeat in subiectione cum omni honestate. Nam si quis propriae domui praeesse non potest, quomodo is Ecclesiam Dei curabit? Non novitium: ne inflatus in iudicium incidat diaboli. Oportet autem eum etiam bonum

habere testimoniū ab iis qui foris sunt: ne in pro-
 brum incidat, & laqueum diaboli. Diaconos iti-
 dem honestos, non bilingues, non multo vino dedi-
 tos, non turpis lucri cupidos: tenentes mysterium
 fidei cū pura conscientia. Atque hi etiam pro-
 bentur prius, deinde ministrent si sint inculpati.
 Ex his virtutibus facile perspicitur quid A-
 postoli in ordinandis Ministris Ecclesiarū secuti
 sint, & quid posteritatem vellent sequi. Quanta
 verò cū gravitate & sobrietate peracta sint hu-
 iusmodi electiones, colligi potest ex idoneis exem-
 plis. In Act. cap. 6. 3. eliguntur septē Diaconi, vi-
 ri quidē spectata probitatis: attamen precibus ad-
 hibitis, & impositione manū eos in officio confir-
 mant. Actor. 13. 1. Spiritus sanctus deposcit Bar-
 nabam & Paulum ad opus docendi inter Gen-
 tes Euangelium: sed non dimittuntur prius quàm
 ab Ecclesia Antiochena, ieiunio, oratione, & im-
 positione manuum admonerentur sui officii. Ita-
 que certissimū est magna gravitate, & sobrie ele-
 ctiones factas esse. Habent etiā Canones Apōsto-
 lici dicti multa, quæ si à posteris seruata essent,
 maior utique autoritas mansisset in Ministerio,
 & minora forent Ecclesie Christi offendicula.
 Nunc verò cū à consueta gravitate, & sobrie-
 tate recessum sit in electionibus, mirū nō est Mi-
 nisterium granari multis inutilibus doctoribus,
 & ignominia ac contēptu onerari. Quæ qualia
 sint, nihil attinet hīc dicere.

In reformatis Ecclesiis eo nomine sanctior est
 ele-

electio, quòd fidei, & doctrina ratio certior est reddenda. Petuntur fundamenta ex sacris literis de Deo, Trinitate, lapsu hominis, reparatione, iustificatione, merito Christi, de gratia, fide, bonis operibus, aliisque locis. Quae omnia ex fontibus scripturae confirmanda sunt, mores & vita quoque melius excutiuntur. Interdum non sine precibus fit electio: alibi adhibetur impositio manuum quae efficax est, ut olim fuit, ubi Spiritus sanctus gubernator est electionum. Ac optandum erat, maiori adhuc severitate administrari, quòd scandala ab Ecclesia, & leuitas ab ordine docentium tolleretur. Quae tamen omnia deplorari rectius, quam corrigi hodie posse videntur. Caterum cum examina hodie in primis doctrinae peritiam concernant: ad hanc ipsam Quaestiones istae propositae sunt. Ac primitus quidem nudas proposuimus sine responsionibus, non alio certè fine, quam ut examinandi magis probarentur: verum cum eos in his laborare deprehendi, explicationem adieci breuibus responsionibus comprehensam.

In his eum secutus sum ordinem, què mihi facillimum putabam docenti in schola. Et quia in Catechesi, ut in alijs praeceptionibus pietatis praecipue spectari solet, τὸ χριστιανικόν, τὸ ἀληθινόν, & τὸ ἀκόλυτον τὰς ἀρχὰς: ad illa tria in primis haec nostra retulimus. Quae quantum simus affecuti, libenter aliis candidè indicantibus, permittimus.

Ad te autem, mi Noache, illa mitto, quòd te

his in primis delectari significares : & ut illa publicarē, ne nunc quidē sollicitare desinis. Accedit quòd qui has *Quæstiones* circumferunt scriptas, corruptas & mutilas habent: adeò ut quoties proponuntur, noua emendatione & explicatione sit opus. His de causis motus, tibi permitto, mi Noache, ut illas edas. Dabis autē operā, ut id quàm castigatissimè fiat. Etiam atque etiam vale, Bernæ, Calend. Martij, 1570.

T. T. B. Aretius. B.

EXA-

EXAMEN THEOLOGICVM.

DE MINISTERIO.

Quid est Ministerium Ecclesiæ?



ST ordinaria functio Ecclesiæ ad docendam sanam doctrinam: Sacramentorum & disciplinæ morum administrationem, ad certam & euidentem Ecclesiæ vtilitatem.

Cur debet ordinaria esse vocatio?

Quia hoc requirit certitudo fidei nostræ, ne quouis vento doctrinæ circumferamur. Eph. 4. 14. Deinde quia ²omnia in Ecclesia debent fieri decere & ordine. 1. Cor. 14. 40. Igitur munus etiā docēdi, ordinaria vocatione, certis debet cōmitti. Præterea ³Apost. illa sunt vsi. Act. 1. 23. vbi ordinariē elegerunt Matthiam in locū Iudæ. Et Titus ob id in Creta est relictus, vt opidatim constitueret Episcopos. Tit. 1. 5. Extat etiam ⁴præceptum Apostoli, ne cui manus citò imponatur. 1. Tim 5. 22. Denique iustitio est Christi qui dedit alios Apost. alios Prophetas, Euāgelistas, Pastores, Doctores, &c. Eph. 4. 11. 1. Cor. 12. 28. Sūma, Deus est ordinis author, i-
deò in Ecclesia sua omnia vult ordine fieri. Vnde illa Nazianz. sententia. *ὅτι θεὸς ἀναστάσιος, καὶ ἀρχίας, ἀλλὰ ἐκλήως ἐ τὰς εὐας.*

Quis est finis ministerij?

Certa vtilitas. Quia omnia dona in Ecclesia sine vtilitate certa damnantur, vt 1. Cor. 14. 6. linguarum donum damnat *ὅτι τὸ ἀκαρπεν*. inde est, quod 1. Cor. 12. 7. cuique data est manifestatio spiritus ad vtilitatem. Hanc vtilitatem clariùs explicat ad Eph. 4. 12. ad instaurationem sanctorum, ad ædificationem corporis Christi.

Quot sunt ministerij partes?

Tres. *Quæ?*

1. Cura sanæ doctrinæ retinendæ, & propagandæ,
2. Administratio Sacramentorum,
3. Disciplina morum.

Vnde sumpta est partitio?

A materia circa quam versatur; ac de doctrina quidem manifesta sunt Apostoli testimonia. 2. Tim. 3. 13. Formam habeto sanorum sermonum. 1. Tim. 6. 3. Siquis diuersam sequitur doctrinam, & non accedit sanis sermonibus Domini nostri Iesu Christi, & ei quæ est secundum pietatem doctrinæ, is inflatus est, nihil sciens. 2. Tim. 2. 1. Tu, fili, fortis esto in gratia, quæ est per Iesum Christum, & in iis quæ audiuisti à me per multos testes, hæc commenda fidelibus hominibus, qui erunt idonei, vt alios quoque doceant. Tit. 1. 9. Inter dotes ministri ponitur vt potens sit cohortari per doctrinam sanam. Tit. 2. 1. Tu loquere quæ decent sanam doctrinam.

Quare

*Quare Sacramentorum administratio
ad ministrum pertinet?*

Quia sunt dispensatores mysteriorū Dei.
1. Cor. 4. 1. & de Baptismo manifestus est locus
Matt. 28. 19 docete omnes Gentes baptizantes
eos, & c. De Cœna verò Domini, in verbis in-
stitutionis dicit D. Christus, hoc facite, quod li-
cet non præcisè distributionem significet: ta-
men decet aliquos his actionibus præesse, quod
nemo melius potest quàm minister ipse.

*Quomodo disciplina morum ad mini-
sterium pertinet?*

Hoc modo, vt primùm sũx familiæ bene
præsit. 1. Tim. 3. 4. sic fiet, vt auditoribus non sit
vel occasio diffidentia, vel scādali. Deinde pu-
blicam morum corruptelā castiget verbo Dei
sine vi corporali. Matth. 16.

*Quid in his, qui ad hoc munus recenter
vocantur, est requirendum?*

Voluntas & facultas, hoc est, an velint & possint
sint munus docendi in Ecclesia subire ad cer-
tam Ecclesiæ vtilitatem. 34. Vnde in huius testimonium: Sed præsertim si iis sit iudicium ad
quod nos vult per ordinem
pertinet.

Quid in voluntate expendi debet?

1. Quæ sit iusta habenda muneris huius vo-
luntas.

Deinde quibus mediis aditum sibi ad id fa-
ciant.

Quomodo igitur iudicandū est de volūtate?

Ex facultate: vt nō solū velit docere alios:

sed tolerabili doctrina sit instructus, donū habeat docendi, & vitæ bonum testimonium.

Quæ est hîc varietas observanda?

Quadruplex nascitur discrimen ex voluntatibus & facultatis combinatione. Nam

1. Volunt, & possunt.

2. Volunt, non possunt.

Alii 3. Possunt, & nolunt.

4. Nec volunt, nec possunt.

Licebitne igitur his, qui possunt, munus docendi petere?

Licebit: sed ita, ut quemadmodum piū est ad alios honestos labores sese offerre, quibus & par sis, & necessitas postulet officiū tuū: ita licebit appetere docēdi munus, sed afferenti mediocris industriæ & doctrinæ conscientiam, vitæ integræ testimonium, & relinquēti iis sui iudicium, ad quos vocandi ius ordinariè pertinet.

Da locum scripturæ?

Diuus Paulus 1. Tim. 3. 1. inquit, Fidelis sermo, si quis Episcopatum appetit, honestum munus desiderat. Quē locum intelligo de hoc primo hominū genere, qui non solum petunt, sed possunt officiū suū præstare vtiliter Ecclesiæ.

Quid hoc loco est Επισκοπή?

Episcopatum vertunt, & Episcopi munus, quod nomen non est auctoritatis, nec dignitatis: sed diligentiae, laboris, curæ ac vigilantiae, quod ex Canone illo perspicitur potest. Episcopus

pus vel presbyter, qui sortē sibi cōmissā, aut populum negligit, non docendo eos pietatem, excludatur: perseverans autem in ista officii negligentia, deponatur. Et D. Chrysost. hunc locum explicans ait, Siquis Episcopatum appetit, non principatus aut dominationis fastus: sed cura regiminis & charitatis affectu, non improbo: bonum quippe desiderat opus. Et lib. 3. de Sacerdotio, cap. 10. cūm δεινὸν hoc appellasset, ait, ἐγὼ ὃ ἐτὲ ἔργον τὸ αὐθεντίας, καὶ δυναστείας ὄπισθ' αὐμείν, εἶπον ἐπὶ δεινὸν, id est, ego verò non ipsum opus appetere, sed auctoritatem, atque potentiam graue esse dicebam. Quare hīc non somniemus præbendas, auctoritatem dicendi iuris, aut gubernationem.

Quid de ijs qui cūm nō possint, ambiūt tamē?

Testatur illi non ad certā & evidentem Ecclesie vtilitatē sese velle ingredi, sed pietatem in suū quæstū conuertere. Quare cogitēt, quid Dathan & Abiron reportarint. Num. 16. 31 & Act. 8. 20. Simon ille Magus à Petro audierit. Ad eos pertinet id quod Iere. 23. 32. dicit, Faciunt errare populū meū mendacijs suis. cūm ego non miserim illos, nec præceperim eis, & sic nulla vtilitate præsumt populo huic, dicit Dominus. Piè inquit D. Chryso. Si nulla esset pœna constituta gregem Christi malè pascen- ti: tamen omni pœna grauius esse iudicarem, adeò esse improbum erga illum qui παράμαρ- τω μεγάλα commisit.

Quid verò si ad sit facultas, nolint autem?

Consideretur necessitas. Nam si Ecclesiæ per alios cōsuli possit & hi de Ecclesiæ bonis non vixerunt, nec viuunt, cogi facile non possunt. Sin dē Ecclesiæ bonis alii sint, aut inde adhuc viuant, par est vt operam suam Ecclesiæ non denegent. Id cū sacris literis congruit & Canonibus. Nam concilium Chalcedonense expressè vetat, ne quis ad vllam Ecclesiæ præbendam (vt vocant) admittatur, nisi imposito ei certo munere.

Sin autem de Ecclesia bonis non viuant, postulet autem necessitas?

Tales cogi possunt. Plus enim valere debet publica vtilitas, & authoritas Dei & Ecclesiæ, quàm priuatum de seipso iudicium. Sic vocatur Moses à Domino inuitus: & Paulus ex hoste Ecclesiæ subitò fit doctor Gentium.

Supereſt vltimū genus eorum, qui nec volūt, nec possunt, Quales hi censendi sunt?

Si reuera, quod profitentur non possunt, finendi sunt, & melius illi consulunt salutem suam, dum oues esse malūt, quod possunt, quàm pastoris nomen ambire, quod explere nequeunt. Sin tales sibi tantum videantur ^{non hoc} superioribus sunt pares, & re postulante ^{certandi} producendi. Sic D. Chrysost. dū esset eligendus Episcopus, fugit in eremum, postea tamen protractus, Ecclesiæ bene præfuit.

Quomodo

Quomodo tuetur se Chrysostomus?

Is, inquit, præesse gregi Dominico debet, *Lib. 2.*
 qui instructus est ad id, sed με' ἄχρηστον πρὸς τὴν *cap. 4.*
 διακονίαν ταύτην ἢ τῆς ψυχῆς ἀδείνεια κατέδειξε, *Lib. 2.*
 id est, me animi mei imbecillitas inutilem con- *ad finē.*
 stituit ad hanc functionem. Ergo præesse non
 debeo. Deinde quia iuuenis sit, τίς γ' ἔκ' αὐτῶν εἶπε;
 παισὶν ἀνοήτοις πρᾶγματ' ἔτ' αὖθις θαυμάσια καὶ μεγά-
 λα ἐπέτελλον ἐλυμήναντο τῷ θεῷ τὸ ποίμνιον· παί-
 ρνία καὶ γέλως γέγονε τὰ χειρὶ αὐτῶν, id est, quis
 enim non diceret? pueris stolidis, res adeò ad-
 mirandas & magnas commisere, labefacta-
 runt Dei ouile, iocus & risus factæ sunt res
 Christianorum. Tertiò, quia sum (inquit) νε-
 ὄτρος, ἡμεῖς δ' ὅτι νεότροι καὶ παρειμένοι, καὶ πρὸς τὴν *Lib. 3.*
 ἐαυτοῦ μέλιν ἀρκούντες σωτηρίαν, id est, Nos verò *cap. 12.*
 quia tardi & negligentes sumus, & vix ad pro-
 priam salutem retinendam instructi.

*Quæ est igitur iusta habenda erga mu-
nus illud voluntas?*

Quæ Domini respicit gloriam, & Ecclesiæ
 utilitatem, nihil sui hîc quaerens. Impossibile
 enim est Christo seruire simul & Mammoni,
 nec est aliqua portio ipsi Belial cum Christo.
 2. Cor. 6. 15.

Licebitne aditum sibi ad illud munus facere?

Offerre operam suam licere diximus, si re-
 liqua, vt monuimus, adsint. Ingerere autem,

vel artibus vocationē extorquere, non est pī-
mentis. Videmus Prophetas veteris populi, vt
plurimum inuitos pertractos: & in nouo Te-
ſtamēto, vocantur Apoſt. aliud agentes: Patres
etiā magna ex parte eodē pacto producuntur,
& parabola de meſſe Domini loquitur de meſ-
ſoribus extrudendis. Et Canones veteres ſeu-
riter animaduertunt in ambitionem illam,
quæ hodie nimis eſt popularis. Inter alios ha-
betur ille Canon, Si Epīſcopus, Presbyter,
aut Diaconus per pecunias hanc dignitatem
conſequatur, deponatur tum ipſe, tum is qui
eum ordinauit: & excindatur ex cōmunionē, vt
Simon Magus. Actor: 8. 20. Græcè ſic habet,
Εἷς ἐπίσκοπος ἢ χρημάτων τῆς ἀξίας ταύτης
ἐγκρατὴς ᾔσεται, ἢ πρεσβύτερος, ἢ δῆκονος, καὶ θα-
ρεῖσθαι καὶ αὐτὸς καὶ ὁ χειροτονήσας· καὶ ἐκκοπείσθαι
τῆς κοινωνίας παντάπασι, ὡς Σίμων ὁ μάγος, ὅτι ἐ-
μοῦ Πέτρου.

DE FACVL TATE.

Facultatem quid appellas?

Διῶμιν, quam D. Apoſtolus in Miniſtro re-
quirat, ad Tit. 1. 9. vbi virtutibus futuri mini-
ſtri illud adiicit, ἵνα διωατὸς ἢ καὶ ἀντακαλεῖν
ἐν τῇ διδασκαλίᾳ τῇ ὑγιαίνουσῃ, καὶ τοὺς ἀντιλέγον-
τας ἐλέγχειν. Id eſt, Vt poſſit etiam exhortari
in doctrina ſana, & contradicentes conuince-
re. Item 2. Tim. 2. 2. iubet ſanā doctrinam fi-
bi

ἢ ἐν τῇ διδασκαλίᾳ τῇ ὑγιαίνουσῃ
καὶ τοὺς ἀντιλέγοντας ἐλέγχειν.
καὶ τὸν ἀντιλέγοντα ἐλέγχειν.

hi traditam ad posteros transmittere per homi-
 nes, Οἷτινες ἱκανοὶ ἔσονται & ἑτέροις διδάξαι. Qui 1. Cor.
 idonei sint, vt & alios docere possint. Voco igitur 15. 9. nō
 facultatem illam ἱκανότητά & δυνάμει, qua sum ido
 scripturam intelligimus, & eam vtiliter aliis neus &
 possumus proponere. rocer

Vt verò de hac cōstet, quæ erunt expendēda? Aposto
lus.

Tria. Quæ? Adminicula habeat ad intelligē-
 das sacras scripturas. Deinde *ῥῆσιν* scripturæ.
 Deniq; *διδασκτικὸν ἔν*, hoc est, vt idonea sit scri-
 pturæ tractatio. Ad primū pertinet causæ me-
 diæ, quibus melius & cognosci & tractari po-
 test scriptura. Ad alterū pertinet peritia loco-
 rū scripturæ. Ad tertiū verò methodica cōcio.

*Quæ igitur habes adminicula ad intelli-
 gendas scripturas?*

Dona liberalium artium & linguarum. Nam Organa
 vt Dominus noster Iesus Christus discipulos
 ore tenus instruxit, deinde post ascensionē de-
 dit Spiritum sanctum, & donum linguarū mi-
 raculosè, quibus instructi cœperunt scripturas 1. Lin-
 rectè & intelligere, & aliis aperire: sic nos ho- gue.
 die linguas & artes liberales habemus, quibus
 vel mediocriter instructi debemus accedere ad 2. Ar-
 docendum alios. Præcipuè verò rogandus est tes.
 Deus Pater per Filium, vt eundem Spiritum
 sanctum doctorem pectoribus nostris inferat, 3. Spiro
 cuius afflatu scripturarum arcana discamus in tus sum-
 telligere. ctus.

Quæ præcipuè utiles sunt ex artibus liberalibus ad intellectum scripturæ?

*Diale-
ctica.*

Omnes utiles sunt: præcipuè verò Dialectica. Quare optandum quidem erat omnibus nos instructos accedere: quod cum raro fiat, Dialecticæ ramen imperitos non decebat per omnia admittri.

Quare Dialectica præ ceteris utilis censenda est?

1. Quia hæc sola de veritate in oratione & argumentationibus est sollicita. Quare ut veritatis decet esse doctorem Ministrum: sic illam ut veritatis venatricem non decet negligere. Hinc Augustinus contra Academicos lib. 3. cap. 13. hanc scientiam veritatis appellat, & ad omnem sapientem pertinere: & cap. 17. eiusdem, non dubitat, aut ipsam sapientiā appellare Dialecticam, aut sine qua, sapientia esse non possit.

Deinde quòd huius beneficio quæstiones còtrouersæ meliùs & dilucidiùs explicari possunt, quàm faciant illi, qui hac destituti sunt. Quò facit locus ex eodem August. lib. 2. de doctrina Christiana, cap. 31. ubi ait, quòd ad omnia quæstionum genera, quæ in literis sanctis sunt dissoluenda plurimùm valeat. Tantum (inquit) ibi cauenda est libido rixandi, & puerilis quædam ostentatio decipiendi aduersarium.

Tertiò, quòd videamus Christum & Apostolos

stolos vfos esse argumētationibus tum in suis
tuendis, tū in aduersariis cōuincendis, quarum
argumentationum formas sola Dialectica ex-
plicat. Eius rei habemus etiam August. autho-
rem, qui lib. 1. contra Cresconium copiosè v-
sum Dialecticæ declarans, ostendit Christum
vsum esse, tum aliàs, tum Matt. 22. 18. de censu
Cæsari dando. Et Apostolus Act. 17. 18. cum
Stoicis acerrimis Dialecticis pedem confert.
Copiosius autem ostendit, quantus fuerit Pau-
lus Dialecticus, capite 14. eiusdem libri primi
& cap. 20.

4. Denique videmus veterum præstantissi-
mos Theologos & nostri seculi summos in re
Theologica antesignanos, præcipuè in hac ex-
cellere: quæ exempla nos ad eius studium inui-
tare debēt. Placet igitur quod Augustinus scri-
bit lib. 1. cap. 20. Hanc artem quam Dialecti-
cam vocant, quæ nihil aliud docet quàm con-
sequentia demonstrare, seu vera veris, vel fal-
sa falsis, nunquam doctrina Christiana refor-
midat.

Quare lingue sunt utiles indicandæ?

Quia sunt inuolucra S. Scripturæ. Deinde in
natiua lingua omnia sunt pleniora, & minùs
fallunt lectorem, cum in³ versionibus aliquan-
do magna sit vel obscuritas, vel periculosa am-
biguitas, aut etiam inconciliabilis cōtradictio,
quæ impedire linguarum peritum nō possunt.
Quare August. de Ciuitate Dei, lib. 15. cap. 14.

B. J.

ait, Siquid habetur ita diuersum, vt verum esse
vtrunque non possit, rerum gestarum fides ab
ea lingua repetenda est, ex qua interpretatum
est quod habemus.

Quæ sunt istæ linguæ?

*Aug. de mira-
bi. Scrip-
T. 3.* Tres primariæ, quibus titulus Crucis scri-
ptus est, Hebræa, Græca, Latina. In his exer-
cuerunt se Patres fere omnes Latini. Hiero-
nymus multo sudore Hebræam sese didicisse
declarat in Epitaphio Paulæ. Eandem Augu-
stinus tandem didicit, cum leuius de ea initio
iudicasset. Sunt ab Hebræis etiã instituti Cle-
mens, Origenes, Eusebius, quos non pudet in-
terdum suos citare præceptores. Et D. Hiero-
nym. Ruffinum imperitiæ linguarum præcipuè
taxat, qui ei multas linguas obiecerat, cui re-
spondet hoc modo, Tu bilingis eris, qui tantã
habes Græci, Latinique sermonis sciẽtiã, vt &
Græcite Latinum, & Latinitè Græcũ putēs.
Alii studio veritatis se ipsos propè superarunt
in addiscendis linguis, quod de Epiphanio scri-
bit. Hiero. quem *πεντάγλωττον* vocat, quinque
linguis contra Ruffinum loquentem.

Responde de Hebræa seorsim, cur illa utilis est?

*Aug. de doctr.
Christ.
lib. 2.
T. 16.* Propter verus Testamentum, in quo ad sol-
uenda ænigmata, & loca obscura non paruam
vim atque adiumentũ habet. Quare D. Hiero.
sæpe iubet ad eam recurrere. vt cap. 8. Zacha-
riæ ad Hebræos remittit, & scientiæ veritatem
de fonte

de fontemagis,quàm riuulis iubet quærere. In epistola ad Augustinum, Sicubi dubites, Hebræos interroga. Item in Sophoniam, c.3. explicans versum illum. Nugas quæ à lege recesserunt, congregabo: ait Hebræum esse vocabulum, Nugas. Nam illic scribitur *Nogue*, vt agnoscas Latinum sermonē in Hebræo ex quo nosse possumus Hebræam linguam omnium esse matricem.

Quare Græca utilis est?

Propter nouum Testam. quod sine notitiâ Græcæ linguæ, in qua scriptū est, nō potest facile intelligi. ³⁶⁶Ac est, intelligatur propter fidē interpretum, tamen multa loca faciliora erunt in natia lingua, quàm transfusa in peregrinā. De qua D. Hiero. ad Damasum in præfat. in quatuor Euāgelistas, vbi reddit rationē emendationis. Si, inquit, Latinis exemplaribus est fides habenda, respondeant quibus? Tot enim sunt exemplaria, quot codices. Sin autē veritas est quærenda de pluribus, cur non ad Græcam originem reuertentes, ea quæ vel à vitiosis interpretibus malè reddita: vel à præsumptoribus imperitis emendata peruersius vel à librariis dormitātibus, aut addita sunt, aut mutata corrigimus? Idem tractat in epistola ad Marcellam, quæ est vltima Tom. tert. Diuus Augustinus quoque sæpiusculè consulit Græca exemplaria in explicandis quæstionibus, quod

fecit in epistola 59. ad Paulinum multis dictio-
nibus explicans locum 1. Tim. 2. Et sermone 15.
explicans locū Apost. ad Philipp. 2. vbi ex Græ-
co legit emendatè, Spiritui Dei seruimus: cū
alii legerent, Spiritu Deo seruimus.

Quid est vñōne Scripturæ?

Est peritia sacrarum literarum, per quā ad
omnem materiam loca Scripturæ idonea pro-
ferre possumus ad docendum, siue conuincen-
dum, corrigendum, siue instituendū. Præterea
cū in his Christi myſteria ſint abscondita,
quomodo nō turpe ſit has nō probè habere co-
gnitas? Nā verissimū est quod ait D. Hierony-
mus: Ignorare Scripturā, est Christū ignorare.

*In præ-
fat. in
Esa.*

Quomodo nota poterit nobis esse?

Aſſidua lectione & meditatione: in qua re
habemus exēpla Patrum, Augustini præcipuè
& Hieronymi: quorum hic posterior epistola
12. Furix viduæ idem præſcribit conſilium his
verbis, Quando comedis, cogita ſtatim tibi eſſe
legendum de Scripturis ſanctis, habeto fixum
verſuum numerū: iſtud penſum Domino tuo
redde, nec antè quieti membra tua concedas,
quàm calathum pectoris tui hoc ſubtegmine
impleueris. Et poſt Scripturas ſanctas, doctorū
hominū tractatus demum lege, & eorum dun-
taxat, quorū fides nota eſt. Sed ad hanc diligē-
tiam præcipuè nos excitare debet præceptum
Domini noſtri Ieſu Chriſti, Ioan. 5. 39. qui ait,
Επιμαρτε

Ἐρευνᾶτε τὰς γραφὰς ὅτι ἐκείναι εἰσιν αἱ μαρτυρεῖσαι ὑμῖν. Id est, Scrutamini Scripturas : quia illæ sunt quæ testantur de me.

Peritia Scripture quæ habet capita?

Duo habet. Notitiam contextus, & locorū communium. Ad prius pertinet multiplex & iterata lectio, qua nota nobis redditur verbotim Scriptura. Ad posterius locorum communium apta quædam explicatio & tractatio.

De Lectione postea, nunc de Scriptura responde, quid eo nomine intelligis?

*Infrā
fol. 59.*

Noui & veteris Testamenti libros.

Quæ est summa librorum veteris Testamenti?

Continent hi libri historiam Ecclesiæ fidelium, præcipuè vivērium sub Lege, spe & fide Legis impletores secundum promissiones expectantium.

Estne horum librorum par ratio & eadem dignitas?

Apud Hebræos eadem est auctoritas: Latini tamen & Græci, qui plures agnoscunt libros veteris Testamenti, quàm Hebræi, differenter illis auctoritatem concedunt. Hinc manavit illa distinctio, qua in libros Canonicos & Apocryphos separantur.

De Canonicis prius agamus, quomodo hi dividuntur?

B.iii,

In nouo testamento Matth. 7. & 11. In Le-
gem & Prophetas diuiduntur. Apud Hebræos
triplex est eorum distinctio, siue ordo. In pri-
mo ordine collocantur libri quinque Moſis.
Gen. Exod. Leuitic. Num. Deuter. Atqui hi
propriè *Torah*, hoc est Lex, appelluntur. Nā in
his Ecclesiæ veteris politia, & sacrorum ritus
continentur.

Quis est secundus ordo?

Prophetarum, quos *Neviim* appellāt: & hos
distinguunt in *Reschonim*, hoc est, priores, qui
sunt libri Iosué, Iudicum, Samuelis duo,
Regum duo. Et in *Acharonim*, hoc est, po-
steriores. Ex quibus Maiores sunt tres. Esaias,
Ieremias, Ezechiel. Minores verò duode-
cim.

Recense ordine Minores?

Hoseas, Ioel, Amos, Abdias, Iona, Micha,
Naum, Habacuk, Sophonias, Haggai, Zacharia,
Malachi.

Qui sunt tertii ordinis libri?

Kethuvim, hoc est, scripta hagiographa.

Quare sic appellantur?

Quod à viris sanctis, de rebus sacris seorsum
scripti sint.

Recense hos libros?

Psal. Prouerbia, Iob, Daniel, Esra, cum quo
Nehemia pro vno reputatur libro. Paralipo-
menon duo etiam pro vno, Cantic. Cantico-
rum,

Mac: Tobii iudei sapient. Syrach Baruch 3^{us} & 4^{us} Esdra
Vox puerorum Susanna Beel draco ps. Iamies
Quatuor Esdras parum & Esther habentur in apocryphis.

THEOLOGIC.

23

rū, Ruth, Threni, Ecclesiastes, & liber Esther.
Hi sunt 24. libri in Canone apud Hebræos,
quos appellant *Efrim* verba.

Suntne alij extra Canonem?

Apud Hebræos nulli sunt, qui in Biblico
corpore contineantur. Apud Græcos tamen &
Latinos sunt adhuc duodecim.

Quomodo hi appellantur?

Ecclesiastici & Apocryphi.

Cur ita?

Quia ab Ecclesia admissi sunt, vt priuatim
legi possint, non autem ad probandum vel im-
probandum aliquid, vt debeat inde produci
authoritas.

Qui sunt isti?

1. Tobias. 2. Iudith. 3. Baruch. *addita ad finem Baruch.*
Epistola Ie-
remiæ. 5. Carmen trium puerorum. 6. Esdras.
7. Sapientia Solomonis. 8. Sapientia Syrach.
9. Susannæ historia. 10. Historia Draconis
Beel. 11. Machabæorum libri tres. 12. Iosippi
liber. Sic apud Græcos extant. Latini Iosip-
pum non agnoscunt, sed addunt superioribus
adhuc fragmentum è libro Esther, & quartum
librum Esdræ.

Qui sunt libri Canonici noui Testamenti?

Qui à tota Ecclesia publicè recepti sunt, &
hodie extant hoc ordine: Euangelia quatuor,
Matth. scilicet, Marci, Lucæ, Ioannis, Acta
B. iiii.

Apostolorum. Inde sequuntur 14. Epistolæ Pauli: Ad Romanos vna, Ad Corinth. duæ, Ad Galat. vna, Ad Ephesios vna, Ad Philip. vna, Ad Coloss. vna, Ad Thessal. duæ, Ad Timoth. duæ, ad Titum vna, Ad Philemo. vna, & ad Heb. vna, Inde Epistola Iacobi vna, Petri duæ, Ioannis tres, Iudæ Apostoli vna, & Apocalypsis Ioannis.

Vnde habetur hic librorum Canon?

Ex consensu vniuersalis Ecclesiæ, qui nobis hos libros sub augusta & sacra authoritate commendat.

Vnde hoc probas?

Eusebius hos libros ita recenset ex Melitone, lib. 4. cap. 26. Ecclesiasticæ hist. Item lib. 6. cap. 18. ex Origene, noui & veteris Testamenti canonem refert. Augustinus etiam lib. 2. De doctrina Christ. cap. 8. veteris Testamenti libros recenset 44. sed Apocryphos cum Canonicis enumerat. Noui autem Testamēti libros omnes, vt recensuimus, mutato ordine paululum. Denique Canones Apostolici, vt appellantur, eosdem habent, & citatur is in Iure Canonico.

Origen.
in ex-
plicat.
Psal. 1.

Canones
in aliis
85.

Verba canonis.

Εἶπω πᾶσιν ὑμῶν κληρικοῖς καὶ λαϊκοῖς βιβλία σε-
βάτρια καὶ ἅγια. Τῆς μὲν παλαιᾶς διαθήκης, Μω-
σείως πέντε: Γένεσις, Ἔξοδος, Λευϊτικόν, Ἀριθμοὶ,
Δευτερονόμιον. Ἰησοῦ ἡμῶν Ναυῆ ἐν Κριτῶν ἐν. Ραθυ
ἐν. Βα-

ἐν. Βασιλείων, τέσσαρα. Παραλειπομένων, τῆς βί-
βλῃ τῇ ἡμερῶν, δύο. Ἐστὴρ, ἐν. Μαχαβιαίων, τρία.
Ἰώβ, ἐν. Ψαλτηρίου, ἐν. Σολομώντος, τρία, Παροι-
μίας, Ἐκκλησιαστής, Ἄσμα ἁσμάτων. Προφῆτῶν δε-
κα δύο. Ἡσαΐας, ἐν. Ἰερειμίου, ἐν. Ἰεζεκιήλ, ἐν. Δανιήλ,
ἐν. Ἐξώθεν ᾧ προστιθεῖσθαι ὑμῖν μανθάνειν ὑ-
μῶν τὰς νέους τῶ ἑσθίαν τῷ πολυμαθῶς Συράχ.
Ἡμέτερα ᾧ, τὸτ' ὅτι τῆς καινῆς διαθήκης: Εὐαγ-
γέλια τέσσαρα, Ματθαῖος, Μάρκος, Λουκᾶ, Ἰωάννης.
Παῦλος ὁπισθολαὶ δεκατέσσαρες. Πέτρου ὁπισθολαὶ
δύο. Ἰωάννης τρεῖς. Ἰακώβου μία. Ἰούδα μία. (Κλή-
μεντος ὁπισθολαὶ δύο. καὶ αἱ διαταγαὶ ὑμῖν τοῖς
ὁπισκόποις, δι' ἐμοῦ Κλήμεντος, ἐν ὁκτὶ βιβλίοις προ-
σποιημέναι, αἵ δὲ δεῖ δημοσιεύειν ὅτι πάντων, δια-
τὰ ἐν αὐταῖς μυσικὰ) καὶ αἱ πράξεις ἡμῶν τῇ Ἀπο-
στόλων, id est, Omnibus vobis cum Clericis,
cum Laici sint hi libri augusti & sacri. Ex ve-
teri quidem Testamento, Moysis libri quin-
que, Genesis, Exodus, Leviticus, Numeri,
Deuteronomium. Iesu filii Naue, vnus: lu-
dicum, vnus: Ruth, vnus: Regum, quatuor:
Paralipomenon, libri dierum, duo: Esther,
vnus: Machabæorum, tres: Iob, vnus, Psal-
terii, vnus: Solomonis, tres, scilicet, Prouer-
bia, Ecclesiastes, Cantica Canticorum. Pro-
phetarum, duodecim: Esaia vnus, Ieremia
vnus, Ezechielis vnus, Danielis vnus. Extra
verò hos concedatur vobis, vt iuuenes vestri
discant Sapientiam multiscii Syrach. Nostri
verò, hoc est, Noui Testamenti libri sunt, Euā-

gelia quatuor, Matthæi, Marci, Lucæ, Ioannis: Pauli Epistolæ 14. Petri Epistolæ duæ, Ioānis tres: Iacobi vna: Iudæ vna: & Acta nostra Apostolorum.

*Omniāne ad salutem necessaria his
libris continentur?*

Libri Veteris & Novi Testamenti comple-
runtur omnia prorsus ad salutem necessaria,
vt non sit opus aliunde subsidium & admini-
cula ad salutem consequendam querere.

Id mihi ostende.

Id primū inde constat, quòd Christus fi-
delissimè docuit Apostolos. Docuit igitur o-
mnia, quæ ad salutem erant necessaria. Apōsto-
li etiam bona fide docuerunt, quæ acceperunt
à Do. Christo. Quæ autem docuerunt, eadem
etiam scripserunt. Ex quo efficitur doctrinam
Christi & Apostolorum literis sacris compre-
hensam esse perfectā, & continere omnia quæ
ad salutem necessaria sunt.

Quomodo hoc colligis?

Apud Ioann. 14. 25. ait Saluator, Hæc locu-
tus sum vobiscū essem vobiscum. Paracle-
tus autem Spiritus sanctus, quem mittet Pater
in nomine meo, is docebit vos omnia, & sug-
geret omnia vobis, quæcunque dixi vobis. Ex
quibus verbis colligitur, Apostolos omnia à
Christo didicisse, non autem intellexisse, do-
nec

nec Spiritu sancto essent illustrati. Itaque post Pentecosten effusis in eos Spiritus sancti donis, omnia intellexerunt quæ à Do. Christo iam antè acceperant: quod non potest intelligi, nisi de iis quæ ad salutem sunt necessaria.

Da alium Scripturæ locum?

In 2. Epistola ad Timoth. cap. 3. 16. cùm Apostolus indicasset Timotheum notitiam sacrarum literarũ à puero imbibisse, addit, Quæ literæ possunt te sapientem reddere ad salutem per fidẽ, quæ est in Christo Iesu. Et cùm sapientia sit notitia rerum ad salutem necessariarum, si modò vera sit sapientia, & eam salutis sapientiam tradere possint sacræ literæ, sequitur quòd tradunt res ad salutem necessarias, & quidem omnes. Alioquin non esset integra illa Scripturæ laus, quam eo loco ei tribuit Apostolus.

Recita illum Apostoli locum, qui ea verba subsequitur?

Omnis Scriptura diuinitus inspirata est utilis ad doctrinã, ad reprehensionem ad correctionem, ad institutionem, quæ est in iustitia, vt perfectus sit Dei homo, ad omne opus bonum absolutus.

Quid, hicne aliquid ad hanc causam facit?
Quod Scripturæ hîc inter alia tribuitur (si

quidem piè & diligenter tractetur) quòd hominem Deiefficiat *ἀφ' ἑαυτοῦ*, hoc est, integrum & perfectum. Deinde ad omne opus bonum. *ἐξ ἑαυτοῦ μέγα*, hoc est, absolutum, & consummatum ad iustitiam. Perfecta est igitur Scriptura ad salutem: nec opus est alia vel doctrina, vel traditione ad salutem homini Christiano.

Potésne idem ex veteribus ostendere?

Possum, & quidem ex vetustissimis, qualis est Irenæus & Tertullianus. Apud Irenæum lib. 3. cap. 1. sic legimus: Postquam surrexit Dominus noster à mortuis, & induti sunt Apostoli Spiritu sancto superueniente virtute ex alto, de omnibus adimpleti sunt, & habuerunt perfectam cognitionem salutis. Quod autem bona fide tradiderint Ecclesiis illa, nec simulatè aut imperfectè, vt quidam obiiciunt, idem Irenæus copiosè demonstrat cap. 4. Non oportet apud alios quærere veritatem, cum Apostoli plenissimè in ea, scil. Ecclesia, contulerint omnia, quæ sunt veritatis, vt omnis, quicumque velit, sumat, ex ea potum vitæ.

Tertullianus autem de præscrip. hæret. omnia sciuisse ad salutem necessaria Apostolos, & omnia tradidisse manifestè affirmat. Quis, inquit, integræ mentis credere potest aliquid eos ignorasse, quos magistros Dominus dedit, indiuiduos habitos in comitatu, in discipulatu,

latu, in conuictu, quibus obscura quæque seorsim differebat?

Tamen in religione multa observantur, quæ nominatim & disertè non præcipit.

Multa quidem observantur etiam à piis, quæ in sancta Scriptura disertè & nominatim expressa non sunt: sed illa ad salutem etiã non sunt necessaria. Nam Scriptura (sicut diximus) disertè & expressè tradit omnia, quæ ad salutem requiruntur. Imò etiam reliqua religionis præcepta ita plenè tradit, ut nihil prorsus recipiendum sit, vel in doctrinam, vel in mores vitæ, vel in ritus Ecclesiæ, quod non evidenter doceri queat, & demonstrari per Scripturas, & per illa quæ disertè & apertè à Scriptura sunt tradita. Nihil etiam erroris vel vitii possit contra religionem obrepere, quod non per eadem clara Scripturæ testimonia possit efficaciter confutari.

Quid igitur de traditionibus?

Quid sunt?

Παραδόσεις appellantur: & sunt præcepta Ecclesiæ, absque scripto tradita, vel de doctrina, vel ritibus, vel moribus Christianæ religionis.

Accepitne igitur Ecclesia non solum ἐν γράφῃ, sed quædam præcepta ἄγραφα?

Potest quidem hoc concedi, Ecclesiam etiam ab Apostolis quædam ἄγραφα accepisse.

Verùm non omnia sub hoc titulo commenda-
ta statim admittenda sunt, cùm plurima sic ir-
repererint, quæ Christi doctrinæ & Apostolo-
rum planè repugnant. Quare ad Scripturæ au-
thoritatem, & Ecclesiæ sanæ iudicium recur-
rendum est.

*Da præcepta quædam d, e, & c, &
Scriptura conformia?*

1. Symbolum Apostolorum: Verà etiã in-
terpretatio præcipuorum locorum Scripturæ.

2. Ita in ritibus ex traditionibus habemus
sanctificationē Dominicæ diei. Et quòd Cœ-
na à ieiuniis, & quidein manè, non autem vespe-
ri celebratur hodie. Hæc & similia rectè scri-
bunt Patres, & à nobis piè concedi possunt, Ec-
clesiam accepisse ab Apostolis sine scripto.

Estne par omnium ratio?

Non est omnium par ratio. Nami multa fe-
runtur etiã apud veteres quæ vt per Scriptu-
ram non possent demonstrari, ita etiã nihil
momenti magnopere cōferunt ad religionem:
qualia sunt illa inter traditiones, de quibus E-
piphanius, quòd Lazarus fuerit 30. annorum,
cùm excitaretur à mortuis. Item quòd Zacha-
rias, quem memorat Christus interfectum à
Iudæis inter vestibulum & altare, fuerit pater
Ioannis Baptistæ, hisque similia.

Quomodo igitur rectè distingui possunt?

1. Ad hunc modū. Aliæ sunt Catholicæ, hoc
est,

est, quæ ab vniuersali Ecclesia obseruatæ sunt.

2. Aliæ sunt priuatarum Ecclesiarum, & certi temporis. Porro inter Catholicas, quædam sunt obseruatu necessariæ: aliæ verò non sunt obseruatu necessariæ. Vt exempli gratia, Symbolum Apostolorum, & qui sint libri Canonici, item quæ sit vera interpretatio præcipuorum Scripturæ locorum, & scitu obseruatu necessaria sunt. Traditio autem de non sumendo vel edendo sanguine, obseruatu non est necessaria: quanquam ab Apostolis posita sit, tempore autem penitus sublata. Certarum verò Ecclesiarum erant: quale est quod Augustinus refert, Mediolani sub Ambrosio die Sabbati non ieiunabant, cùm Romæ & in Africa fideles omnes ieiunarent.

*Quæ sunt igitur iudicanda Catholica
& obseruatu necessaria?*

Quas constat Scripturæ esse consentaneas & obseruatas ab vniuersali Ecclesia semper & vbique. Primùm enim Scriptura debet esse regula traditionum. Deinde certum est & hoc, quòd quæ Apostoli tradiderunt, ab ipsorum scriptis non discrepant.

Atqui Irenæus & Tertullianus iubet veritatem Christianæ religionis requirere apud Ecclesias Apostolicas.

Patres experientia didicerunt Scripturam nulli satis esse ad docendū apud eos, qui intel-

Tert.
113.

lectum & veram interpretationem Scripturæ ab Apostolis non admittunt. Qui intellectus cum integer esset adhuc, & saluus extaret apud Ecclesias illas, tutò poterant homines sui seculi ad eas Ecclesias remittere: sed quæ esset infamia hodie nos ad Ecclesiam remittere Corinthiacam, Ephesinam, Philipp. cum non extet amplius vsus doctrinæ & sacramentorum apud eas?

Obje. Epist.
118.

Quid verò ad dictū Augustini ad Ianuariū, dicentis: de eo disputare, quod Ecclesia per totum orbem seruat, insolentissima est insania?

De præ
scriptio
nibus.

Hæc non possunt intelligi nisi de Catholicis, & obseruatu necessariis traditionibus, quæ congruunt cum Sacris literis. Alioqui his opponi potest, & debet quod ait Tertullianus, *Veritas non ex personis, sed personæ ex veritate iudicanda sunt.*

Manifestum enim est, oportere in Ecclesia omnia per Scripturas doceri & demonstrari.

DE L E C T I O N E

Scripturæ.

Definitio Lectionis.

Lectio S. Scripturæ, est diligens & cum iudicio suscepta meditatio Sac. literarum, mandata diuinitus omnibus vitæ humanæ ordinibus,

dinibus, in primis verò his, qui alios cum fructu docere volent.

Generis explicatio.

Lectiōem meditatione definimus, non autem oculorum inspectione, aut emēsiōe, quia hic non tam referre iudicamus, utrum ipse legas, an verò legēre audias attentē: deinde Græci ἀνάγνωσιν expediunt per ἀνάμνησιν, & ἀναγνώ-
ναι, per ἀναμνησθῆναι. Et Hebræi locum Psalmi, *Psal. x.*
& in lege eius meditabitur die ac nocte, de at-
tenta lectiōe interpretantur, quæ verè est
meditatio.

Extrema Lectiōis.

Ponimus illam inter duo extrema: defectus est negligentia, excessus argutiæ vel Sophisticæ. In defectum peccant, qui cū possint non incumbunt Lectiōi: deinde qui legūt quidē sed lecta non curant ut intelligant, verū edīscunt, & recitant Scripturas, ut psittacus suum χῆπε. His alii deteriores sunt, qui non solum negligunt, sed aliis etiam authores sunt contemnendi omnem lectiōem, quales sunt, qui reuelationes iactant.

Excessu peccant, qui diligenter legunt, sed argutē nouum quærunt Scripturæ sensum cōtra mentem Spiritus sancti. Inter hæc duo extrema Lectiōem reponimus, munimusque illam diligentia contra oscitantiam, & iudicio contra strophas sophisticas.

Addimus quoque in definitione, etiam diuinitus esse mandatam, quod facile perspiciet qui legerit cap. 6. 11. & 17. Deut. & Christus Ioan. 5. ait, Scrutemini scripturas, & Col. 3. Apostolus scribit, Sermo Christi inhabitet in vobis copiose, in omni sapientia, &c.

Verum quod omnibus vitæ humanæ ordinibus mandata sit, fortè non ita perspicuū est: nos id ex citatis locis sic probamus.

1. LECTIO Scripturæ mandata est parentibus & liberis: at omnes vitæ humanæ ordines his metis includuntur: sunt enim omnes vel parætes, vel liberi, si non vtrunque: ex quo efficitur omnibus ordinibus esse mandatam.

Deinde Christus cum lectionem præciperet, Ioan. 5. rationem addidit, quæ hoc etiam euincit: videmini vobis vitam in his habere: quasi dicat, probo præiudiciū quod ad lectionem Scripturæ adfertis, scilicet in his vitam æternam cōtineri, ex quo sic colligimus: vitæ æternæ cura ad omnes ordines pertinet: at hanc solæ monstrant Sacræ literæ: igitur harum diligens & cum iudicio suscepta meditatio omnibus ordinibus est præcepta.

3. Præterea omnium ordinum officia Sacræ literæ omnium rectissime expediunt: ut quid requirat Deus à magistratu, quid à subditis, quæ sint partes docentium, quæ auditorum, quod sit

fit munus parentum, quod liberorum, quid de-
ceat coniugatos, quid virgines & cœlibes: quæ
officia non aliunde melius discuntur, quàm ex
Sacris literis.

4. Addimus etiam hoc, quòd salutis propriæ
ratio omnibus debet certa & indubitata esse.
Valde enim absurdum est corpus diligenter cu-
rare, eique nō nisi optimos adhibere medicos:
animæ autem curam permittere curatoribus,
non solum imperitis, sed etiam prophanis in-
terdum, quibus ne pecus quidem vilissimum
committeres. Itaque sic statuere debemus, o-
mnibus Lectionem hanc præceptam esse.

*Administros in primis spectare hoc
mandatum.*

Euincit hoc ipsa ratio. Si enim omnibus præ-
ceptum est, etiam auditoribus, ergo magis Præ-
sidibus Religionis, à quibus interpretatio sæ-
pe petenda est auditori. Deinde quia officii ho-
rum est alios docere, consolari, erudire, con-
uincere: quæ non possunt sine diligenti lectio-
ne. Sed apertum est Apostoli præceptū 1. Tim.
4. qui iubet intēdere Lēctioni, cū eidem tri-
buat hanc etiam laudem, quòd à puero Sacras
literas nouerit.

De fine Lēctionis.

Quia Lēctio cum iudicio suscipi debet, ad
finem aliquem referatur oportet. Is est certa
utilitas quam inde referemus. Hanc magnificē

commendat nobis Spiritus sanctus, quòd Scriptura nos faciat *τελειους*. Colossen. 1. & *αριους*. 2. Timoth. cap. 3. Item *εναρκε*, hoc est, idoneos, habiles, perfectos, seu ad vitam æternam, seu vitæ huius officia, seu ad docendum alios.

1. Itaque hoc fine ingrediamur lectionē Scripturæ sacræ. Primum vt inde cōsequamur plenam Dei cognitionē. Hæc enim epistola Dei est ad genus humanum, in qua ad plenū suam illi patefecit voluntatem.

Deinde hīc quærenda est ratio ac via salutis. Cum enim in his lateat vita, vt Saluator inquit, consequens est, vt in his solis quærenda sit.

Tertiò, accedamus etiam hoc proposito, nos hinc abituros meliores. Vt enim cibus non prodest corpori nisi in alimentū corporis conuertatur: sic iudicare de lectione debemus, non profuturam Scripturæ lectionem, nisi in mores conuertamus salubria illius præcepta. In hanc sententiam eleganter inquit Augustinus de operibus monachorum, cap. 17. tum prodest lectionem si fecerimus quòd legimus: & alibi, beatissimus est, qui diuinas scripturas conuertit in opera. Consentit his ipsa Scriptura quæ Rom. 2. non auditores sed factores iustificandos dicit, & Christus Luc. 12. de seruo sciente voluntatem domini, nec faciente, &c. Et Iacob. 3. scienti bonum facere, nec facit, id ei pec-

ei peccatum esse. Hæc facile sit ad lectionem applicare. Magnus sanè thesaurus nobis promittitur in scripturis, si obsequamur his quæ legimus: at fletus & stridor dentium, si lectioni contraria fecerimus. Philosophandum igitur hîc nobis est non verbis, sed vita ac moribus.

4. Addamus hoc etiam, eo fine diligenter legendam, vt consequamur facultatem docendi alios verâ pietatem. Illa quidem datur diuinitus, sed lectione alitur. Nam Scriptura supplet materiam omnium quæstionum, siue ad docendum, conuincendum, consolandum, cohortandum, instituendum, &c. Methodum autem pro industria adhibere concedit ad utilitatem auditoris. Quam optimam afferent, qui in humanioribus disciplinis non planè rudes fuerint.

Diuisio Lectionis.

Bipartita est Lectio, alia priuata, alia publica: illa intra parietes suscipitur, & ad publicam refertur apud studiosos. Et priuata vel est vaga, vel ordinaria: vaga plus voluptatis habet: vt ait Seneca, sed ordinaria plus vtilitatis.

Publica in Scholasticam & popularem rectè dirimitur. Scholastica dicitur quæ in scholis inter studiosos regnat: popularis in coetibus totius Ecclesiæ dominatur.

Est & hæc obseruata varietas, quòd alia sit

nuda lectio Scripturæ, sine explicatione adhibita, qualis olim in monasteriis fuit, & ad mensam doctorum virorum. Hanc cōmendat Aug. epistola 109. & Hieron. alibi.

Alia habet adiunctam interpretationē, qualis in Ecclesia semper fuit in usu. Hinc etiam lectoris officium in Ecclesia mansit, re propè amissa. Legebat autem is Scripturam populo, quam mox alius explicaret. Hanc commendat Iustinus Mart. in apolog. 2. & Tertul. in apolog. Sed ad priuatam reuertamus.

Partes Lectiōis.

Dux sunt partes Lectiōis, diligentia & iudicium, illam vocamus ἐπεύγων, ex verbis Christi, Ioan. 5. hoc verò, *ἡσυχία*, ex verbis Apostoli Col. 3. *Sermo Christi inhabitet in vobis, in omni sapientia*, &c. Qui locus nobis partes Lectiōis suppeditat, diligentiam, inquam, & iudicium, vt declarabitur in loco de interpretatione.

De diligentia.

1. Diligentiam munimus duobus comitibus, alacritate & constantia. Alacritas tædium lectiōis corrigit: constantia verò in cursu retinet: vtrunque efficiet vt & multa & frequēter & vtiliter legat.

De iudicio.

Iudicium in lectiōe admodum est necessarium: nam monstrabit hoc aliquem delectum,
tum

tum in tempore legēdi, vt manē & vesp̄eri certis horis legat : ne reliqua studia humanitatis negligat: deinde certa sint intervalla repetendi vel quæ audiuit, vel quæ ipse priuatim collegit.

Deinde delectum habebit in libris legēdis, quos primò, quos deinde sit ordine lecturus: vt à facilioribus ordiatur, quales sunt historiæ. Epistolas D. Pauli si ingrediatur, breuiores seligat initio, & quæ de ministri officio in primis disputant, qualis vtræque ad Timotheum & illa ad Titum, quæ tanquam ideam boni ministri sæpe repetet: sic exemplum Apollo ex Act. cap. 18. sæpe inspiciet: excitabitur enim ad diligentiam, & in proposito confirmabitur: quale est etiam exemplum Berroënsium Act. 17. singulare diligentia & iudicii exemplum.

Iudicij partes.

Iudicium volo cōstare pietate & mēthodo. Pietas dictabit, vt reuērenter lectionem accedat, synceriter ad illa versetur, & omnia ad Domini gloriam dirigat, sui p̄fectum, ac p̄proximi commodam sic fiet, vt hæreses caueat, nec vilia colligat, ne pro thesauro carbones sibi cōgerat.

Methodus lucem adferet: ac facem in obscuris accendit pietas, quam dirigit methodus, ne cum aëre colluctetur.

Methodi duo officia constituo: disponere,

& annotare. Dispositio est certa series & coherrentia verborum lectionis, quam ita rigide ac superstitiosè quæret, vt sine hac nullā velit legere periculum. Annotatio autē est relatio in sua commentaria, sententiarum, & præceptorum exempla, quæ olim sibi vsui sint futura cōtinens.

Commentaria voco, quæ Græci *ἐπιμνηματὰ* veteri vsu vocarunt, hodie locorum cōmuniū dicuntur libri.

De locis communibus.

Tales libri, vt dixi, Græcè dicebantur *ἐπιμνηματὰ*, in quibus studiosi annotarēt sibi quæuis quæ putarent aliquando sibi vsui fore. In his liberum singulis relinquo ordinem suis studiis maximè idoneum, quem sequatur & diligenter teneat.

1. Hoc saltem addo, tales libros non farciendos esse titulorum copia, in quibus non habeas quod reponas, minus etiam quod hinc vtiliter depromas: vt in domo non laudatur vacuum conclaue, sed quod habeat copiam aliquam rerum necessariarū: sic de titulis statuendum cēseo. Sunt enim cellulæ quædam, in quas comportare oportet res vsui futuras.

Deinde non solū rerum hic constituendos titulos, sed phraseôn, in primis autem præceptorum artis, vt habeas obseruationes exordiorum, narrationum, propositionum, confirmationum, confutationum, epilogorum. Inutilia

tilia enim iudico omnia artis præcepta, quæ vsum nullum habent in lectione, & quorū exempla nulla possis proferre. In hac re in primis sese exercebit diligentia, & ingenium periclitabitur, quantos progressus in artibus iā fecerit, quò recurrendi semper occasionem habebit.

Commune instrumentum huius exercitii sit ἀνάλυσις, resolutio, nec annotabit vllum titulum in locis suis quin illius vel vnum iam habeat exemplum, cui speret se plura mox additurum.

De annotatione.

Duo officia Methodi constituimus, dispositionem, & annotationem. Dispositio ad interpretationem pertinet, de qua postea, iam de annotatione pauca. ^{Annotationis} Triplex illius sit cura, rerum, verborum, ac præceptorum artis, ex quibus totidem libri locorum communium emergent.

1. Loci rerum sunt, qui continent explicatas quæstiones Theologicas, de præcipuis articulis fidei nostræ, quæ quouis seculo in Ecclesia sunt in controuersiam pertractæ.

2. Verborum loci sunt qui phrases, ornamenta, figuras, virtutes ac vitia orationis explicant.

3. Præceptorum sunt, artis observationes & exempla, in primis Dialect. & Rhetor. Primū genus certatim hodie excolitur ferè ab omnibus. Secundum à paucis. Tertium, vix dum re-

perit cultorem. Hoc igitur paucis illustremus, exemplum ex lectione epistolarum D. Pauli depromentes.

Loci generales praeceptorum.

Pono igitur me iterum lecturum epistolas D. Pauli, & recipio me ad praescriptum definitionis nostrae, hoc est, diligenter & cum iudicio lecturum. Deinde ad locos communes artis, non rerum respecturum & in hac ipsa re cauebo superstitionem ne affectatè & sine fructu titulos, vana domicilia coaceruem. Scio enim iudicium à nobis munitum pietate, quæ dictat Spiritus sancti liberiolem esse stylum.

His sic positis, tria constituo capitalia locorum artis, praesertim in epistolari genere scriptio-
nis. 1. Quis. 2. Cui. 3. Quid scribat.

Hos locos ex praeceptis habeo & video obseruari à Spiritu sancto, ideóque cōfirmor exemplo, in meo proposito.

Quis scribat.

Huc refero vitam Pauli per locos personarum explicatam. Deinde inspicio suas epistolas omnes, in quibus animaduerto duplex discrimen. Quædam enim nomen suum expressum habent, de quibus nemo sanus dubitat: alia nomen illius nō exprimunt, vt illa ad Heb. ideò de hac multi sæpe dubitarunt. Est & altera varietas, quod alia folius Apostoli nomine scriptæ sint, vt illa ad Romanos, ad Ephesios,
ad

ad Timotheū ambæ, ad Titum, &c. Aliæ plures authores referunt, hoc est non solius Apostoli nomine scriptæ, ut in quibus quosdā collegas sibi adiungit. Quales sunt ambæ ad Corinthios, illa ad Galatas, Philipenses, Colossenses, Thessalonicenses ambæ, & ad Philemonem. Hæc postea in examine titulorū plenius explicanda veniunt.

Quibus scribat.

Huc refero explicationem breuem earum Ecclesiarum, ad quas scribuntur. Deinde occurrit ex inscriptionibus illa varietas, quod aliàs scribit ad integras Ecclesias, ut ad Roman. Corinth. Galatas, Ephesios, Philipenses, Colossenses, Thessalonicenses: aliàs verò ad priuatos homines, ut ad Timotheum, Titum, Philemonem, &c.

Quid scribat.

Hic tertius locus rerum est, ideóque admodum copiosius: distinguo hunc in generales classes, ac refero huc occasionem scripti, propositionem, partes, genus, &c. ex quibus omnibus hypothesis constat totius scripti. His ita digestis refero me ad δευτέρας ὁρμήδας simili diligentia & iudicio, &c.

Experimentum.

Ponamus huius rei exēplum, ex quo de reliquis simili modo iudicium fiat. Sit prior ad Thessalonicenses.

Qui fuerint Theſſalonicenſes.

Theſſalonicam alii metropolim Macedo-
niæ faciunt. Plin. lib. 8. cap. 10. & Mela lib. 2. ca.
 3. ſimpliciter Macedonia adſcribunt. Celebrẽ
ſuiſſe nomen ipſum arguit. Strabo lib. 7. refert
ſuo adhuc tempore florentem fuiſſe, cuius iſta
 ſunt verba, ἡ νῦν μάλιστα τῶν ἄλλων εὐανδρεῖ,
 hoc eſt, inter alias Macedonia vrbes ciues bo-
 nos & fortes alit. Tabulæ Græciæ elegantiffi-
mo loco ſitam deſcribunt, ab ortu & Septentri-
 one Chabrim fluuium habet, qui per regio-
 nem Amphaxitum à Septentrione ad Ortum,
 inde in Meridiem conuerſus mari ſeſe exone-
 rat. Ab occaſu eſt Echedorus fluuius, vnde non
 procul diſtat Berroea ad radices Cytharii
 montis poſita, quò ſe recepit Apoſtolus ex
 Theſſalonica, tumultu illic orto. Act. 17. à Me-
ridie habet mare ampliſſimum, in cuius reſeſ-
 ſu, ſinu oportuno condita fuit. Antiquitus di-
cta fuit Therma, hinc Thermaicus ſinus. No-
 men illi ab euentu mutatum eſt. Nam Philip-
 pus Amyntæ filius, memorabili clade ibi Theſ-
 ſalos fudit, in cuius victoriæ memoriam puto
 vicinam urbem Thermen dictam Theſſaloni-
 cam. Mox Caſſander hanc ipſam urbem mu-
niuit & in gratiam vxoris Theſſalonices, quæ
 & ipſa Philippi Regis fuit filia, nouum vr-
 bis nomen confirmauit, vt vetus planè aboli-
 tum ſit: ſinu tamen ^{remansit} remaſit, qui apud ſcriptores, &
 poſtea

postea in tabulis finis Thermaicus dicitur. Illa est Thessalonica, ~~in qua Theodosius Imperator, ob seditionem grauius animaduertit in ciues, ob quod factum mox ab Ambrosio Mediolani est excommunicatus, nouo in ipsos Imperatores exemplo. Ad hanc postea in~~foelicit~~er pugnauit Constantius aduersus Sarracenos.~~ Nam cum constituisset prælio decernere, noctu per quietem visus est sibi Thessalonicae esse: quare spem de euentu prælii concepit, remque ducibus proposuit: rem omnes applausu exceperunt, vno excepto, qui sic interpretatus est visum: pacem suadeo quærendam ab hostibus Imperator: nam hoc suadet viso, *Θεὸς ἀλλὰ οὐκ ὡς οὖν*. Nec falsa fuit interpretatio: nam in prælio superiores fuerunt hostes.

Hodie Salonica dicitur sub misera seruitute Turcica. Aliquandiu Veneris paruit, quibus tradita fuit ab Andronico, de quo vide Laoni- 368. cum lib. 3.

Occasio.

Hanc sumo partim ex hac ipsa Epistola cap. 2. & 3, partim ex cap. 17. Acto. ex quibus liquet oblatam fuisse occasionem. Nam instituerat eos ~~Apostolus foeliciter~~ in fide Christiana: sed, ut fit, mox improbi quidam Iudæi, inuidia perciti, tumultum per urbem concitant, ex quo periculo beneficio fratrum eripitur Apostolus noctu, & se in vicinam urbem Berroeam confert.)

quæ est ad radices Cytharii montis. Hinc longius Athenas vsque procedit, inde Timotheum ad eos remisit: partim vt de statu illorum per ipsum redderetur certior, partim vt in fide suscepta nouam confirmaret Ecclesiam. Quo
 Cap. 3. reuerso ad Apostolum, seu Athenas, vt videtur in hac Epistola significare, seu Corinthum, vt quibusdam placet, retulit summam piorum constantiam, pericula & damna, quæ Christi nomine alacriter ferant, adeo vt mori quoque pro hac confessione sint parati. Hinc motus est Apostolus, vt ad eos hanc scriberet epistolam, quæ ad constantiam hortaretur bene curretes, simulque vitia quædam apud eos corrigeret, & ad officium renati hominis diligenter hortaretur.

Genus epistolæ.

Difficilius est interdum iudicare de genere epistolarum D. Pauli: nec satis hæc res est decisa apud interpretes, vt mihi quidem videtur. Sed ita expediet se studiosus. In singulis vnum est quoddam prædominans: reliqua accessoria sunt, & interdum plura, quæ principale illustrant & confirmant. Ac prædominans ex ipso argumento sumatur, & finali causa. Vt in hac epistola dominans genus est *ἐπιστολὴν*. Ratio est, quia ad constantiam præcipue eos incitare vult. Accessoria deinde plura sunt, quæ ad superius tanquam prædominans referuntur:

Vt ἐπαινετικὸν, quo vtitur primo & secundo
 capitibus, ipsos laudans ab anteaſtis : ſe verò
 2. cap. ornat veri doctōris virtutibus mini-
 mē fictis. Faciunt autem ad ſuperius principa-
 le confirmandum. Crescit enim laudata vir-
 tus, & imminens gloria calcar habet, &c. Sic
 accedit παραινετικὸν, quo ad officium horta-
 tur renati hominis. Item ἐπαγγελτικὸν, quo
 ſuum iſtis aduentum promittit. Ἐπανορθω-
 τικὸν, quo vitia corrigit. Διδασκτικὸν, quo in-
 ſtruit, ac docet, quid in dubiis quæſtionibus
 ſequi debeant, &c. Ad hunc modum ſi de gene-
 re in omnibus epistoſis conſtituatur, magna
 lux interpretationi accedet, atque id totum de-
 bemus obſervationibus artis.

1.

2.

Cap. 4.

3.

4.

Cap. 3.

5.

Cap. 5.

Expoſitio epistoſe.

Vt de genere nemo rectē conſtituet, niſi ex
 ipſo contextu: ſic de certa propoſitione, ac ſco-
 po, non aliunde conſtituendum eſt. Sepoſitis
 igitur omnibus commentariis ipſa legatur &
 relegatur epistoſa, donec ſcopum deprehen-
 das. Nam hīc oculatum oportet eſſe lectorem,
 ne alienis oculis plus credat, quā ſuo iudicio,
 Queratur igitur περιόρῳαν: deinde etiam τὸ
 εἶδος. Hinc ſi fieri poteſt ſyllogiſmo compre-
 hendatur. Vt in præſenti exemplo principalis
 quæſtio eſt, de conſtantia in ſuſcepta profes-
 ſione. Hinc conſtitueſάων. Theſſalonicenſes
 in ſuſcepta tam foeliciter profeſſione, quā

constantissimi esse debent. Propositionis firmamentum, hoc est, *κεινόμενον* affert : quia in hac diuina electio vestra patefacta est: hinc sequitur *αἵτιον*, hoc est, firmamenti ratio: quia in potentia Spiritus sancti est proposita, quia *ἐν πληροφορίᾳ πολλῇ*, quia ad exemplum Christi, & Apostolorum cum magno periculo fuit suscepta, quia aliis Ecclesus vt exemplum præluxistis, &c.

Collige igitur in Syllogismum totam causam, ad hunc modum.

Doctrina quæ vos certos reddit de vita æterna, in hac debetis esse constantes.

Sed Euangelium quod à me didicistis vos reddit certos.

Ergo in hoc oportet esse constantes.

Minor probatur, quia habet in vobis manifesta argumenta Spiritus sancti, quia fidem firmiter cōfert, quia ad exemplum Christi & Apostolorum, & quia à veris doctoribus eam accepistis, &c.

Haftenus de propositione constituenda, quæ vt rectè etiam constituatur, multum momenti habet.

Partes epistolæ.

Diuisio interdum nudè sequitur artis locos: interdum inseruit materiæ præsentī, vt certa habeat membra, quæ memoriæ inseruiāt. Nos hanc in præsentia diuisionem instituiamus. *Epistolam*

stolam totam in sex partes distribuimus, quæ hoc ordine cohærent.

Initio suo more, titulo complectitur personas scribentes, personam Ecclesiæ, & honorificam salutationem. *Titulus.*

Deinde exordium commodè aditum facit ad rei sequentis narrationem. *2. Exordium.*

Narratio sequitur, qua præteritas res commemorat, hoc est, qua fortuna admiserint hanc doctrinam: & quanta diligentia ipse eos docuerit. Ideò narratio bipartita instituitur, 1. de auditoribus, 2. de ipso doctore. *3. Narratio.*

Denuntiatio est sui aduentus, addit causas impediētes cur hactenus non venerit, quantumque illorum desiderio teneatur: item de causis missi ad eos Timothei: necnon de ratione scriptæ epistolæ. *4. Promissio aduentus sui.*

Corrigit illorum mores, ut scortationem, fraudem in contractibus, otium iners, facilitatem ad res innouandas, (videntur enim natura fuisse faciles ad seditiones) curiositatē in questionibus non necessariis. Contrà hortatur ad renati hominis virtutes, dilectionem, pacem, vigilantiam, &c. *5. Correctio morum.*

Epilogus demum sequitur, comprecatione, salutatione, præcepto, conclusione, consueta cōstans, &c.

Specialis consideratio.

Generalis præceptio sic satis videbitur in-
Di.

structa, secundum quam accedendum suadeo ad omnium Epistolarum lectionem. Hinc δευτέραι φροντίδες sequuntur, hoc est, singularum partium diligens & repetita lectio quam ingredremur, nisi res longioris esset instituti.

Συνοψίς δὲ ἐπιμνηστικῆς.

Quid sit interpretatio.

Interpretatio est congruens explicatio cum mente authoris, apta dispositione ad commoditatem auditoris adhibita.

Partes interpretationis.

Eius partes duæ sūt, Analogia & Methodus.

Analogia est conuenientia interpretationis cum aliis Scripturæ locis, in primis cum Fidei articulis, quos si euertat, aut cum aliis locis Scripturæ pugnet, vitiosa est. Virtus enim interpretationis est, conciliare Scripturam, & Fidei articulos stabilire.

Methodus ab industria docentis afferri debet. Ac optimam afferet, quia eam ex Philosophia, in primis Dialecticis præceptionibus acquisierit.

Hinc constituitur docendi genus duplex. Vnum δημῶδες dicitur, popolare, nullis legibus astrictum, sed liberum ac vagum. Inde λαγάρων dicitur, quasi hians & languidum, quale est paraphrasticum, quod authoris mentem aliis proponit verbis, saluo eiusdem sensu. Hoc si præstet paucioribus verbis, ὑπομνημα dicitur.

Sin

Sin idē faciat pluribus quā author fecit, metaphrasis erit. Si liberius digrediat, ad populi captum à scopo authoris, ὁμιλητικὸν dicitur. Quo genere olim plurimum vsi sunt patres, Basilii, Chrysostomus, Origenes, Augustinus. Id hodie reuocatum est in vsū docendi, sed methodico genere instructum, quod olim separatum fuit.

Methodicum in Scholis mansit, quibus debemus adhuc Methodi reliquias.

Partes methodi.

Methodica interpretatio his partibus constat ὑποθέσει, προτάσει, διαρρέσει, ἐκθέσει.

1. Hypothesis est argumentum loci propositi, perspicuis propositum verbis ex ipso contextu, nō aliunde petiit: quod fiet illustrius, si præcedentium & consequentium continuatione constet.

2. Propositio paucis verbis totum argumentum constringit: hanc interdum locus ipse propositus exprimit, interdum ex toto cōtextu colligi ab industria debet interpretis. Si locus ipse propositionem manifestam habet, interdum solet nuda & simplex esse, interdum verò argumenti est vestita, illa ἀπλή dicitur, hæc verò ἐνδύσκεινος, quia habet argumentorum quoddam seminarium.

Diuisio est aptissima, quæ memoriæ auditoris & dicētis inseruit, deinde quæ ex ipsa ver

borum seriem petitur, non aliunde affertur: atque hæc naturalis est, ideóque propria, quia ex verborum consequentia nata est. Aliena erit & coacta si aliunde inferatur, quia verbis non respondet. Virtus diuisionis est, nihil omittere, nec redundans ponere. Ideò cauenda est superstitio in numero membrorum: aliquando bipartita, aliàs tripartita, quadripartita etiam, quandoque quinque membris etiam adhibenda est.

Laudabilis autem est dicentis industria numerum aptè posse mutare, ne semper trimembris sit omnis cuiusvis contextus explicatio. Si tamen numerum ternarium excedat partitio, breuior & planior debet esse commentatio, vt memoria auditoris iuuetur, &c.

- Εκθεσις* explicatio est, qua ab ouo (vt dicitur) prima diuisionis membra ordine persequimur, apta illustratione adhibita. Huius partes sunt ecphrasis, quæ obscura reddit per apertiora. Analysis quæ inuestigat argumenta, ad rem probandam, vel seriem orationis ex circumstantiis illustrandam. Porisma quod observationes, ad doctrinam, redargutionem, consolationem, exhortationem, &c. auditoris animo suppeditat. Hanc interpretandi rationem exemplo iam illustrabimus, &c.
- 1.
 - 2.
 - 3.

Exemplum rei propositæ.

Scribit D. Paulus ad Col. 3. Verbum Christi inha-

ſti inhabitet in vobis abundè in omni ſapientia, docentes & commoneſcientes vos ipſos Pfalmis, & hymnis & odis ſpiritualibus, in gratia, cauentes in corde veſtro ipſi Domino,&c.

1. Hypotheſis. Verſatur Apoſtolus in declaranda vita renati hominis, quæ reſpondere debet profeſſioni noſtræ. Propoſuit autem virtutum duplicem ordinem. Primi generis fuerūt, liberalitas, modeſtia, humilitas, lenitas, longanimitas. Secundi ordinis autem ſunt, dilectio, pax, gratiarum actio, verbi Dei ardēs ſtudium, circumſpectio. De poſteriori ordine hic locus depromptus eſt, in quo ſpecialiter cōmendat nobis ardens ſtudium audiendī, & tractādi verbum Dei.

2. Propoſitio Apoſtoli eſt. Omnibus modis curandum eſt, vt omnes ordines in Eccleſia Chriſti, quàm diligentiffimè, & fructuoſiſſimè verbum Dei ſemper tractent.

3. Loci propoſiti membri hoc ordine cohærent. Initio poſita eſt propoſitio mandans diligentiam in legenda Scriptura. Deinde exprimit iudicium, quod lectioni addendum eſt, ne in dogmata vitioſa incidamus. Tertiò vſus huius diligentix indicatur, qui poſitus eſt in docendo, & commonefaciendo. Quartò loquitur de adiunctis, quibus hæc diligentia ornatur. Dicendum igitur eſt primùm de ipſa legēdi diligentia, deinde de iudicio, tertiò de vſu, quar-

D.iii.

tò de adiunctis.

1. Diligentiam in his verbis requirit. Verbū Christi habitet in vobis abunde. Sensus est, homini renato quàm diligentissimè versandum est in verbo Dei, hanc sententiam vestiuit Apostolus idoneis verbis, quæ diligentiam expriment, ac rationes suppeditant. Fiat igitur Analysis, & primùm doceatur, Quid sit λόγος Christi, deinde quid inhabitare, tertio, quomodo id fiat abunde.

Λόγος Christi ferè accipi solet ab aliis pro dilectione, de qua dicit Christus Ioan. 13. *novū mandatum do vobis vt diligatis vos.* Item ibidem, in hoc cognoscent, quòd mei sitis discipuli: hinc præceptum dilectionis dicitur Christi mandatum 1. Ioan. 8. quod hîc per sermonē accipiunt, hîc λόγος est ἐντολή. Sed hos refutare non est difficile, quia Apostolus hîc proprio loco & ordine de dilectione egit: non careret ordo, & enumeratio Pauli confusione noui necessaria, si bis idem diceret minimè suo loco.

Alia igitur sententia est, λόγον Christi esse totam Euangelii doctrinam, vt sit hic sensus: λόγος Christi, hoc est, *ὅτι τὸ χεῖρ*, sermo de Christo agens, qui sensus habet notationem Euangelii: nam Christus totius Euangelii quasi subiectum est, adeò vt Apostolus dicat se nihil scire, quàm vnū Christum. Hic sensus ista habet vtilitatem, vt sciamus quæ doctrina in Ecclesia

Ecclesia Christi regnare debeat, scilicet Evangelica, quæ nobis proponit Christi meritum, rationem salutis, regenerationem, piam conversationem, castos mores, &c.

Tertius etiam sensus est: λόγος θεὸς τῶ χειρὶ δīci potest de oraculis prophetis, quæ regnū, aduentum, natiuitatem, doctrinam, mortem, resurrectionem Christi explicant. Itaque hic amplissimus sensus est: sermo Christi inhabitet in vobis, hoc est, doctrina Prophetica & Apostolica, quæ de Christo loquitur summa diligentia euolui debet.

Diximus de subiecto, sequitur secundo loco prædicatum, *inhabitet in vobis*: metaphora concinna est, quæ suppeditat suæ argumentum. Vt enim domus pleno iure possidetur ab ordinario hero, adeo ut omnes ei anguli perui sint, nihilque non tuto & liberè accedat in illa. Sic verbum Dei in nobis pleno iure regnare debet. Hinc est quod templum Spiritus sancti dicimur, & Scriptura aliquoties templū Dei & domum Dei pro eodem sumit.

1. Summa igitur argumenti est. Inhabitare est pleno iure gubernari & ornari. Ergo summa diligentia tractanda est Scriptura, totique nos eius imperio tanquā propria possessio subiiciendi sumus: curandum igitur ne simus prophana domus, & fortè non verbi Christi, sed alterius, &c.

Deinde notatio personæ habet vim argumenti, *in vobis*, indefinita persona ad omnes pertinet, quasi dicat, qui pietatem profitemini, qui Ecclesiæ membra esse cupitis. Vis argumenti est à natura professionis, quasi dicat, frustra gloriamini de Christianismo nisi hoc præstetis. Ex quo illa manat doctrina, lectionem Scripturæ ad omnes ordines pertinere, & hinc quoque ad laicos, quam prohibere perniciosus est conatus. Alit enim securitatem propriæ salutis, quæ periculosè imperitis, & prophanis conceditur curatoribus. Ideò Apostolus hîc intelligatur totum cœtum alloqui, habitet in vobis non solum doctoribus, sed auditoribus quoque, adeoque etiam laicis & omnibus aliis ordinibus, qui modò membra Ecclesiæ Christi esse volunt seriò, &c.

Tertiò vox quæ prædicato additur idē declarat *πλεσίως*, hoc est, *copiosè habitet in vobis, vel opulenter*. Nam adverbium *πλεσίως*, à Pluto fabuloso illo diuitiarum Deo factum est, quale nos ab opibus opulenter formamus. Argumentum hinc petatur à frequentia ad monstrandam diligentiam. Quæ copiosè & opulenter facienda sunt requirunt magnam diligentiam.

Sed tractatio Scripturæ opulenter fuscipienda est.

Ergo magna cum diligentia, &c. Ex hoc argumento promanat illa doctrina, veras opes

Pes rei domesticæ esse Dei verbum, cuius iuge studium verè beat & domum, & Rempubl.&c.

2. *In omni sapientia.* Alter locus est de iudicio in lectione adhibendo. Sapientia iudicium & rectam rationem significat. Sapienter tractant scripturam, qui quod legunt curant vt intelligant, ne sine fructu legāt: deinde qui intra metas continent cogitationes, ac in hæreses prolabantur curiosa interpretatione, intra has metas sapientia sese continet, quod alibi vocat Apostolus ὀρθοτομεῖν, rectè secare verbum veritatis. Virtus est in primis necessaria doctoribus, deinde non minùs ipsis auditoribus, &c. 2. Tim.

3. *Docentes & commonefacientes vos ipsos.* Tertio loco de vsu nos admonet. Lectionis vsus in primis sese prodit in his duobus membris, docendo & commonefaciendo. Doctrina διδασκαλία est cùm verus sensus Scripturæ collatis aliis locis eruitur, & auditori perspicuè proponitur: deinde cùm adhibentur definitiones rerum, diuisiones, explicationes per causas, confirmationes, &c. Νεθesia autem est cùm ex proposito loco observationes utiles eruuntur ad mores corrigendos, cauēda vitia, amandas virtutes, cauenda pericula, vitanda scandala, &c. in his longè latè que diffundit se lectionis vsus.

Psalms, Hymnis, & Odis spiritualibus, in

gratia canentes in corde vestro, ipsi Domino. Ornamenta adiuncta hîc persequitur. Piam & accuratam lectionem ista comitantur, Psalmi, Hymni, Odæ spirituales, quorum omnium duplex est ratio: aut enim voce decantantur, aut animo & Spiritu læto recitantur. Denique ad Domini gloriam referuntur, quæ tria hîc explicanda sunt.

Ac quod ornamenta attinet, recitat Psalmos, hymnos, & odas spirituales, quæ libenter pro iisdem accipio, vt significetur ardens canendi pias cantiones studium lectionem comitari: quanquam in his nō sit obscurum quoque discrimen. Nā Psalmi dicuntur Græco verbo, cantiones ad organum musicum accommodatæ in primis ad id quod propriè *Ψαλμῶν* dicitur à *Ψάλλειν*, cuius origo est ex *Ψ*, quod significat *κρέω*, pulso, hinc Psalmus cantio ad instrumentum accommodata. Hymnus autē carmen est laudatorium in Dei laudes compositum. Ode autem est *λόγος μεμελισμένος*, hoc est, oratio cantu prolata, itaque Hymnus rythmum habet, cantu carere potest. Ode autem utrūque habet. Sic Græci distinguunt in sacris literis, tamen non seruatur hoc discrimen. Nā Psallere dicimur etiam mente & spiritu, vt 1. Cor. 13. & Eph. 5. psallentes in cordibus vestris, quod inde factum est, quia vox hæc respondet Hebraico *tehilim*, quod laudes significat: itaque lata est significatio Psalmi. Significat enim &
animi

animi gratiarum actionem. Deinde voce prolatum & modulatum carmen, & interdum accommodatum ad harmoniam organi. Ode autem & Hymnus in eo differunt, quod Hymnus semper sit sacer, Ode autem possit esse prophana. Ideò Apostolus hîc differentiam addidit, odis spiritualibus. Eadem habemus ad Ephes. 5. loco iam citato.

Locus est de usu Ecclesiastici cantus, qui suam habet utilitatē, si iudicio gubernetur, ut hîc requirit Apostolus, hoc est, ut cum fructu fiat, in lingua nota, nō peregrina, ut est 1. Cor. 13. &c. de quo alibi.

Porro cantus Ecclesiastici duo hîc membra obseruanda sunt. Prius est modum seruare, posterius animi affectum addere pium.

1. Admodum refero quod dicit ἐν χάριτι, in gratia, hoc est, ut sit gratiofus auditoribus, ne sit molestus vel prolixitate, vel dissonantia, vel boatu, aliòve indecoro strepitu vel gestu. Alii interpretantur in gratia, hoc est, ut sit gratiarū actio coniuncta, sed χάριτι, hîc non materiam, sed formam potius exprimit. Alterum igitur membrum est, cordis pium affectum coniungere, ne videlicet sit cantus noster ad carnales affectus attemperatus, vel ore pia canamus animo ad impia & πάρεργα discurrente. Cauendum est igitur pro animi affectu, quod hic & ad Eph. 5. in corde dicitur Psallere, & 1. Cor.

14. mente & spiritu psallere. Cæterum finis cantionum debet esse gloria nominis diuini, quod hîc admonuit commate isto *ipsi Domino*. Idem dixit Ephe. 5. & hîc cap. mox sequenti versu. Omnia in nomine Domini facite, gratias agentes Deo, &c.

A L I V D E X E M P L V M R E-
solutionis ex priore ad Theſſ. cap. 4.

A Versu 13. ad finem vsque cap. locus est de luctu pro mortuis. Scopus Apostoli est moderatè lugendos mortuos, ad spei nostræ de vita æterna cōfirmationem. Partes duæ sunt, Propositio & Confirmatio. Propositio in verbis Apostoli est (Ne lugeatis) quod accipio de excessu, vt sit sensus, pio homini dolori in luctu defunctorum non esse nimium indulgendum.

Declaratur propositio à contrariis. Nā hîc duo extrema sunt vitia. Defectus est non lugere, vt sunt affecti qui olim ἀπαθείαν defendebant, & Stoicam ἀσorpγίαν, vt Diogenes. In excessu peccant, qui nimium dolori indulgent suosque more Ethnico lugent, vt Alexander Hephæstionis mortem. Hic mos barbarus irrepperat apud Iudæos, vt videre est Matth. 9. Vnde in Ecclesia Christi nonnulli eundē morem suos lugendi retinuerant, vt adhiberent præficas, hoc est, matronas, quæ lachrymas fingere

*Actiā.
lib. 7. c.
3, & c.
historia.*

fingere possent, carnē lugubre, quod ialemon Græci vocant, tibicines qui apio coronati funus ornarent, &c. has nugas hīc damnat, medium autem concedit, hoc est, ad morem sanctorum sua deslere funera. Vt Abraham deflet Saram, Gen. 23 Populus mortem Moſis, Deut. 33. Ioseph funus lugubre instituit parēti Iacob, Gen. vltimo. Et Christus deflet interitum vrbis. Ergo hominis interitum deslere est honestum.

Denique Scriptura refert inter poenas non sepeliri, sed instar asini abiici nō desletum, moderatus igitur luctus honestus est, &c. Sed locus Apostoli contra excessum solū spectat, idē hīc colligantur rationes ad Apostoli institutum.

Propositio est, non sunt nimium deslendi mortui. Ratio est ex contextu. *Confr-
matio.*

Primò, quia nimium lugere mortuos argumentum est: ignorabant igitur, & hanc ignorantiam corrigit Apostolus. Nocens est ignorantia dubitare de mortuorum salute, de carnis resurrectione quod fit in nimio luctu.

Deinde quia Scriptura de mortuis loquens. vocat non mortuos, sed dormientes, ergo nimium lugendi nō sunt, quia saltem dormiunt, & dormire de corporibus, non animabus intelligatur, &c.

Tertiò, ab exēplo dissimili: vt reliqui, quasi dicat, Ethnici sic lugent suos, ergo vos

non ita, &c.

4. Qui spem non habent, sic lugent, quasi dicat, desperabundi hominis est sic lugere, quasi actum sit de tota hominis salute: ergo cauendum. Non habebant autē spem de salute corporis, & resurrectione, quia in morte omnia finiri aestimabant.

5. Exemplo Christi, quem non dubitatis à mortuis resurrexisse. Idē igitur sentiamus de nostris defunctis. Hinc Christus dicitur primo genitus ex mortuis Coloss. 1. quia ad illius ut capitis exemplum, nos etiam ut membra sumus resurrecturi.

6. A modo resurrectionis, in quo prima iudicis cura spectabit ad defunctos, præuenient enim nos, igitur vobis sunt foeliciores, & perfectioni eo gradu propiores, quia illi primum excitabuntur, dehinc demū nos immutabimur. Id quod Apostolus copiosè & magnificè ostendit, vers. 16. 17, &c.

L O C O R V M C O M M V- nium ratio.

Quæ hic seruanda est partitio?

Quæcunque utilis & idonea est, qualis illa haberi potest. Loci alii controuersi sunt: alii sunt extra controuersiā. Et controuersi nobis alii cum Anabaptistis: alii cū Papistis: alii cum domesticis & aliis sectis: alii denique cum externis,

ternis, qui in Christi Ecclesiam in terris non sunt incorporati, quales Philosophi, Gentiles apud veteres, Iudæi & Turci etiam hodie.

Quot igitur classes locorum communium nunc instituis?

Quinque.

Prima est classis locorum communium, qui nobis cum Anabaptistis sunt in controuersia.

Secunda classis habet locos qui cum Papistis nobis sunt controuersi.

Tertia est locorum aliarum sectarum nostri temporis.

Quarta locos habet contra externos, & eos qui alieni, nec domestici sunt fidei, quales sunt Philosophi, Gentiles, Iudæi, & Turcæ.

Quinta eos locos complectitur, qui extra controuersiam positi sunt.

Ex prima classe loci aliquot contra Anabaptistas.

DE LIBERTATE CHRISTIANA.

Cur hic primus est locus.

Quia Catabaptistæ ab hoc exorsi sunt, & eius malo intellectu omnia initio repleuerunt seditionib. Putabant enim eā extendi ad res externas, ad dominia & iura publica

collenda, quæ mens neque Christi neque Apostolorum fuit.

Quid est libertas Christiana?

Est facultas agendi & vivendi iure renati & liberati hominis merito Christi. Ex quo sequitur eam pertinere ad bonū finem, & esse rerum spiritualiū. Est enim in homine duplex gubernatio. Spiritualis quæ ad omnes in genere pertinet. Violenta autem est in improbis.

Quæ sunt species libertatis Christianæ?

*Mors e vista
p. clm. of. 13.* Quatuor, quarum est prima liberatio à morte æterna, & iure Diaboli idque duplici modo. Primū enim eramus Diaboli mancipia possessione. Deinde etiam gubernatione. Hæc servitus aduentu Christi sublata est, ut iam Dei liberi simus & eius Spiritu gubernemur. Huc pertinet locus Ioan. 8. 36. Si filius vos liberauit, verè liberi eritis. Vera autem libertas animæ & spiritus est, non corporis.

*α. Et liberemur
de gr. si mō gr.
non s. noster, u
tamē. Non n.
in mō s. applic* Liberatio à Lege & eius dominio: nam Lex non servata nos compellat ad pœnas. Christus igitur implendo eam pœnas sustulit. Quò pertinet locus ad Gal. 3. 13. Christus pro nobis factus est execratio, ut nos ab execratione Legis redimeret.

Pertinetne hæc liberatio ad totam legem?

Rom. 8. Ad totam. Nam de ceremoniis & forēsis nulla est controuersia, cū Apostolus dicat ad Gal. 5. 6. In Christo Iesu, nec circumcisio quidquam

quam valet, nec præputium, sed fides per dilectionem operans. Et ibidē ver. 2. Si circumcimini, Christus nihil vobis proderit. De morali-
libus verò legibus dubitatio est. Sed & istæ ²²
suo modo sunt sublatae, quod scil. ad maledi-
ctionem attineret: nam & hæ nos damnabant &
ab ea maledictione & damnatione per Chri-
stū liberati sumus. Quò refero dictū Apostoli
Gal. 5. 1. in libertate, qua Christus vos libera-
uit, stete, ne rursus iugo seruitutis implicemini

Quæ est tertia species?

Liberatio à peccato, quò referimus omnes
affectus & desideria carnis, vt nō solum illa in
nobis non regnent: sed quæ Deus in nobis re-
quirit, sponte & sine metu poenarum præste-
mus, Dei & pietatis amore. Huc pertinet lo-
cus Rom. 6. 12. Ne regnet peccatum in morta-
li corpore vestro, vt obediat illi per cupidita-
tes, nec accommodetis membra vestra; arma
iniustitiæ peccato: sed accommodetis vos ip-
sos Deo, &c.

Quæ est quarta species?

Est posita in ritibus & rebus externis, quæ
possunt sine vitio seruari & omitti. Nam opi-
nio necessitatis, vbi necessitas non est, seruos
nos facit, quod libertati Christianæ repugnat.
Matth. 15. 9. Frustrà me colunt mandatis homi-
num. Rom. 14. v. 14. Nihil est commune, nisi ei
qui existimat esse aliquid cōmune. Et Eze. 20.

18. expressiùs ait, in præceptis meis ambulate, & non in præceptis Patrum vestrorum.

Quid de externa libertate?

Politica illa est, nec ad superiora pertinet. Nam Euāgelium Respublicas non tollit, imò confirmat. Vnde ad Roman. 13. 1. Omnis anima potestatibus subiecta sit. Et 1. Timoth. 6. 1. dominis præscribuntur præcepta: & vicissim seruis, quales deceat esse erga dominos. Quæ locum non haberent, si libertas promiscuè ad externa pertineret. Præterea impium est omnes promiscuè ad libertatē vocare, cum qui dam sint serui natura, qui nec liberi esse possint, nec velint. Est & ipsa mundi gubernatio sic instituta, ut alia præesse, alia parere velint. Homo ipse dominio rationis subiectus est, & seruum habet corpus; & peccatū hominis hoc meretur, ut seruitute aliqua quandoque prematur, ut discat agnoscere suos errores.

Quid autem de malis Principibus & impijs Magistratibus?

Non facit ad hanc causam, boni sint, siue mali, cum etiam malis iubeant Sacrae literæ parere, & inobedientiam peccatum vocet, cum ait Rom. 13. 2. Quisquis resistit potestati, Dei ordinationi resistit. Hoc tamen tenendum est, obedientiam hanc pertinere ad externa sic, ne quid contra Deum, bonos mores, & ipsam naturam præcipiant: nam tum Deo plus debemus

debemus, quàm hominibus. Quare sic conclu-
dimus.

1. Libertas Christiana extēdi debet ita, vt id
ferunt Sacræ literæ. Sed eam extendi ad politi-
cam libertatem non ferunt Sacræ literæ: Ergo
ad eam extendi & trahi non debet.

2. Liberatio per Christū parta non est car-
nalis & externa, quemadmodum nec regnum
eius de hoc mūdo: Ergo non est quærēda hīc
Politica & externa libertas.

3. Inūtilis est ad salutem, nōcens autem re-
bus humanis illa doctrina: Ergo à Christianis
alienum esse debet hoc dogma. Inūtilis, quia e-
tiam serui & non liberi in Christo habent lo-
cum, imò firmiores promissionēs, siquidem fi-
deles permanferint. Nocens autem, quia Res-
publicas, in quibus Ecclesia hospitium quærit,
& necessario latitat, perturbat, & pios multis
persecutionibus, etiam non necessariis, vnā cū
malis implicat: quod experientia didicere mul-
ti ab anno 1521.

SECVNDVS LOCVS DE

Baptismo.

Quid est baptismus?

Est Sacramētum à Christo institutum, quo
in Ecclesia consortium suscipimur: vt Christo
infiti filii Dei efficiamur. Quò pertinet locus
Eph. 5. 2 6. vbi ait Ecclesiam à Christo sanctifi-

catam & mundatam lauacro aquæ in verbo.

Quis est usus Baptismi?

1. Præcipuè triplex est. Primum est Symbolum, quòd delera nobis sint peccata ita vt non amplius nobis imputentur: siquidem manserimus in fide.

Secundò ostendit nobis mortificationem. Nam immersio in aqua docet nos cū Christo mortificandos. Emergio verò nouam in Christo vitam significat, ita vt mundi studiis valedicamus, ac nouam, Deo que gratā ingrediamur vitam.

Tertiò Christo nos vnit, ita vt bonorū eius omnium reddamur participes.

Infantes verò cur sint baptizandi?

Quia bona illa, quæ per symbolum hoc declarantur ad infantes pertinent, vt est vita æterna, remissio peccatorum. Nō igitur signum tantorum bonorum illis negari debet. Tribuuntur autem illis ab ipso Christo, Matt. 19. 14. Sinite pueros venire ad me: talium enim est regnum cœlorum. Et cap. 18. 3. apud eundem, Nisi conuersi fueritis, & efficiamini sicut pueri, non ingrediemini in regnum cœlorū. Cū igitur maiora, & quæ potiora sunt, illis sine controuersia tribuantur, minora illis non debemus negare: præsertim cū maiora illa per ista minora obliuentur & confirmantur.

Secundò baptizandi sunt, quia præceptum Baptismi

Baptismi est vniuersale, pertinetis ad omnes electos. Et cum in infantium turba plurimi sint electi, meritò illis tribuitur. Quod autem sit vniuersale, habemus Matth. 28. 19. Euntes docete omnes Gentes, baptizantes eos in nomine Patris, Filii & Spiritus sancti. Et Marci 16. 15. Prædicate Euangelium omni creaturæ: Qui crediderit & baptizatus fuerit, saluus erit.

Tertiò, quia Ecclesia Christi hoc ita semper seruauit, de quo vide Augustinum contra Donatistas, Cyprianum, & Origenem in 6. c. ad Rom. vbi expressè etiam testatur esse hanc traditionem Apostolicam Ecclesiæ relictam, vt infantes baptizentur, & ipsos Apostolos eo sicfuisse vfos.

Argumenta Catabaptistarum.

PRIMUM ARGUMENTVM.

Marci 16. 16. scribitur, Qui crediderit & baptizatus fuerit: Sic Matth. 18. 19.

Debet ergo fides precedere.

Respondeo. Obseruandus est scopus Christi illic, & ad eum accommodandus totus locus.

Primum mittit discipulos ad docendum: misit ergo ad adultos, cum infantes doctrinæ non sint capaces. Rectè autem adulti transaturi ad Christianismum, prius fidem confiteri debent, deinde baptizari.

Deinde non agitur illic, qui baptizari debeāt necne: sed qui saluandi sint, aut condemnandi. Saluandos (inquit) credentes, & baptizatos, non saluandos qui non crediderint. Non igitur ad infantes locus ille arcendos à Baptismo rectè trahitur, cum non mens sit illic describere personas baptizandas.

SECUNDVM ARGV- mentum.

*Nullum extat præceptum,
Ergo baptizandi non sunt.*

Respond. Simili ratione colligere licebit foliis viris etiam dandam esse Coenam Domini, quum de mulieribus expressum totidē verbis non extet præceptum, & discipuli soli interfuerint vltimæ Coenæ. Verum quum circūcisioni successerit baptizandi mandatum, res ipsa declarat quid Dominus præcipiat. Qui adulti ad populum Dei accedebant, post fidei confessionem circuncidebātur. Qui verò in eo populo nascebātur infantes, itidē circuncidebantur. Sic in Ecclesia Christi qui adulti accedūt, adulti baptizātur post doctrinam fidei: sed nati in Ecclesia, etiā infantes baptizandi sunt, alioquin Dominus expresso mandato hoc etiā correxisset. Quare tantum abest vt valeat illud vt in cōtrariū magis pro causa infantū faciat hoc modo: Si Dominus noluisset infātes baptizari,
mani-

manifesto mandato hoc prohibuisset : sed hoc non fecit: reliquit ergo regulam communem, quā in circumcisione seruauerat prior populus.

TERTIVM ARGV-

mentum.

Atqui non leguntur Apostoli infantibus baptizasse.

Respond. Non valet consequentia. Non legimus Apostolos baptizasse infantes: Ergo nō baptizarunt, nisi prius maiorem hanc probēt. Quicquid scriptum non est, id etiam factū non esse: sed id probari nec potest nec debet, cum apertē falsum sit, & absurdum. Nā quod Ioan. 21. 25. scribit de Christo, quod multa alia sint, quæ fecerit Iesus quæ scripta non sint: nam si scriberentur, inquit, per singula, nec ipse opinor mundus caperet eos, qui scriberentur, libros. Idem etiam de Apostolorum factis & dictis verum est. Scripta sunt præcipua quædam ex tota historia vitæ. De reliquis iudicium fieri debet Sacris literis conforme. Leguntur baptizasse totas familias. Ergo credibile est in iisdē infantes, qui sint baptizati.

QVARTVM ARGV-

mentum.

Nondum sunt capaces fidei & regenerationis: Ergo, &c.

E. iiii

De fide prius respondeamus. Illius quidē capaces non sunt, cū de illa loquimur y t externa professione quæ iudicium rationis, & vocalem linguæ sonum requirit. Capaces tamen eiusdem sunt, spe bona futuræ educationis. Sed ne sic quidem sequitur: actu nondum testantur fidem: ergo Baptismus illis negandus est. Alioquin quid impediret ita etiam colligere? Actu nondum testantur sese fore fideles: ergo in Ecclesia retinendi non sunt. Retinentur autem bona spe: detur ergo eadem bona spe Baptismus. Cæterum de Regeneratione simpliciter falsa est propositio, quod nimirum eius capaces non sint. Quomodo enim capaces eius non essent, sine qua salus ipsis non contingat? Aut quæ esset dementia dicere infantes sine regeneratione saluos fieri, aut nullos saluos fieri? Vtrumque sanè non solum stolidum, sed etiam impium est dicere & affirmare. Quare infantes, qui saluantur etiam regenerantur, iuxta dictum Christi Ioann. 3. 3. Nisi quis ex aqua & Spiritu natus fuerit, non potest introire in regnum Dei. Sic ergo colligatur. Qui capaces sunt regenerationis, illi etiam capaces sunt Baptismi: Sed infantes sunt capaces regenerationis. Ergo illi etiam sunt capaces Baptismi.

T E R.

THEOLOGIC.
TERTIVS LOCVS
De Iureiurando.

73

Quid est iusiurandum?

Est veritatis cōfirmatio in cōtrouerſiis, Dei legitimè adhibito testimonio. Definitio sumpta est partim ex cap. 6.16. ad Hebr. partim ex 3. Præcepto, Non assumes nomē Domini Dei tui in vanum. Continet autem causas præcipuas iuramanti. Finis est βεβαίωσις, τῆς ἀληθείας. Materia est ἀντιλογία, hoc est, vbi homines de fide dubitant: quæ dubitatio necessariò nobis est diluenda. Effectus est πέραις ^ἢ πάσις ἀντιλογίας, terminat enim omnem controuersia inter homines interpositum iuramentum. Atque hætenus ex epistola ad Hebræos collectæ partes.

Ad formam reliqua pertinet, quòd Dei vindicis testimonium intercedere debeat, idque legitimè. Docet hoc præceptum 3. nam dum vanè prohibetur assumi nomen Domini iubet id legitimè, hoc est, vt ille vult & præcipit, adhibere.

Vnde ostendes id licitum esse?

Potest id multis ostendi modis.

Primum à fine: quia Apostolus ad Hebræos ait finem esse omnium controuerſiarum, & adhiberi ad confirmandam veritatem, quæ per se honesta & bona sunt.

Deinde, Deuseius est author. Deut. 6. 13. Dominum Deum tuum metues & ei seruies, & in nomine eius iurabis.

Tertiò, Dei cultus est in eo: nam cum homines per maiorem iurant, agnoscunt eum cordium inspectorem & periuriorum vindicem, quo Deus colitur.

Quartò, Deus etiam eo ut re honesta utitur, ut Gen. 22. 16. ad Abrahamum inquit, Per me ipsum iuravi.

Quintò, Christus formula iurandi sæpe utitur, cum ait, Amen amen dico vobis.

Sextò, Paulus apertè iurat, 2. Cor. 1. 23. Ego verò testem Deum inuoco contra animam meam, quòd parcens vobis nondum venerim Corinthum 1. Corinth. 15. 31. aperta est etiam iurantis formula, *ὡς τὸ ἡμετέραν καύχουιν.* id est, per gloriationem nostram.

Septimò, præcipitur etiam ut extremum remedium in certo casu, Exod. 22. 8. In deposito si furto fuerit ablatum, aut pecus morte perierit, iurare debet depositarius non suo vitio hoc esse factum, ac ita liber erit à restitutione.

Octauò, est etiam renati populi hæc nota in Prophetis, ut Esa. 65. 15. Et iurans in terra iurabit *Belohe amen* in Deo vero. Et Ierem. 42. & 12. 16. Et erit, si docuerint vias populi mei, & iurent in nomine meo, *Viuit Dominus,* quem admodum docuerunt populum meum iurare in Baal:

in Baal: ædificabuntur in medio populi mei.

ARGUMENTA.

Quid dices ad locum Matth. 5. 34. ubi Dominus, inquit, Non omnino iurabitis, sed sit sermo vester, Est, est: non, non.

Respond. in eo loco Christum interpretari legem, & abusus corrigere: non autem tollere iam latas leges. Lex autem erat de iureiurādo, & eius formula populo Dei tradita. Quare nō est censendum quōd Christus eam tollat. Deinde nō debemus Christum cum Deo Patre cōmittere, cum vna & eadem sit nō solum doctrina, sed etiam voluntas. Afferenda est igitur sententia ad illa verba, quæ Patris doctrinā & Christi interpretationem ac emendationē conciliet. Iam cum Deus Pater præceperit iusiurandū, eo quæ sit vsus, sanctique Patres & Prophetæ, Christus hoc non tollit in sua doctrina. Si non tollit iusiurandum apud Mat. 5. sublata est controuersia. Ac quærendum, quid Dominus ibi corrigat, nimirum temerariā quotidiani sermonis leuitatem: non agit illic de ordinario & legitimo iureiurādo. Quod verō vrgent, Ne iuretis omnino: Vniuersalis illa per sequentē enumerationē explicatur & restringitur. Ne que per cœlū, neque per terram, neque per Hierosolimam, nec per caput tuum. Tales igitur formulas iurandi prohibet, quæ per res alias

fiabant. In his enim Iudæi se non peccare existimabant in præceptum Domini, cum nomen Dei non assumeretur. Quò facit quod sequitur: Sic sermo vester, Est, est. Dicitur hic noster sermo, quo sponte utimur quotidie. non quem à nobis postulat sub bona fide Magistratus.

S E C U N D U M A R G V.

mentum.

Iacobi 5.12. Ante omnia autem fratres mei, nolite iurare, neque per cælum, neque per terram, neque aliud quoduis iuramentum: sit autem vestrum, Est, est: non, non, ne in hypocrisis incidatis.

Respond. Eadē est sententia discipuli, quæ superius fuit Magistri. Nam easdem species enumerat & prohibet. Hoc autem ostēdit quales oporteat esse homines Christianos, nimirū ita sinceros, ut ipsorum vitio nemo habeat necessum ultra simplicem affirmationem & negationem ampliorem sermonis confirmationē requirere, quēadmodum est opus cum agitur cum hypocritis, qui faciles sunt in promittendo, non autem in præstando.

T E R T I U M A R G V.

mentum.

Futura non sunt in nostra potestate: Ergo in futurum nostram voluntatem iureiurando non debemus affirmare.

Falsa

Falsa est consequentia. Nam si hæc firma esset ratio, de futuris nullæ possent fieri stipulationes. At qui matrimonia contrahunt, fidem dant in futurum. In emendo & vendendo etiam promissa fiunt in futurum. Sic in omnibus contractibus & permutationibus. Imò ipsi Catholicæ cum adultos suscipiunt in Baptismo, fidem dare debent de constantia in futurum. Quomodo ergo non sit leue & satis ieiunium, iuramentum ob id tollere, quia futuri euentus non sint positi in nostra potestate?

Q U A R T V S L O C V S D E

Magistratu.

Quid est Magistratus?

Est custos publicæ pacis & religionis à Deo institutus ad vindictam malorum & defensionem bonorum. Ex hac definitione colligitur, quòd Deus sit author huius ordinis: deinde ad res honestas adhibeatur, scilicet ad pacis custodiam & religionis. Sic Aristoteles dixit, Ἀρχὴ φύλαξ ἐστὶ νόμου.

Unde ostendes rem esse licitam Christianis?

Potest id ostendi variis rationibus.

Primum, natura ipsa dictat ordinem hunc esse necessariū Christianis. Nam à natura sic quidā conditi sunt, ut nec sibi nec rebus suis possint consulere. Hi certè natura iubente debent sub alterius esse imperio.

Deinde mundi constitutio ostendit gradus esse imperantium & seruientium. Nam hic inferior mundus à superiori regitur.

Tertiò, Sacræ literæ veteris Testamēti hūc ordinem approbant, Exod. 22. 28. Deut. 16. 18. & Psal. 81. 1. dñi appellantur, quia nimirum Dei sunt vicarii in terris. Gen. 5. 5. Lex datur vt qui effuderit sanguinem hominis, per hominem effandatur sanguis illius, vbi persona ordinatur imperans & puniens homicidia. Ierem. 29. 7. Iubēt^{ur} Iudæi pro pace imperii Babylonis orare, quia in pace illius etiam ipsi sint habituri pacem. Accedunt honestissima piorum exēpla, qui & Deo placuerunt, & in Magistratu fuerunt, vt est Moses, Iosua, Dauid alique innumerabiles. Ioseph etiam in Aegypto externum administrauit regnum, idque laudabiliter. Pòrtò ne putemus veteris populi hanc fuisse licentiam, in nouo Testamento habemus eiusdem ordinis approbationem, 1. Timoth. 2. 1. iubet orare pro Regibus. & Rom. 12. 1. Omnis anima potestatibus subdita sit. Non enim est potestas nisi à Deo. Item, Quisquis potestati resistit, ordinationi Dei resistit, &c. Et 1. Pet. 2. 13. approbatur, aliisque locis pluribus. D. Petrus inter reliqua ait, 1. Pet. 2. 18. vt subditi sint serui non solum bonis, sed etiam malis dominis. Luc. 3. 14. Ioā^{is} Baptista milites non iubet stationem suam deserere. Et Act. 8. 37. Eunuchus Christianus fit, manens in officio:

officio. Itaque res à Deo comprobata est, & necessaria Christianismo in hoc mundo.

Quæ sint officia p^{ri} Magistratus?

i. Ex definitione hæc possunt colligi. Primū, conseruare religionē: est enim eius custos. Quare cura primæ Tabulæ cōseruandæ præcipuè ad illum pertinet. Hinc Regi commendabatur liber Legis.

Secundò, Conseruatio bonorum morum & publicæ honestatis: quæ custodia est secundæ Tabulæ. Huc pertinet quicquid de bonis moribus & ciuilibus legibus constituerunt Philosophi.

Tertiò, tueri bonos & innocentes: hoc est, vt eorum fortuna & saluæ sint: Quò pertinet orphanorum, viduarum, peregrinorum tutela, & in primis Ecclesiæ Christi in his terris oberrantis hospitium, cui mansionem & patrocinium Magistratus debent.

Quartò, malos cohibere etiam vi corporali. Quò pertinet poenarum omne genus, ius belli, quo sumptis armis honestis causis defenditur patria.

ARGVMENTA QVIBVS CON-
uellitur hic ordo à Catabaptistis.

Primò, Luc. 22. 25. ait Christus, Reges Gentium dominantur illis: vos verò non sic: Ergo dominari ad gentes pertinet, non ad Christianos.

Respond. Ineptè hic locus accommodatur ad magistratum, quia illic est quæstio de primatu, quam ambitionem taxat Christus: q. d. illos non esse vocatos ad dominandû: sed ad docendum Euangelium.

Secundò, Mat. 5. 39. Ne resistatis malo: sed Magistratus cogitur malis resistere: Ergo piis non licet esse in magistratu, ne cogantur malis resistere.

Respond. Malum hîc est iniuriarû, quod nō debemus auidi vindictæ statim persequi. Aliud autem est malû cui resistit magistratus: quare distinguatur malum, & ratio iniuriarum. Priuatas ferre debemus quoad fieri potest: Publicas vlciscitur Magistratus Deo iubente. Malum verò morû hîc intelligi debet. Quæ enim esset absurditas? Malo ne resistatis. Furtû, scortatio, idololatria est malû: ergo his & similibus ne resistatis. Intelligatur ergo malum in suo genere.

Tertiò, Magistratus multa facit iniuste, & per libidinem: sed illa displicent Deo: Ergo Magistratus displicet Deo.

Respond. Malè colligit argumentum à secundum quid ad simpliciter. Sed ita rectè sequitur. Multa facit per vim & iniuste: Ergo multa in Magistratu displicent Deo. Deinde distingui debet inter personam Magistratus & vitia, quæ illi adhærere possunt.

Quartò,

Quarto, p̃y vltro faciunt, qui ad iustitiam pertinent, & spiritu Dei ducuntur: Quare nō opus habent externa gubernatione.

Respond. Antecedens opus habet distinctione. nam faciunt quidem, sed imperfectè: & cū ducuntur Spiritu Dei, non repugnat quō min⁹ interim Magistratui subsint, cū & hæc pars sit Spiritus Dei. Consequens inde falsum colligitur. Nam fingunt perfectam quandam ideam Ecclesiæ, quæ in his terris sperari omni nō non potest, nec debet.

Leniora sunt reliqua argumenta, ut cū dicūt, Iusto legē nō esse positam. Itē quod Apostolus Rom. 12. 19. citat ex Deut. 32. 35. Mihī vindicta, & ego retribuā, inquit Dominus, quasi tolleretur Magistratus persona.

R. Nam lex iusto homini non posita est, et si sub Magistratu viuat: nam sponte facit quæ legis sunt: & vindicta Domini est, quam etiam per ordinarium Magistratum exequitur.

LOCVS QVINTVS, DE vsu & iure belli.

Quid appellas bellum?

Legitimam defensionē, qua ordinarius Magistratus iustis de causis sumptis armis, publicè iniurias illatas propulsat, aut res repetit.

1. Ex ea definitione constat: primò oportere iustas belli esse causas.

Deinde tantum pertinere ad ordinariū Magistratum.

Tertiò non mouendum, sed potius propulsandum. Itaque optabile erat cautioreſ esse homines in cōcitandis bellis non necessariis: cū nullum sit tam iustum quin multa secum trahat impia.

Licetne homini Christiano bellum gerere?

Licet, quemadmodum veteri etiam licuit populo.

Primum Dēus per Moſem formā belli gerendi præscripſit, Deut. 20. 1. Certum autē est non præsripturum formā rei bellicæ, nisi voluisset suis belli vſum concedere.

Deinde pī bella geſſiſſe leguntur, vt Abrahamus, qui Lothū liberat, & Chaldæos prælio fundit. Gen 14. 28.

Tertiò, Ioānes Baptiſta apud Lucā 3. 14. milites iubet, ne quem concuterent, sed contēti eſſent ſuis ſtipendiis.

4. Rom. 13. 4. Magiſtratus dicitur nō frūſtrā gerere gladium, sed miniſter eſſe in bonum, & ultor ad iram: quæ apertē cōcedunt ius gladii, non ſolū contra priuata crimina, quæ ciuilibus pœnis afficiuntur: sed etiam contra publica, quæ armis propulſantur.

Quintò, Aēt. 10. 1. Corneliuſ Centurio Italicæ militiæ commendatur ob fidem, & baptizatus non deſerit militiam: quod certē Apoſtoli non tuliffent, ſi res eſſet pīs prohibita.

Sextò,

Sextò, apud Matth. 8. 10. alius est Centurio, cuius fides mirificè laudatur à Christo, dicente se ne in Israele quidem tantam fidem inuenisse.

Vltimò, certum est officii Magistratus esse partem tueri innocentes, orphanos, viduas, oppressos, quod interdum sine armis fieri non potest. Itaque si res ita ferat, pius Magistratus ad hoc quasi vltimum remedium potest confugere.

*Responde ergo ad argumenta quibus ius
& usus belli tollitur.*

Primò, obiciunt iniurias homini Christiano non licere persequi, & vindictam esse omnino prohibitam, ex loco Matth. 5. 35. Ne resistatis malo.

Respondeatur falsum esse complexum, quòd vltio omnis sit prohibita. Nam priuatæ solum prohibita sunt, & Christiano, quoad fieri potest ferendæ. Quod verò ad locum Matt. attinet, distinguatur malum, ne in absurda incurramus: quæ vidimus in loco de Magistratu. Itaque aliud est malum morû, aliud poenarum, & aliud iniuriarum: & id vel priuarum vel publicum. Malum iniuriæ priuatæ prohibet Dominus, ne ei resistamus, sed patienter iniurias feramus.

Secundo, Diligendi sunt inimici: Ergo nõ bello
F. ii.

persequendi.

Respondeo, diligendi sunt, sed non contra Deum : nam illius dilectio primum habet locum, & ex hac formanda est dilectio erga proximum. Cum igitur amor Dei postulat ut persequamur inimicum, proximi dilectio id non prohibebit. Deinde non sunt pugnandia hostes bello propulsare, & inimicum diligere: imò in eo ipso diliguntur hostes, cum ab iniuria arcentur. Prohibentur enim sic, ne maioribus vitiis sese onerent.

Tertiò, Matt. 26. 52. Qui gladiū sumpserit, gladio peribit: ergo gladij usus est prohibitus.

Respond. Christus ait, Qui gladium sumpserit, quod scilicet pertinet ad priuatas personas, quibus gladius commissus non est. Magistratui verò iam antè is est commissus gladius. Itaque non sumit ille: sed commissio vititur.

Quartò, Rom. 12. 18. Apostolus iubet, ut cum omnibus pacem habeamus.

Ex sequentibus respondeatur, cum addit, Si possibile est. Quare pii dabunt operam, ut suo vitio nulla sit occasio belli. Sin improborum per tinacia pax perturbetur, fideles iam soluti sunt per id quod dixit Apostolus, Si possibile est.

Quintò. In veteri Testamēto Propheta regnū Christi describunt sic pacificū, ut enses in falces, lācea in vomeres sint cōflanda: quā
omnem

omnem tollunt belli vsum. vide Mich. 4. & Esa. 2.

Respond. Forma illa Christi regni non pugnat cum ipso Christo: sed dicit ille, quòd non venerit mittere pacem, sed gladium: ex quo sequitur formam illic non sic intelligendam de regno Christi, vt pēitus omne bellum tollatur. Verùm quòd fideles attinet, illi certè sic pacis erunt studiosi, vt libenter huic locū sint daturi. Interea cū Ecclesia Christi similis sit verriculo, in quo etiam sint putridi pisces: itē agro consperso zizaniis, si quid per tales concitetur, hoc non ampliùs Regno Christi acceptū debet referri, sed Satanæ, & illius membris. Deinde si quis mordicus velit tueri τὸ πῦρ, dici potest non esse necessarium, vt quicquid de regno Christi, eiusque statu prædixerunt Prophetæ, vt hoc statim in hoc mūdo impleatur, sed ~~conseruari multa ad secundum Christi aduentum~~, quale & hoc esse asserimus. Nam illic demum erit omnimoda pax & constans cōcordia inter fideles omnes, nec ampliùs mali quicquam hīc perturbare poterunt suis studiis.

LOCVS SEXTVS DE

Decimis.

Quid sunt decima?

Tributum ordinarium omnium bonorum mobilium honestè quæsiturum, diuina consti-

F.iii.

turione magistratui Dei nomine debitum.

Vnde probatur, quod liceat eas accipere?

Primò, Dei auctoritate, Leu. 27. 30. Omnes decimæ terræ de semine terræ, de fructibus arborum, Domini sunt, & sanctum Domino. Sic Exo. 22. 29. Plenitudinem tuam, & lachrymā tuam non differes. Primogenitum filiorum tuorum dabis mihi. Sic facies boui tuo, ouibus tuis, septem diebus erunt cum matre sua, die 8. dabis mihi & viri sancti eritis mihi.

Secundò, Ministerii conseruatio ita commo-
dè retineri potest. Quemadmodum Leuitæ & Sacerdotes veteris Testamenti vixerunt ex decimis, & lectioni & doctrinæ erant destinati, sic Euangelii ministerium iisdem indiget.

Tertiò, Christus Publicanis non dat præcep-
tum deferendi suam professionem. Sic Ioan. Baptista ad se venientes Publicanos non iubet abicere functionem: quod vtique fecisset, si decimas, tributa & vectigalia colligere (quod illi factitabant) illicitum esset. Luc. 3. 13.

Quartò, Prou. cap. 3. 9. habetur: Honora Do-
minum de substantia tua, & de reliquis omnium prouentuum tuorum, & implebuntur horrea tua saturitate, & musto torcularia tua affluent.

Quintò, Rom. 13. 7. Reddite omnibus quod
debetur: cui tributum, tributum: cui vectigal, vectigal: cui honorem, honorem.

A R G V-

ARGVMENTA QVÆ CON- tra hunc locum afferuntur.

Primò, Christiani sunt Liberi: decimas soluere non est hominis per omnia liberi: sed argumentum seruitutis: Quare, vt cōstet sibi libertas Christiana, decimæ tollendæ erunt.

Respond. Non pugnāt Christianum esse liberum, & eundē soluere decimas. Quia Christiana libertas ad spiritum pertinet, vt liberi sumus à peccato, morte, &c. à quibus omnibus nos liberauit Christus, non autem ab oneribus Politicis: sed vt Respubl. intactas reliquit, sic suos à decimis soluendis & tributis nō exemit.

Secundò, Matth. 20. 25. Principes Gentium dominantur illis, & qui magni sunt, potestate regnant inter illos: non erit inter vos. ex quo apparet consuetudinem Gentium damnari in administrandis imperiis, cuius cū sit pars decimas soluere, &c.

Respond. Malè trahitur locus ad decimas, cū illic corrigatur discipulorū ambitiosa disputatio de primatu: deinde & hoc falsum est in argumento, quod damnat quæ à Gētibus retenta sunt in Ecclesia. Nō enim statim quicquid à Gentibus mansit, vitiosum est. Nam sic manserūt bonæ artes, leges Politicæ, & alia infinita, quæ tamen nemo damnare potest.

Tertiò, Ro. 13. 8. Nemini quicquā debeatis,

nisi hoc, ut inuicem diligatis.

Respond. Contra mentem Apostoli adducitur locus. Nam immediatè præmisit, Reddite omnibus quod debetur: cui tributum, tributum: cui honorem, honorem.

Quartò, Natura omnes liberos procreat sine oneribus illis decimarum: Deus naturæ author est: Igitur Deo authore omnes liberi sine decimarum oneribus nascimur. Quare in ista libertate manendum.

Respond. Maior potest concedi, similiter & minor in naturalibus, nec aliud inde sequitur quàm decimas & alia onera nō esse natura, sed legibus introducta. Quod autem postea assumitur, Ergo in illa libertate standum est, malè colligitur. Nam eodem pacto colliges, Natura liberi sumus conditi à vestitu. Ergo vestitus non est assumendus. Natura artes non nobiscum afferimus ergo non sunt discendæ. Sed obseruandum est, quid Deus author naturæ iusserit, & quomodo in multis naturā iusserit corrigere vel coercere. Nam non statim, quod naturale in multis correxit. Si integra mansisset natura, tutò hāc vt ducem sequeremur. Leges autē Deus dedit, quibus admoneremur de corruptela naturæ.

LOCVS SEPTIMVS DE

Communione rerum.

Quid est proprietas?

Est possessio rerum pleno iure, ac ius disponendi pro arbitrio in iis rebus, quæ nostri sunt iuris, ita vt alterius interea non sint.

Quid est Communio?

Est facultatum communis possessio, & communis vsus, vt nec tuum, nec meum locum habeat. Dogma hoc non solum à Catabaptistis, sed à monachis quibusdam, & ante eos à Philosophis introductum est. De quo extat etiam Platonis sententia 9. Polit. Τὸ κοινὸν, ξυδέρ. τὸ ὃ ἴδιον, ὅς τε πᾶ τὰς πόλεις. Quæ sententia priuatas rerum possessiones sustulit, cui fauent hodie Catabaptistæ.

Licetne ergo Christiano homini propria possidere?

1. Licet. Primò quia proprietas est pars Politicæ institutionis, quam Christus non sustulit: & Euangelium non prohibet.

Secundò, pii nisi singulari casu è facultatibus fuerint eiekti, propria leguntur possidere. Sic Abraham, Isaac, Iacob, non solum propria habent: sed studiosè colligunt, excolunt, conseruant & augent sine proximi detrimento. Sic in nouo Testamento, quia à Christo docentur, & conuertuntur, non iubentur sua abicere, nisi in certo casu,

Tertiò, Prouer. 5. 15. Bibē aquas de fontibus tuis: riuuli autem tui deriuentur foras in plateas: tu verò sis dominus horū solus, nec peregrinus tecum. Quo loco docet Solomon nos debere esse dominos rerum nostrarum: sed de illis nos oportere esse liberales.

Quartò, Diuitibus præcipitur vt sint liberales, quod fieri non potest nisi propria habeant. Quomodo enim de publico, vel de alieno commendabitur liberalitas?

Quintò, 2. Corinthiorū 9. 1. laudatur illorum liberalis collatio pro Ecclesia in Iudæa. Non autem iubet omnia in medium conferre. Sic 1. Cor. 7. 30. Qui emunt, sint quasi nō possideāt. Quare si emptio est concessa, proprietates quoque conceditur.

ARGVMENTA QVIBVS STABILIVNT communionem facultatum.

Primum, Acto. 2. 44. & 4. 32. scribitur fideles omnia habuisse communia.

Respond. Non præscribitur ibi regula, quæ ^{speciali regula} omnibus seruanda sit, cum reliquæ Ecclesiæ ab Apostolis institutæ id nō fecerint, aut iussæ etiam sint facere. Sic Cornelius & alii fideles post susceptam fidem bona sua non contulerunt in commune. Porro illi Hierosolymis certo consilio id fecerunt, cum paulò post persecutionibus essent dissipandi. Proderat igitur bona

bona esse diuendita, & inter fideles distributa, quàm impiis relinqui: nec debet speciale exemplum ad regulam communem trahi.

Secundo, Luc. 14. 33. Nisi quis renūtiauerit omnib; quæ possidet nō potest meus esse discipulus. Sic Mat. 19. 29. Omnis qui reliquerit domos, fratres, sorores, matrē, agros, &c.

1. Respondeo, Duplex est desertio, Vna quæ ^{hæc est desertio} mandatum habet, hoc est, quando vel bona deferenda sunt, vel neganda est pietas: tū utique abicienda sunt bona. Quo sensu dicit Dominus Matth. 19. de deferendis agris, &c. & recipiendo centuplo. Nec illa, inquam, faciunt ad communionem bonorum.

2. Alia est desertio, quæ fit sine mandato, vbi nemo nos persequitur, aut è possessionibus eiicit. Hæc nullo prætextu potest excusari.

Tertio, Proximū ut nos ipsos debemus amplecti: Ergo bona nostra cum illo communi iure debemus communia facere.

Respond. Negatur consequens. Non enim hoc inde sequitur. Nam est alia via, qua proximus diligi potest, si maximè illi non communē faciam meam. uxorem, mea bona. Ratio est, quòd charitas non perturbat Dei ordinem. Non etiam est iniqua, vt turpia concedat, sed soluit proximo de nostra copia. Et eadem est charitas quæ iubet, ne proximo simus oneri: & vt qui non laborat, non manducet. Quò facit

locus.2. Cor. 8.13. Non vt aliis fit relaxatio, & vobis angustia: sed vt vestra copia illorum succurrat inopia.

Quarto, Ad perfectionem omnibus est aspirandum. Sed illud est opus perfectionis: Ergo ad id omnibus est aspirandum.

Respond. Minor falsa est. Nam Christiana perfectio nō consistit in externis bonis, siue eā cōmunia sint, siue priuata: sunt enim illa ex rebus mediis, quæ & vsu bona esse possunt, & abusu mala. Ad perfectionem verò pertinent hæc virtutes, Vera Dei cognitio, tolerantia sub cruce, constantia in confessione veritatis. Deinde non satis constat quam dicat perfectionē. Nam si de vera loquuntur, illa certè in hac vita queri nō potest: Sin de obediētia mandatorū Dei, illa iam hāc non inuoluit, cū inter præcepta Christi aut leges Mosis nulla sint, quæ cōmunionem vrgeant, quam illi somniant homines otiosi & egentes, qui colligerent, quæ alii abiecturi essent, & rem suam facerent ex aliorum dispendio, &c.

Ex secunda classe locorum qui nobis
cum Papistis sunt contro-
uerfi, loci aliquot.

DE IUSTIFICATIONE. LOCVS PRIMVS.

Quid

Quid est iustificatio.

Es t gratuita iustitiæ imputatio sine respe-
ctu operum nostrorum. Nam phrasi He-
braea verbum iustificandi significat iustum re-
putari, absolui à criminibus obiectis, hoc est,
in iudicio approbari. Sic Deut. 25. Iudicibus
præcipit ut iustos iustificent, hoc est, causam
ipsorum approbent: contra, impios condem-
nent. Sic Paulus in hac disputatione hac voce
utitur, Rom. 4. 5. Credenti in eum, qui iustifi-
cat impium, &c. Gal. 2. 16. Scientes quod ex o-
peribus legis homo non iustificetur, hoc est,
absoluator à peccato, & iustus pronuntiatur.

Quæ est causa iustificationis?

Efficiens primaria & absoluta est Deus, Esa.
43. 25. Ego, ego sum (inquit Dominus) qui de-
leo iniquitates tuas. De Christo verò passim
Apostoli hoc prædicant, & Christus de se, quod
habeat potestatem remittendi peccata. Matt.
9. 6. Ut autem sciatis, quod Filius hominis ha-
beat potestatem in terra remittendi peccata,
dicit Paralytico: Surge, tolle lectum tuum & abi
in domum tuam, &c. Huc pertinet Spiritus san-
cti etiam beneficium, I. Cor. 6. 11. Iustificati es-
tis per nomen Domini nostri Iesu: & per Spi-
ritum Dei nostri. Sed de hoc non est primaria
quæstio.

Quæ est causa organica, per quã iustificamur?
Iudei legem urgebant: Papistæ bona opera

inter quæ dilectionem etiâ reponunt. Nos contra, Christum ipsum, & fidem apprehendentē Christi beneficia.

Quomodo Christus organum est iustificationis nostræ?

Quia Pater Filium suum misit in hunc mundum eo fine ut omnis, qui crederet in ipsum haberet vitam æternam. Hoc opus penitus perfectum est in morte & resurrectione sua, in qua sanguine suo deleuit peccata nostra, iuxta dictum Ioan. 1. 29. Ecce agnus Dei, qui tollit peccata mundi. Et Apost. ad Col. 2. 13. Et vos cum essetis mortui per delicta, & per præputiū carnis vestræ, simul cum illo viuificauit, condonās vobis omnia delicta, deletō quod aduersus nos erat chirographo, quod erat contrarium nobis per decreta, & illud sustulit è medio, affigens cruci: expoliatoque principatus & potestates ostentauit palam, triumphans de illis per semetipsum. Atque hoc opus ad totam Christi personam adferri debet: ipse enim in se transtulit pœnas peccati, & iustitiæ pœnis satisfecit.

Quomodo fides organum est iustificationis nostræ?

Quatenus actio nostra est, & qualitas nobis inhærens, non iustificat, sed quatenus promissiones Dei amplectitur, quas cum sola fide apprehendamus, & per hanc firmiter credamus
his,

his, quæ de merito Christi nobis prodiderunt sacræ literæ, rectè dicitur organum quo iustificamur.

Ostende quòd fide iustificamur?

Quicquid reddit conscientias pacatas, id iustificat: fides, quæ est πληροφορία, hoc est, firmus assensus promissionum Dei, reddit pacatas conscientias, & quidem sola: Ergo fides iustificat.

Maiores vera est, quia iustificatione oportet conscientias certas esse de remissione peccatorum, de placata ira Dei, de vita æterna.

Minor etiam vera est: quia in hac causa fidem intelligimus non historię notitiā, qualis est in impiis etiā & Satana: sed assensum firmum, quo credimus Dei promissionibus de remissione peccatorum. Hæc fides proprium habet obiectum, misericordiam Dei promissam in Christo, meritum Christi, & propitiationē certam pro delictis nostris. Sed extant testimonia quæ de fide expressè loquuntur.

Rom. 4. 16. Ideo ex fide gratis, ut firma sit promissio: Ergo promissio non potuit rata esse nisi fidei tribuatur iustificatio.

Ephes. 2. 8. Gratia saluati estis per fidem, idque non ex vobis.

Rom. 5. 1. Per ipsum habemus accessum ad Patrem per fidem. Ibidem, Iustificati fide pacem habemus. Act. 10. 43. Petrus ait remissionē

peccatorū accipere omnes qui credunt in eum. Ex quibus conficitur: Merita Christi amplectimur fide: Sed remissio peccatorum est meritū Christi: Ergo remissionem amplectimur fide. Rom. 4. Apostolus exemplum Abrahamæ ad hanc rem accommodat, iustificati fide. Ac ne dicamus speciale hoc esse, applicando dicit. vers. 23. Hæc autem scripta sunt non solū propter illū: sed etiam propter nos, quibus ad iustitiam imputatur.

Cur sola fide iustificamur?

1. Ut firma sit consolatio, quæ subsistere non potest, nisi fide & quidē sola amplectamur beneficium Christi. Nam quicquid fidei adiunxeris in gradu meriti, imperfectum est, & ob id certi esse non possumus. Hanc dubitationē excludit fides.

Secundò, ut tollatur opinio priuati meriti: nam gloria redemptionis nostræ ad solū Christum pertinet, cui derogare est impium.

Hinc Apost. Ad Rom. 4. 16. utitur vocabulo gloriæ: & Rom. 3. 24. δωρεάν: & Ephes. 2. 8. Gratia saluati estis. Ibidem, Donum Dei est, non ex vobis, neque ex operibus, ne quis gloriaretur.

*Quomodo est intelligenda hæc propositio,
Sola fide iustificamur?*

Respon. ad hunc modum, Iustificamur gratis propter Mediatorem Christum solum: non propter

propter nostra aliqua merita donamur, remissione peccatorum & reconciliatione. Christus enim solus est μεσίτης, mediator, ἰλαστήρ, reconciliator, & λύτρον, pretiū pro peccatis nostris. 1. Tim. 2. 5. Vnus mediator Dei & hominū. Heb. 8. 6. Christus melioris Testamēti mediator est: Heb. 9. 15. Noui Testamēti mediator, & cap. 12. 24. Gal. 3. 20. Matt. 20. 28. vt daret animam suā λύτρον, pro multis.

*Non igitur excludit bona opera in renatis,
particula Sola?*

Minimè, sed ne sint λύτρον, hoc est, pretium redemptionis, alioquin bona opera, tam externa quam interna fides requirit, iuxta sententiā Pauli Ro. 3. 31. per fidem legem stabiliri, non aboleri: sed illa non placere Domino, licet fiāt in speciem bene & honestè, nisi quatenus sumus incorporati Christo.

Docueruntne etiam sic veteres de fide?

Maximè: nam facilè intellexerunt vocē δωρεάν, item χάριτι apud Paulum exclusiuam particulam Solam constituere. Sic Hilarius in cap. 8. Mat. inquit, Monet Scribas remissum ab homine peccatū. Hominē enim in Iesu Christo tantū contuebantur: & remissum ab eo, quod lex laxare non poterat. Fides enim sola iustificat. Sic Ambrosius in epistolam ad Rom. cap. 3. sæpius hac phrasi vtitur, & cap. 4. Sola fide iustificati sunt dono Dei. & cap. 9. Sola fide
G. i.

desposita est ad salutem. Idem Origenes contendit in hanc Epistolam scribens.

Quomodo aduersarij docēt de iustificatione?

PRIMUM ARGUMENTVM.

Docent nos iustos fieri nō gratis merito Christi, sed propter opera nostra: & quia illa imperfecta sunt, dubitare semper iubent, an sis in gratia, an verò odio, & hanc dubitationem non iudicant esse peccatum.

Responde ergo ad illorum argumenta.

Respond. Opera legis non iustificare nos hinc constat. Si enim obedientia erga legem essemus iusti, tum legem faceremus. At legem non facimus, imò ne possumus quidem: Ergo obedientia legis non sumus iusti. Huc faciunt testimonia Pauli Rom. 3. 28. Arbitramur hominem iustificari fide, non ex operibus legis: Quod dictum de tota lege accipi debet. Nam si aliqua pars legis iustificare posset, non fuerat necessarium Christum nasci: At illud necessarium fuit: Nulla igitur pars legis erat, quæ nos iustos faceret. Sic Gal. 2. 16. inquit, Non ex operibus legis. Act. 13. 38. Quibus non potuistis in lege iustificari, in hoc omnis qui credit iustificabitur.

SECUNDVM ARGV- mentum.

Dile.

Dilectione iustificamur: Ergo non fide. Ante cedens probatur ex 1. Cor. 13. 2. Si omnē fidem habeam, dilectionem autem non habeam, nihil sum.

Respond. Loquitur Apostolus non de fide iustificante, sed de fide miraculorum effectrice: & opponit fidem miraculosam dilectioni, ut ostendat quā sint necessaria fidelibus officia dilectionis in hac communi vita. Nec etiam dicit dilectionē iustificare: sed ait, Nihil sum, quia si dicat, testor hoc ipso me non habere veram fidem, per quam homines iustificantur.

TERTIVM ARGVMENTVM.

Ad Coloss. 3. 14. Charitas est vinculum perfectionis.

Respond. Non sequitur inde, quod charitas iustificet: sed quod sit medium, per quod Ecclesiae pax conglutinetur tanquam membra vnus corporis. Nam inter perfectos iam, verè vinculum est charitas: nec illi hūc titulum tribuit, quod charitas sit causa perfectionis: sed potius signum ex quo perfectos possis intelligere. Malè igitur colligunt: Quicquid perfectos reddit coram Deo, id iustificat. Charitas perfectos reddit coram Deo: Ergo iustificat. Minor falsa est, nec potest ex præsenti loco probari. Nam non huc respexit Apost. Alioquin non fuisset opus Christo Mediatore.

QVARTVM ARGV-
mentum.

1. Pet. 48. Dilectio tegit πληθος ἀμαρτιῶν: Ergo
iustificat.

Respond. Falsa est consequentia: nam loqui
tur de dilectione erga proximū, quæ tegit pec-
catorum multitudinem in proximo, hoc est, te-
git non propria, sed aliena ipsius proximi pec-
cata, hoc est, nō est morosa, facilē omnia in me-
lius interpretatur.

QVINTVM ARGV-
mentum.

*De Eleemosynis idē urget. Daniel. 4. 24. Pecca-
ta tua eleemosyna redime, & Luc. 11. 41. Da-
te eleemosynam, & omnia munda vobis.*

Respondeo, Daniel præscribit Regi pœ-
nitentiam, in qua necesse est adesse externa a-
liqua signa: non autem mens est quod his e-
leemosynis coram Deo iustificetur. Et locus
Hebraicē apertior est: Redime peccata tua iu-
stitia, & iniquitates tuas beneficiis erga paupe-
res, & erit prolongatio pacis tuæ. Apud Lucam
autem Dominus internam prius munditiem
requisiuit, taxans hypocritin Phariseis, qui la-
uabant externa. Non igitur eleemosynis tri-
buit iustificationem coram Domino. Sunt ta-
men qui locum ironicē intelligant.

SEX.

SEXTVM ARGVMENTVM.

*Iacobi 2.24. Videtis igitur quòd ex operibus
iustificetur homo: & non ex fide salum.*

Respond. Sunt qui Epistolā hanc reiiciant,
quia apertè videtur pugnare cū doctrina Pauli
in negotiis iustificationis. Tamen facilè respō
deri potest: nam Iacobus loquitur de operibus
iustificatorum, quæ fidem sequuntur: & distin
guit disertè inter fidem νεκράν, id est, mortuā:
& ζώσαν, id est, viuam, hanc vrget cū paulò
antè παλιγγρησίαν tribuerit verbo veritatis,
Genuit nos, inquit, verbo veritatis. Deinde
iustificari, hīc est deprehendi iustum, quod
fit à posterioribus, & operibus quæ fidem se
quuntur.

SEPTIMVM ARGV-
mentum.

*Luc. 7. 47. Remittuntur illi peccata multa, quia
dilexit multum.*

Respondeo, Christus mox seipsum decla
rat, inquiens, Fides tua te saluum fecit.

OCTAVVM ARGV-
mentum.

*Vita aeterna est merces: Ergo datur propter no
stra opera.*

Respond. Non sequitur: nam merces dici
G.iii.

^{Ag. nō ē nostra sed Christi op. dat.}
 tur etiam id, quod pueris immeretibus datur.
 Sic rectè inquit August. Deus coronat in nobis sua dona. Et merces est, quia iustificaris tribuitur pro ærumnis & afflictionibus propter promissionem, & non propter opus operatum.

NONVM ARGVMENTVM.

Christus tantum impetrauit nobis primā gratiā, sed nos oportet propria impletione legis postea in gratia persistere: Ergo iustificamur non fide: sed operibus nostris.

Respond. Falsum est antecedens. Perfectū enim est opus & beneficium Christi. Opera autem postea requiruntur in renatis vt vera signa iustificationum. Denique incerti adhuc essemus de salute, si à nostris operibus pēderet, cū legem nūquam faciamus. Vera est igitur sententia, quòd Christus solus sit *ἰλαστήρ* & *λύτρον*, pro peccatis nostris, quod beneficium sola apprehendit fides, & in hoc sensu sola iustificat.

SECUNDVS LOCVS,

de bonis operibus.

Quid de bonis operibus sentis?

Sentio bona opera in renatis esse necessaria, ideóque requirenda: quamuis propter illa non imputatur nobis iustificatio.

Quid

Quid differt illa doctrina à Pontificia?

In eo differt, quòd illi docent iustos nō pronuntiari propter dignitatem operum, cū id fiat propter *λύτρον* Christum. Deinde quòd nobis falsò impingunt, nos bona opera penitus repudiare.

Quid sunt bona opera?

Sunt veri fructus fidei, quibus ad gloriam Dei proximo inseruiunt pii, secundum mandatum Christi, Matth. 5. 16. Sic luceat lux vestra coram hominibus, ut videant vestra opera bona: & glorificent Patrem vestrum, qui est in coelis.

Cur faciendæ sunt bona opera?

Primum faciendæ sunt, quia Deus illa requirit: & quia non sumus nostri iuris, par est, ut pii eius faciant voluntatē, in cuius potestate sunt constituti. Hinc præcepta decalogi in veteri Testamento: & præceptum Christi, Hoc est mandatum meū, ut diligatis vos mutuò, Ioan. 15. 12. & 13. 34. Et Rom. 8. 12. Debitores sumus Dei, non carnis.

Deinde faciendæ sunt, quia illa requirit nostra vocatio ad quā reuocat nos Apost. Eph. 4. iubens ut dignè ambulemus vocatione qua vocati sumus.

Da alium locum.

1. Theff. 4. 3. Locus est, qui vtrunque causam complectitur, hoc est, Deum iubentem, & vo-

G. iiii.

cationis nostræ rationem. Hæc est voluntas Dei, sanctificatio vestra: vt abstineatis à scortatione, & sciat vnusquisque vestrum suum vas possidere cum sanctificatione & honore, non cum affectu cōcupiscentiæ, quemadmodum & Gentes quæ non nouerunt Deum. Ne quis operimat ac fraudet in negotio fratrem suum, propterea quòd ultor est Deus de omnibus his, quemadmodum & antè dixi vobis ac testati sumus. Non enim vocauit nos Deus immūditæ causa, sed ad sanctificationem.

Quo fine facienda sunt?

De finibus iam facile est respondere ex loco Matth. 5.16. & 1. Thess. 4.7.

1. Principalis finis est obedire Deo: deinde accedit gloria Dei, vt glorificent nomen Dei etiam homines ex nostra pia conuersatione. Matth. 5.

2. Alter finis est, Proximi vtilitas, qui nostris operibus indiget, his iuuatur etiam temporali commodo.

Tertius, vt extent fidei nostræ certa signa & testimonia. Nō debet enim esse mortua, sed bonis operibus efficax & fructifera. Arbor non dici potest bona, quæ semper sterilis est: sic de fide iudicandum est.

Quartò, vt vitemus poenas, quas Dominus malè operantibus comminatur. Psal. 38.12. Propter iniquitates corripis homines. Nec simpliciter

citer malè operantibus, sed bona negligentibus: vt Mat. 25. 35. Sitiui & non dedistis mihi potum, &c.

Quintò, vt Spiritum sanctum habitâtem in nobis retineamus. Nam vt malefactis amittitur Spiritus sanctus & fides: ita bonis operibus fides alitur, & Spiritus sanctus in nobis exhilaratur. Hinc Eph. 4. 30. inquit, Ne contristetis Spiritum sanctum Dei, per quem obsignati estis in diem redemptionis. Hi veri sunt fines, non autem vt merito bonorum operum apud Deum iustificemur: id enim solius Christi est beneficium.

LOCVS TERTIVS, de peccato originali.

Quid est peccatum originale?

Est totius naturæ humanæ deprauatio, ac corruptio. Veteres definierunt, quòd sit carentia iustitiæ originalis, quæ inesse debuit.

Quæ sunt eius partes?

Reatus & propagatio. Reatus dicitur ipsa damnatio & imputatio, quæ nos reos facit iræ Dei. Mali ^z propagatio verò est ipsa corruptio & vitium, quod aliàs vocant peccatum. Quare nò solum reos nos facit: sed ita deprauat actum, vt tanquam ex fonte infecto scaturiant omnia peccata, qualia sunt ignorantia Dei, contemptus & odium Dei, desperare de gratia Dei,

carere metu Dei, amore & dilectione Dei, confidere suis viribus, aliâque actualia peccata.

Omnesne tenentur peccato originis?

Omnes: quod constat ex Gen. 8. 21. Figmentum cordis humani malum est à pueritia. Psal. 51. 7. In peccato conceptus sum & in iniquitate concepit me mea mater. Ephes. 2. 3. Natura filii iræ. Rom. 5. 12. Mors pertransiit per omnes homines, in quo omnes peccauerunt, ne infantes excipi possent, addit ver. 14. mortem etiam in illis regnasse, qui non peccarunt instar transgressionis Adæ. Et Ioan. 3. 3. Nisi quis renatus fuerit è supernis, non potest Regnum Dei videre. Ex quo sequitur omnes habere vitiosam originem, quâdoquidem omnibus est necessaria regeneratio.

His accedit ratio quoque illa.

Omne generans generato dat talem naturam, qualem ipsum generans habet: Adam vitiatam & corruptam habet: Ergo talem est nobis largitus. Item, Quod natura dat alicui rerum generi: id singulis est tribuendum, quæ in eo genere continentur: Natura nobis dat peccatum: Ergo singulis & omnibus dat, quia ab Adamo descendunt.

Quomodo Papiste de hoc docent?

Peccatum originis esse conditionem quandam mortalitatis, non autem corruptionem naturæ. Nos contra docemus esse reuera depravationem

tionem naturæ & omnium virium in homine. Deinde quod reuerà etiam mereatur mortem æternam, cum illi doceat actualia ^{ad B. faciat originis} solum mortalitatem esse. Præterea concupiscentiam etiam manere, & esse peccatum. Item manere peccatum originis post Baptismum. Demum fomitem esse verè peccatum: nec rem quandam mediam.

Responde ergo ad illorum argumenta.

ARGUMENTVM PRIMVM.

Adam pœnitentia emendatus est, & iustificatus fide: Ergo corruptionem non transfudit, sed potius emandatam naturam per pœnitentiam & fide iustificatam.

Respond. Fides & pœnitentia Adæ profuit ad salutem, non autem sustulit corruptionem: sed ne imputaretur. Itaq. sublata est imputatio non ut vitio interea careat: ac qualem ipse habuit, talem etiam posteris transmisit.

Secundo, peccatum est voluntarium: Nascentes non habent adhuc voluntatem: Ergo nec peccatum.

Respond. Maior intelligi debet de ^{originali} actualibus peccatis, in quibus voluntas est. Verùm hic sermo est de naturæ corruptela, non externis actualibus peccatis. Præterea & hoc peccatum non sine voluntate est introductum, cum Adam volens & sciens peccarit. Demum nostra voluntas quoque contaminatur, ut praua

velimus, & odio habeamus honesta, &c.

Tertiò, Filij non debent ferre iniquitatē patris, ut est apud Eze. 18. 20. Ergo posteri nō debent puniri ob delictum Adæ.

Respond. Alia est ratio Dei, alia hominis. In humano iudicio filij non ferunt iniquitatem parentum. At Deus, cui nihil nisi iustum placet, sine externis actionibus punit cordis malitiam. Exempla sunt Sodomitæ, & diluvium, ubi Deus infantes cum adultis punit. Deinde loquitur Ezechiel de pœnis & supplicio, quæ peccatis infliguntur. At nos hîc non de pœna: sed de ipso peccato, de ipsa actionum causa. In quo loco Deus etiam neminem in æternum damnat, nisi qui iusto iudicio damnatur. Nam cordis peruersitas generalis est.

Quartò, Naturalia nec laudē nec vituperium merentur: Peccatū illud est naturale: Ergo.

Respond. Loquitur sententia illa de corporis vitiis, ut si quis sit claudus, cæcus, luscus, &c. ab his nec boni nec mali dici meremur, cum sint naturæ vitia. Verum aliud est loqui de corruptela naturæ, de fomite & mali traduce. De hac audienda sunt testimonia Scripturæ. Rom. 8. 7. Sensus carnis inimicitia est aduersus Deum: & Eph. 2. 3. Eramus natura filij iræ, mortui in peccatis. Rom. 5. 12. & vers. 18. Per vnius delictum propagatum est malum in omnes homines ad condemnationem.

THEOLOGIC.
LOCVS QVARTVS,
de Ecclesia.

109

Quid est Ecclesia?

Est coetus fidelium audientium Christi pa-
storis doctrinam, & vrentium eius Sacramen-
tis, iuxta Symbolum Apostolorum: Credo san-
ctam & Catholicam Ecclesiam, quæ est sancto
rum communio.

Quomodo diuiditur Ecclesia?

In vniuersalem & particularem. Vniuersa- *vniuers*
lis dicitur *va. 2. ad iu.*, quia ex Iudæis præcipue *salis.*
ante Christum natum est collecta, ex Gëtibus
verò post eius incarnationem. Deinde, quia
vbique Gentium est diffus, secundum Christi
mandatum, Ite in mundum vniuersum, Marci
ultimo. Demum quia in his terris colligitur
vsque ad finem mundi. Durabit enim doctrina
Christi, defensio etiã coetus illius, & dona Spiri
tus sancti vsque ad seculi consummationem.
Matth. 28. 20. Ecce ego vobiscum sum vsq. ad
consummationem seculi. & Ioan. 14. 18. Non re
linquam vos orphanos, & c.

Particularis Ecclesia dicitur coetus certi lo-
ci & tēporis, qui profiretur veram doctrinam & *Particu*
Sacramenta. *laris.*
Talis Ecclesia erat Corinthiaca,
Ephesina, Romana tempore Apostoli Pauli.

Da aliam diuisionem prioris membri.

Vniuersalis, alia est perfecta, alia imperfe-

*Perfe-
cta.*

Acta. Perfecta triumphans dicitur, quæ in coelis iam cum Christo vivit, exempta his terrenis miseriis, quæ iam verè ruga & macula caret.

*Imper-
fecta.*

Imperfecta dicitur, mixta ex bonis & malis, militans in his terris, & gemēs adhuc sub cruce: tendit autem ad illam cœlestem congregationem sanctorum.

*Suntne igitur admixti mali in hac
Ecclesia Christi?*

Quatenus militans Ecclesia corpus Christi dicitur, non habet malos coniunctos. Nam mali membra sunt Satanæ. Verùm quatenus discerni non semper possunt, & Ecclesia dicitur Congregatio externè profitentium doctrinam Christi: eatenus hypocritæ sese commiscunt, nec erumpunt in apertam apostasiã. Sic Christus cœtum docet esse commixtum ex bonis & malis, parabola illa de verriculo misso in mare, in quo boni & putres pisces cum sordibus contrahuntur: Item de agro zizaniis consperso cùm esset tritico consitus, Matt. 13. Et I. Ioan. 2. 19. de malis & hypocritis agit in Ecclesia: de nobis egressi sunt, cùm non essent de nobis.

Ergo mali non sunt etiã in Ecclesia externa.

In Ecclesia quidem sunt, sed nō sunt de Ecclesia, hoc est, sunt membra Ecclesiæ, quæ corpus Christi dicitur. Ratio est, quia sunt membra Satanæ: quo distinguitur Ecclesia Christi à malis.

Vbi est Ecclesia?

1. Perfecta in oculis est cum Christo: militās autem in terris non debet certo loco alligari, secundum dictum Christi, Ioan. 4. 21. Veri adoratores nec in hoc montē, nec Hierosolymis: sed in spiritu & veritate.

Deinde non posset esse Catholica, si vni alligaretur loco, vt Donatistæ Africæ. Nam καθολικὴ dicitur, quia ex omnibus locis & nationibus colligitur. Præterea Christus iussit vbiq. terrarum docere: Ergo vbiq. sua habet membra: & ob id, vbiq. est Ecclesia Christi per totum mundum dispersa.

An erret Ecclesia.

Quatenus regitur à Spiritu sancto, nō errat: est enim Spiritus veritatis. Sed quia iidem homines etiam manent, humanitus etiā quidam patiūtur: vt exēplo sunt Dauid, Moses, Petrus. Ecclesia Israelis sæpe & grauiter errauit: sic Ecclesia militans errare potest.

Quomodo igitur regitur à Spiritu sancto?

Cū audit vocē Domini sui, regitur etiam à Spiritu sancto, vt non erret: sed cū de suo aliquid statuit extra verbum Dei, errori proxima est. Quare sic verum erit argumentum.

Quicquid regitur à Spiritu sancto non errat, quatenus regitur à Spiritu sancto, & vocem alterius non audit: Ecclesia regitur à Spiritu sancto: Ergo Ecclesia nō errat, quatenus ab eo

regitur, & vocem alterius non audit.

*Obvicio argumentū ex cap. 5. 27. ad Ephes. ubi
Ecclesia Christi dicitur carere ruga & ma-
cula. Sic Cant. 4. Vna est columba mea, per-
fecta mea, &c.*

Respond. Mala est consequentia. Nam Apo-
stolus ibi fines assignat, cur semetipsum tradi-
derit pro sua Ecclesia, nimirum ut illam sancti-
ficaret, mundās eam lauacro aquæ in verbo, ut
illam exhiberet sibi gloriosam, non habentem
maculam aut rugam, aut quicquam tale, sed ut
esset sancta & irreprehensibilis. Hic finis est
passionis Domini. Non autem sequitur, Ergo
in his terris talis est. Perfectio illa quidem hic
incipit, perficienda autem in vita coelesti, ob
cuius spei certitudinem utcunque etiā hic per-
fecta dici potest. Sic Solomon loquitur, qualis
habeatur Ecclesia Christi in conspectu eius,
& redemptionis merito, non qualis sit sua na-
tura, quatenus ex hominibus peccatoribus est
collecta.

*Aliud arg. 1. Timoth. 3. 15. dicitur columna
& firmamentum veritatis.*

Respond. Dicitur *σύλος καὶ ἰδρυμαὶ τῆς ἀ-
ληθείας*, propter Christum cui innititur vera
fide & inconcussa constantia. In huius enim
confessione Marpesia caute durior est. Non au-
tem sequitur Ecclesiam proinde sine peccato
esse, aut erroribus non subiectam: nam de Ec-
clesia

clesia prædicatur καὶ ἰσχύει, quādiu in Christo Domino perdurat, & quatenus, eatenus est
 λόγος & ἰσχυρὰ τῆς ἀληθείας.

Quæ sunt nota Ecclesiæ?

Cognoscitur Ecclesia Christi certis argumētis & notis.

Primū vbi sana regnat Christi doctrina, vbi verbum Dei primas tenet, firmissimū est signum Ecclesiæ Christi. Ioan. 8. 47. Qui ex Deo est, verbum Dei audit, & Ioan. 10. 29. Oves meæ vocem meam audiunt: & Ioan. 18. 37. Qui ex veritate est, audit vocem meam.

2. Alterum signum Ecclesiæ est Sacramentorū Christi administratio: Baptismus & Cœna in hoc constituta sunt inter alios fines, vt dīstingerent Christi Ecclesiā ab aliis cœtibus, Vbi ergo illa purē administrantur, veræ Ecclesiæ notam esse scias. Accedunt deinde aliæ virtutes & dona Spiritus sancti, vt est vera poenitentia, vera dilectio, vera adoratio, vnionis & veritatis studium. Ioan. 14. 16. Rogabo Patrē & alium Cōsolatorem dabit vobis, vt maneat vobiscum in æternum, Spiritum veritatis, quē mundus non potest accipere, &c.

LOCVS QVINTVS, DE
 coniugio Sacerdotum.

Licetne ministris verbi Dei contrahere matrimonium.

Maximè licet.

Vnde probabis?

Primum à definitione matrimonii, quod est mariti & vxoris honesta copulatio ab ipso Deo instituta Ge. 2. 22. Mat. 19. 5. confirmatur à Christo sine exceptione: Ergo Ministris etiã licet,

Datum est illud præceptum multitudini hominum, at nō ad singulos pertinet, vt agricultura necessaria est, non tamen necessum omnes esse agricolas.

Respond. Verum illud est, Sic non necessum est Ministrum esse vxoratum, licitum tamen hinc esse constat, cū nulla exceptione ab hac lege sint exempti.

Habēsne Scriptura etiam testimonia?

Habeo, 1. Tim. 3. 2. vbi ministrorum canon describitur, etiam id habetur, Vt sit vnius vxoris maritus: quod non sic accipimus quasi necessarium iudicemus ducere vxorem: sed vt constet illi esse liberum, nec more Iudæorum plures quoque quàm vnā vno tempore habere debet. Interea si quis castè sine vxore possit viuere, vtique honestè is faciet, abstinendo.

Habes alia etiam testimonia?

Apostolus Paulus 1. Cor. 9. 5. inquit, An non habemus potestatem sororem mulierem circumducendi, quemadmodum & ceteri Apostoli, & fratres Domini & Cephas? Et ad Hebr. 13. 4. scribitur, Honorabile est inter omnes

omnes coniugium, & cubile impollutum: scortatores autem & adulteros iudicabit Deus.

Habes etiam exempla?

Habeo Mar. 1. 30. legitur de Petro, quod habuerit. Sic Matth. 8. 14. Christus socrum Petri liberat à febris: fuit igitur vxoratus.

Et Paul. Philipp. 4. 3. Comparem germanam agnoscit, quæ de vxore legitima dixit.

Ac de Petro habetur illud insigne dictum ad vxorem, quæ cum ad martyrium duceretur, inquit, O coniunx, memeto Domini. Eusebius lib. 3. cap. 37.

In Synodo Nicena, Paphnutius confessor Synodo suafit, ne sacerdotibus negaretur matrimonium, & eius sententia obtinuit.

*Circa
annum
Domini.*

Et Apost. 1. Tim. 4. 3. manifestè recenset inter dogmata erronea, nuptias prohibere. In veteri Testamento sacerdotes maritati erant. Leu. 21. 13. Eze. 44. 21. & Græcæ Ecclesiæ in eo semper Romani resisterunt.

*313.
Dist. 38*

LOCVS SEXTVS DE

numero Sacramentorum.

Quid significat vox Sacramenti?

Apud prophanos scriptores significat obligationem militarem iuramento confirmatam. Hinc militare Sacramentum. Et Iurisperiti sacramentum vocant certos asses in litibus depositos apud pontem. De quo Varro sic scri-

H. ii.

bit lib. 4. de Ling. Latin. Qui petebat & is qui inficiabatur de aliis rebus vtrunque quingētos æris ad pontem deponebant: de aliis item rebus certum numerū assium. Qui iudicio autē vicerat, suum sacramentum à sacro auferebat. Victi (asses) ad ærarium redibant, id est, victus ex pecunia quam deposuerat, multabatur in pœnam iniustæ litigationis, qui ærario cedebat.

Quid Theologis significat Sacramentum?

Primum significat mysterium. Sic Ephes. 5. 32. de coniugali amore loquens ait Apostolus, Hoc sacramentum magnum est, verū loquor de Christo & Ecclesia. vbi in Græco est vox *μυστήριον*. Sic Augustinus mysticas interpretationes vocat sacramenta, vbi à sensu historico receditur: & ipsam allegoriam appellat sacramentum figuratum, vt ex explicatione Psal. 103. 3. in illa verba, ascendit super pennas ventorum. Verū in præsentī quæstione sacramentum vocant Theologi ceremoniā à Christo institutam in locum sacramentorum veteris Testamenti, habentem signum externū internæ gratiæ, h. e. reconciliationis, qua Christus nos Deo reconciliauit, & quæ per Euangelium prædicatur.

De fine Sacramentorum breuius.

Sacramentum est inuisibilis gratiæ visibilis forma.

Quot

Quot sunt Sacramenta?

Scholastici septem enumerant: alii tria, nos
solum duo agnoscimus.

Quae sunt illa? permissi & nobis affirmati & ordinati iunguntur.

Baptismus & Coena Domini. Quibus addunt Papistae, Ordinem, Confirmationem, Vnctionem, Poenitentiam, & Matrimonium.

Cur tantum duo sunt?

Primum, quia Christus solum duo haec instituit, Baptismum dico, & Coenam Domini, eaque suae Ecclesiae reliquit celebranda? 1.

Vbi instituit.

Baptismum instituit Matt. 28. 19. Eūtes, docete omnes Gentes, baptizantes eos in nomine Patris, Filii, & Spiritus sancti. Sic Marc. 16. 15. Ite in mundum vniuersum, & praedicate Evangelium omni creaturae: qui crediderit, & baptizatus fuerit, saluus erit.

Coenam verò, Matt. 26. 17. Mar. 14. 12. Luc. 22. 7. quam institutionem repetit Apostolus 1. Cor. 11. 23.

Affer aliam rationem, cur tantum sint duo Sacramenta.

Quòd tantum duo sint Sacramenta in Ecclesia Christi admittenda praeter rationē praedictam potest etiam ex eo probari, quòd definitio Sacramentalis non cōpetat: ac demum quia Veteres etiam videntur non plura agnouisse. 2
3

Quomodo à definitione Sacramenti probas?

De con
secr. di-
stinc. 2.
can.
Sacrifi-
cium.
Tract.
80. in
Ioan.

4. Sacramentum est inuisibilis gratiæ visibilis forma. Qua definitione volunt exprimere in Sacramento oportere duo esse, visibilem formam, quæ sensibus oculorum obiecta sit. Alterum dicitur inuisibilis gratia, hoc est, promissio signis addita. Sic Augustinus inquit, Accedit verbum ad elementum, & fit Sacramentum. Verbum est institutio Christi. Elementum autem symbola externa quibus est annexa certa promissio. Hæc solum cōperunt Cœnæ & Baptismo: cum reliqua nec verbum, hoc est, institutionem Christi habeant, nec signa externa gratiæ, hoc est, reconciliationis, qua Deo per Christum sumus reconciliati: quæ signa prædicatione Euangelii sunt annexa ministerio.

Quot agnoscunt Veteres Sacramenta?

5. Duo quoque vera agnoscunt. Augustin. Epistola 118. ad Ianuariū inquit, Christus Sacramentis numero paucissimis, obseruatione facillimis, significatione præstantissimis, societate noui populi colligauit. Sicut Baptismus Trinitatis consecratus: & communicatio corporis & sanguinis ipsius. Et lib. 3. de doctrina Christi. cap. 9. Nec eorū signorū quæ iam intelligimus, operatione graui onerati sumus. Sed quædam pauca pro multis, eademque factu facilissima & intellectu augustissima, & obseruatione castissima, ipse Dominus & Apostolica tradi-
dit

dit disciplina, sicut est Baptismi sacramentum,
& celebratio corporis & sanguinis Domini.

Ambrosius in libro de Sacramentis tantum
duo quoque habet, Baptismum & Eucharis-
tiam.

LOCVS SEPTIMVS,

de inuocatione sanctorum.

Quos vocas hic sanctos?

Respond. In hac quaestione sancti dicuntur
defuncti & mortui fideles, vt sunt Apostoli,
Martyres, & alii pii in vera fide mortui.

Habétne Scriptura alios etiam sanctos?

Scriptura sanctos vocat etiam fideles in hac
vita. Sic Apostolus Romanis scribens, statim
in inscriptione dicit, *καλητοῖς ἀγίοις*, id est, voca-
tis sanctis. 1. Cor. 1. *καλητοῖς ἀγίοις*; & in 2. Cor.
1. *καὶ τοῖς ἀγίοις πάντων*, cum omnibus sanctis
qui sunt in tota Achaia. Ad Philip. 1. *πάντες τοῖς*
ἀγίοις. Ad Col. 1. 2. Sanctis qui sunt in Colossis
& fidelibus fratribus.

Orántne hi sancti pro nobis?

Orant hi pro nobis: & vt id faciant etiā at-
que etiam flagitandum est. Licob. 5. 16. Orate ^{1. a. rest.}
pro vobis inuicē, vt sani sitis: multum enim va-
let deprecatio iusti efficax. Sic Paul. Philip. 1. 2.
4. pro Philippenſibus orauit, vt in cognitione
veritatis permaneret. Et de Colossensibus ait, 3
Colof. 1. 9. Non desinimus pro vobis orare, &

H. iiii.

4. poscere, vt impleamini agnitione. Et **Col. 4. 3.**
 petit, vt simul pro ipso etiam orent, Orantes
 5. simul etiam pro nobis. Et 2. **Thess. 3. 1.** Quod
 6. superest orate fratres pro nobis. 1. **Timoth. 2. 1.**
 Pro omnibus hominibus, pro Regibus, & om-
 nibus in eminentia constitutis. Hunc morem
 1. habuit Ecclesia semper in Veteri Testamento,
 2. vt est videre in historia Abrahæ orantis pro So-
 3. domitis, Gen. 18. 27. Prophætæ orant pro pec-
 4. catis populi Dei. Moyses pro populo orat. Exo.
 5. 17. 11. Iob pro amicis. 42. 9. Apostoli etiam idē
 5. fecere, vt est videre Act. 8. 15. & 12. 5.

Orantne mortui pro nobis?

1. Id probari ex sacris literis non potest: Et D.
 De cura Augustinus in hac quæstione cum multum la-
 2. pro mor bore, tamen fateatur spiritus defunctorum ibi
 3. esse, vbi non videantur quæcunque aguntur aut
 4. eueniunt in ista vita hominibus. Et paulò post
 5. subiicit, Proinde fatendū est nescire mortuos
 6. quid hîc agatur. Ac de matre sua eleganter in-
 7. quit: Si rebus viuentiū interessent animæ mor-
 8. tuorum, & ipsæ nos, quando eas videmus, allo-
 9. querentur in somniis, vt de alijs taceam, me-
 10. ipsum pia mater nocte nulla deferet, quæ ter-
 11. ra marique sequuta est, vt mecum viueret. Ab-
 12. sit enim, vt sit facta vita feliciore crudelis.
 13. Quod si igitur rebus humanis non interfunt, &
 14. insuper nesciūt quid hîc agatur, inuocandi nō
 15. sunt.

Quomodo

*Quomodo igitur diues rogat pro fratribus
suis quinque? Luc. 16. 27.*

obic. 1.

Primùm diues quidem rogat, sed nihil im-
petrat. Præterea diues illic nescit quid fratres
agant in hac vita. Adde quòd narratio hæc est
ut dicitur in mattheo, non historia rei gestæ. Itaque tã-
tùm abest, ut intercessionem sanctorum tuea-
tur, ut eam etiam impugnet.

*Centurio Luc. 7. 3. mittit seniores, qui pro pue-
ro paralytico intercedant.*

obic. 2.

Matth. cap. 8. 5. hoc factum scribit ab ipso
Centurione. Lucas missos prius seniores ha-
bet. Sed nihil ad inuocationem sanctorum post
hanc vitam. Nam in hac vita id fieri debere li-
benter concedimus.

Ex oratione ista in facie

*Angeli intelligunt res mortalium: Ergo
anima quoque intelligant.*

obic. 3.

Alia est Angelorum ratio, qui sunt spiritus
ministratorii ad salutem electorũ missi, Heb. 1.
14. Ideo quæ his ut ministris & ad ministerium
ipsorum necessaria multa reuelantur. Non sic
de animabus fidelium statui debet, quæ mini-
stri viuentiũ non sunt, nec mittuntur, ut Ange-
li ad homines.

*Atqui in hac vita pro suis orarunt: Ergo mul-
tò magis iam in statu perfectò.*

obic. 4.

Mala est consequentia. ^{vs. 3.} *Conditio vitæ hu-
ius id habet, ut pro nobis, mutuo oremus. Cui
accedit expressum verbum, Iacobi 5. 16. Sed vitæ*

Ex 8. 3. fol. 120. t.

Rs. 4.

beatæ status in cœlis nihil tale habet in sacris literis. Deinde non sequitur, Hic orarunt pro piis: Ergo illic idem præstabunt: alioquin nobiscum etiam flebunt, vigilabunt, ieiunabunt: quæ partim in vitam beatam non cadunt, partim non locum habent.

Cur igitur non sunt inuocandi?

1. Primùm quia in sacris literis cuius rei non habemus testimonia Sancti Patres non aliquē inuocarunt ex Patribus, sed ipsum Deū Creatorem cœli & terræ.
2. Deinde quia Christus hunc vnum nobis inuocandum proponit: idem faciunt Apostoli, Patrem inuocandum per Iesum Christum Filium eius ex Spiritu sancto, qui suos illuminat in inuocatione.
3. Tertiò, ~~destrahit hæc doctrina merito & dignitati Christi, hic enim Mediator est constitutus~~ inter Deum & homines. 1. Tim. 2. 5. ~~Vnus Mediator est Dei, & hominum, homo Iesus Christus.~~ Et 1. Ioan. 2. 1. Aduocatū habemus apud Patrem Iesum Christum iustum, qui est propitiatio pro peccatis nostris. Rom. 8. 34. Ad dextram Patris interpellat pro nobis. Heb. 7. 25. Saluare potest in perpetuum accedentes ad Deum per ipsum, semper viuens ad interpellandum pro nobis.
5. Præterea ^{si inuocatio a patre ad filium Deum. 1. Tim. 2. 5.} inuocatio summi habet connectum cultū vnde sequitur, Solus Deus est colendus.

Ergo

Ergo idem solus inuocandus in necessitatibus:
hinc Christus Mat. 4. 10. dicit Sathana: Domi-
num Deum tuum adorabis, & illum solum co-
les, Deut. 6. 13. quia inuocatio pars est cultus
Diuini.

Quintò inuicare non possunt. 6.

Deinde nec constat eos res nostras intelli- 7.

Rey humanis ne inuocet idcirco ne quare nec intelligunt nec audiunt preces nostras, itaq. inuocant & inuocantur & non dicunt.

Præterea constat etiam gratas non esse illis 8.
preces ad eos fufas, cùm voluntari Dei repu-
gnent.

Denique non constat eos pro nobis orare. 9.

Quibus omnibus maxima illa est, Deum so- 10.
lum velle inuocari. Deut. 6. 13. Dominum Deū
tuum inuocabis, & illum coles: non sunt igitur
inuocandi sancti.

LOCVS OCTAVVS,

de Purgatorio.

Quid vocant Purgatorium?

Medium locum inter vitam æternam, & cō-
demnationem extremam, in quo animæ de-
functorum contineantur purgandæ & expian-
dæ à certis delictis, pro quibus hîc diuinæ iusti-
tiz satisfactum non sit.

Estne purgatorium?

Non est aliud, quàm quod in hac vita pati-
mur. Illud verò post hanc vitam ex sacris lite-
ris confirmari non potest. Sed est superstitio

ex Gentilismo in Christianismum ascita: quæ ex Virgilio & Platone videtur deriuata. Plato in Phædone affirmat animas apud inferos purgari, & esse quædā *ἰάσιμα ἁμαρτημάτων*, quæ certo temporis spatio deleri possit in palude Acherusia, intercessione etiam eorum, in quos illi peccauerunt in vita. Qui verò videntur *ἀνιάτως ἔχειν ὅτι τὰ μέγιστα τῶν ἁμαρτημάτων, τέρας ἢ προλαβὼσα μοῖρα ῥίπτει εἰς τὸ τάρταρον, ὃ οὐδὲν ἔστιν ἐκδύναιον*. Et lib. 2. Politic. affirmat esse *τελετάς*, αἱ τῶν ἐκεῖ κακῶν ἀπολύουσιν ἡμᾶς. Et lib. 2. Polit. pœnas decernit, & quomodo ac quando ab his tandem liberentur.

Cur est excogitatum purgatorium?

Gentes confinxerunt ad terrêdos homines, & coercêdos à sceleribus. Christiani hoc ~~pre-~~textu abusi sunt ad quæstum. Viderunt enim rem esse lucrosam, si persuaderent hominibus post hanc vitam quædam deleri peccata posse intercessionibus & precibus viuorum pro defunctis. Et quia ex inferno nō est liberatio, instituerunt homines astuti ignem purgatoriū, qui extingui posset precibus & intercessione aliorum pecunia redemptis.

Hinc λύσεις καὶ καθαρμοὶ animarum ex purgatorio magno applausu excipiuntur & audiuntur quotidie.

Vnde confirmant illud?

Non

Non habent directa testimonia. Quarē ex
consequenti hoc conantur probare.

Primū Lāzari historiam, & diuitis, Luc. Confirm. I.
16.17. quidam purgatorio accommodant. 2.
Verū cū diues nihil impetrat, nec pro se, nec
pro fratribus, satis ostendit locus pœnas post
hanc vitā insolubiles esse. Minus ad eius defen-
sionem facit historia alterius Lazari, Ioā. 11.1. 3.

Quid ad locum Matth. 5.26. Nō exhibis, donec
solueris ultimum quadrantem.

& Nego consequentiam. Nā illis probandum
est hīc loqui Christum de purgatorio, quod nō
possunt. Deinde in eo falsa est collectio, quod
colligunt: Ergo aliqui hinc exhibunt, qui scili-
cet quadrantem ultimum soluerint. Loquitur
autē Christus de recōciliatione fraterna in hac
vita, in qua dum volumus reconciliari, carcer il-
le nos manet extra hanc vitam, hoc est æterna
damnatio: quem non exhibis, donec solueris vlti-
mū quadrantem, hoc est, nunquā. sic enim vox
(donec) accipi debet. quod confirmat ratio, Nū-
quā sunt soluēdo: Ergo: nunquā inde exhibunt.

Quid ad locum Mat. 12.32. de peccato in Spi- 4.
ritum sanctum, quod nec hic nec in futuro
seculo remittitur. Ergo quadam hīc, qua-
dam illic remittuntur.

Primū locus nō confirmat purgatorium:
quia in purgatorio aiunt deleri pœnas: culpam
autem in hac vita remitti. At Christus illic

loquitur de culpa peccati, non de poena : Ergo ad purgatorium nihil facit.

Deinde falsa est collectio: Christus enim ostendit peccatum esse quoddam, quod nunquam remittitur : aliud esse quod hic tantum remittitur. Proben illi tertium, ergo quædam illi remittuntur, quod falsum est. Absurdum enim est argumentum : quædam peccata post hanc vitam non remittuntur : ergo quædam post hanc vitam remittuntur: sed esse remissionem quorundam in hac vita inferri potest.

5.

Quid ad locum 1. Cor. 3. 13. Cuiusque opus quale sit, ignis probabit?

x

Ignis apud Apostolum potest esse afflictio & crux per quam Dominus suos examinat. Sic enim Chrysostomus & Augustinus locum hunc intelligunt. Alii per ignem hunc, intelligunt examen Spiritus sancti. Quod autem ad purgatorium hic ignis nihil faciat, ex verbis Apostoli ostendi potest, qui dicit *ἐκάστω ἐργον*, quale sit ignis probabit: at Apostolorum & Prophetarum opera purgatorii ignis non probabit: Ergo de alio quam purgatorii igne loquitur Apostolus.

6.

At veteres sic crediderunt, & antiqua est illa opinio.

Non est purgatorium... I.

Bedam, Gregorium, Ambrosium, aliosque citant huius ignis defensores. Sed eis opponi potest Orientalis Ecclesia, quæ semper repudiavit

diauit hoc dogma vsque ad Eugeniũ quartũ,
 sub quo vix tãdem subscripsere: sed ab eo tem-
 pore statim capta est à Turcis Constantinopo-
 lis, & euersum Imperium in Oriente. *Chryso-* 2
stomus in cap. 12. *Mat.* sic de ea re loquitur, Om-
 nium hominum alii & hîc & illic supplicia
 dabunt. Alii in præsentî tantũ vitæ alii in fu-
 tura tantũ. Hîc & illic Sodomitæ. In hac tan-
 tũ fornicator Corinthius. Illic tantũ vt di-
 ues in inferno. *Cyprianus* Tract. 1. contra De- 3
metriadem, Quandò hinc excessum fuerit, nul-
 lus iam locus pœnitentiæ est. nullus satisfac-
 tionis effectus. Hîc vita amittitur, aut tene-
 tur: hîc salutî æternæ cultu Dei, & fructu fidei
 prouidetur. Et *Chrysost.* Veniet enim hora, 4
 quando theatrum vitæ huius soluetur, & nul-
 lus postea certabit. Non est post huius vitæ fi-
 nem negotiatio.

Potestne etiam ratione enerti hic ignis?

Potest. *Christus* inquit, Non exhibis, donec 5
 soluas vltimum quadrantem. Vbi soluendum
 est, non prodest intercessio, & preces nihil effi-
 ciunt: atqui solutio exigitur: Ergo preces tol-
 luntur & intercessio.

Deinde si pœnis animæ possent purgari, tũ 6
 maximæ pœnæ maximè purgarent: at hoc fal-
 sum est. Nā inferni pœnæ cum sint maximæ,
 tamen non expiant nec purgant: Ergo nec le-
 uioribus pœnis animæ post hanc vitam pur-

gari possunt.

7. Tertiò, Omnes fideles hinc migrant rectè in vitam æternam, nec veniunt in ullum iudicium: at purgatorium iudicium est: Ergo in illud nemo venit. Ioã. 5. 24 Qui credit ei qui misit me, habet vitam æternam, & in iudicium nõ veniet: Qui autem non credit, iam condemnatus est: Ergo nullus est medius locus inter vitam æternam & damnationem, &c.

Ex tertia classe locorum aliarum sectarum nostri temporis, loci aliquot.

DE VBIQVITATE, LOCUS PRIMUS.

Quid vocant Vbiquitatem?

V Bique præsentiam carnis cum verbo. Ad 205 enim sumpsit humanam naturam in vnionem personalem, nullis (vt loquuntur) locorum spaciis separandam.

Quomodo est vbique Christus?

Secundum Diuinitatem, sicut dicit August. Christum vbique totum præsentem esse non dubites tanquam Deum: & in eodem templo Dei esse tanquam inhabitantem Deum: in loco aliquo cœli, propter veri corporis modum. Epist. 57.

Quare secundum humanitatem non vbique esse dicendus est?

Quia

Quia veritas corporis humani nō fert illam *Augu. epist. 57.*
ubiquitatem, cui immortalitatem quidem de-
dit, sed naturam non abstulit. Cū autem cre-
damus veram humanā in Christo naturam ma-
nere: consequitur corpus Christi non esse vbi-
que, sed manere *consequens probat.*

Deinde Angeli de Christi resuscitato cor-
pore, manifestē dicunt, Non est hīc: Ergo vbi-
que non erat, Matth. 28. 6.

3. Item ascendit ad coelos: quem articulū ve-
teres omnes de loco certo intelligunt: Ergo v-
bique non est.

4. Item nūc non semper habebitis, Matt. 26.
II. de corporali absentia intelligitur: cū vt
Deum, sint Christum semper habituri.

5. Repugnāt illa sentētia articulo fidei, quo
credimus Christum venturum ex coelo, quō a-
scendit, Iudicem viuorum & mortuorum. Ne
mo autem venire dicitur in illa loca, in quibus
iam est: sed in illa à quibus absumus antequam
veniamus. Vide August. epist. 57. in qua elegan-
ter inter cætera inquit, Cauendum est, ne ita
astruamus diuinitatem hominis, vt veritatem
corporis auferamus.

Quid respondes illorum rationibus?

Αουλλόγισα adferunt multa & quædam e-
 tiam *αούσατα*.

Diuinitas Christi est vbiq̃ue: igitur & huma *Obic. 1.*
nitas vbiq̃ue esse debet. Cōsequens probāt &

personali vnione diuina & humana natura
qua effici putāt, vt vel λόγος cum carne conti-
neatur loco: vel caro cum verbo vbiq; sit.

Sed hoc argumentum iam pridē soluit Au-
gustinus, epist. 57. Vna persona Deus & homo
est, & vtrunque est vnus Christus Iesus, vbiq;
per id quod Deus est: in cœlo autem per id
quod homo. Deinde non est consequens, vt id
quod in Deo est, ita sit vbiq; vt Deus. Non
enim sic exēditur humanitas vt diuinitas, nec
id derogat personali vnioni.

2.

2. Sed obijciunt, Non est Emanuel Christus
nisi vbiq; corpus humanum esse debuerit.

Es. 7.

14.

Non concludit argumentum. Christus est
Emanuel: Ergo vbiq; est diffusa humanitas,
cum alia sit ratio huius appellationis. Ema-
nuel dicitur Christus, quia in illo nobis recon-
ciliarius est Deus, & quia non Angeli, sed homi-
nis assumpsit naturam, per quam nos Deo con-
sociauit, & ad dextram Dei carnem nostram
exaltauit. Non autem vt ob id vbiq; esset.

3.

3. Quæcūq; Pater facit, eadē quoque Filius
facit: sed Pater præsens gubernat omnia: Ergo
Filius quoque. Dedit. n. Pater Regnum Filio.

Nihil illa concludunt de corporali præsen-
tia & vbiuitate, cū sit illa *φυσικὴ*, quæ
Christus etiam omnibus rebus conditis adest
vt Deus, Præterea vt saluator fidelibus singu-
lariter

lariter adest vt Redemptor, quos suo tuetur spiritu, & in omnem veritatem gubernat.

4. *Humana natura capax est diuina, salua sua essentia: Ergo etiam capax est omnipræsentiæ.*

Verum est argumentū, nec quicquā absurdi infert in eodē sēsū. Nā diuinitatis est capax: sic omnipræsentiæ, sed diuinitatis ita vt ipsa nō diuina, sed humana sit: sic omnipræsentiæ, vt ipsa nō omnipræsēs, sed alicubi præsēs existat.

λόγος est omnipræsens: Caro Christi est capax λόγου: Ergo est etiam omnipræsens.

Malè conclusio infertur: sic autē colligi debet: Ergo caro Christi est capax omnipræsentiæ, quod verum est. Vt enim capit λόγον sic, vt intereā caro Christi non sit λόγος: sic capit omnipræsentiā, vt intereā caro non sit vbiq. Sic homo capit visum, & ipsam mentē, quæ vbiq. discurret, vt tamen homo non sit corporaliter, vbi mente vagatur.

δ. *Finitum capit infinitum, vt humanitas diuinitatem: Ergo vbiuitatem quoque.*

Finitum, quatenus finitum est, non capit infinitum, si magnitudines respicias. In qualitatibus autem & potentiis finitum infinitum capere potest: Sic hominis mens Deum capit, finita potentia, infinitam. Nō sequitur autem, vt eodem pacto extendatur, vt vbiq. sit mēs hominis, vbi Deus est. Sic vnitur diuinitas naturæ: vtraq. interim retinet suas proprietates.

Nec huc pertinet, Zelus Domini zebaoth fecit.

7.

7. *Homo Christus est omnipræsens, alioquin soli Christo non competit illud, Verbum caro factum est.*

Nego consequens. Nam vera est illa sententia, λόγος σὰρξ ἐγένετο, Verbum caro factum est quia λόγος de solo Filio Dei intelligitur, nec vllis creaturis hic tribui potest. Carnem autem fieri, hominis quoque est: sed hoc pacto solius Christi est sine peccato, sine femine viri, ut duas naturas diuersas humanā & diuinā vnione personali copulare in vnum Christum Iesum, Dei Filium.

8.

8. *Obijciunt locum Cyrilli, Verbum humanitati iunctum, totum in seipsum ita reduxit, ut indigentia vite possit viuificare.*

Nihil absurdi dicit Cyrillus, & hanc opinionem minimè confirmat: nā diuinitati vel Verbo totum hoc tribuit, non humanitati. Deinde de tota persona intelligit vim illam viuificantem illa quæ vita indigent. Sic enim Mediator est. Sed quid illa ad Vbiquitatem?

9.

Reliqua argumēta leuiora sūt, ut quod dicūt.
9. *Nomen Christi supra omne nomen esse, ac nomina habere res ipsas.*

10.

10. *Item quod Christo datus sit Spiritus nō ad mensuram.*

11. *Item*

11. Item quòd omnes thesauri sapientia & scientia in eo sint reconditi.

12. Item remittere peccatum esse infinita potentia.

13. Et quia omnipotens sit homo Christus: Ergo etiam omnipræsens. Quæ nihil attinet prolixius confutare.

Responsum est ad hæc satis iam à multis. Ac miraculum est, cùm præsentiam hanc non localem, non corporalem afferant, sed quæ incarnationi Domini nostri Iesu Christi competit, & quam exigit unio naturæ humanæ & diuinæ, quomodo seipfos non euertant. De corporali differunt omnipræsencia, & corpori negant locum, sed & corporalem præsentiam.

LOCVS SECVNDVS, DE Mediatore Christo.

Quid significat vox Mediatoris?

Significat officium personæ Christi, quod inter diffidentes duas partes obire debet. Diffidentes partes sunt Deus, & humanum genus: has partes Christus reconciliare debuit, ut homo Deo suo restitueretur, & Deus homini placetur.

Quomodo Christus est Mediator?

Iiii.

Veteres quosdam referunt, qui Christum dicerent Mediatorem esse solum secundum humanitatem: in qua sententia sunt ferè omnes scholastici doctores, vt est Magister sententiarum. 3. distinct. 19. Thomas Aquinas Bonauentura, & compilerator Gab. Biel. Hodie quoque renouatur hoc dogma à quibusdam contentionis magis studio, quàm ædificatiõis fructu. Nos hanc veram statuimus esse sententiam, Christum Mediatorem esse secundum utranque naturam, humanam scilicet, & diuinam.

Ostende igitur, quomodo Christus sit Mediator secundum utranque naturam?

1. Primum, Scriptura loquens de Mediatore Christo totam nobis personam proponit, diuina & humana natura constantem. Sic Eph. 1. 4. In Christo nos electos dicit. antequam iacerentur fundamenta mundi: quæ non ad solum hominem Christum possunt referri. Et 1. Cor. 1. 30. Christus factus à Deo nobis sapientia, iustitia, sanctificatio, redemptio, &c. Roman. 3. 25. Quem proposuit reconciliatorem, per fidem in illius sanguine. Personam Christi mediatricem constituit, proprietate humanitatis assignata. Sic Rom. 5. 8. Christus pro nobis mortuus est Rom. 8. 34. Pro nobis intercedit. Heb. 7 25. Semper viuens in hoc: vt intercedat pro illis. Heb. 9. 24. Apparet in conspectu Dei pro nobis, &c.

Deinde

Deinde Christus Mediator vt Deus inuocatur, non solum vt homo. Secundum vt tranqu-
igitur naturam Mediator est, alioquin inuoca-
tio per Filium Dei apud Patrem erraret.

Tertiò, Christus ipse, vt Mediatorem se se-
cundum vttranque naturam mundo proponit.
Matt. II. 28. Venite ad me omnes qui laboratis
& onerati estis, &c. vox est Mediatoris καὶ
ἐπιμετοῦς, qui nobis totam suam personam
reconciliatricem promittit. Et Ioan. 16. 23. Quæ-
cunque petieritis Patrem in nomine meo, da-
bit vobis: expressè diuinam naturam includit
inuocatione & officio mediationis. Non enim
in nomine Christi hominis solum inuocari
vult.

4. Et vox Patris Mediatorem Filium suum
proponit mundo, Hic est Filius meus dilectus,
ἐν τῷ ὄνοματι, Mar. I. II. Luc. 3. 22. Mat. 3. 17. & 17.
5. additur mandatum, Ipsum audite. Ita Luc.
9. 35. In quibus manifestè Christus Dei Filius
μετρίτης proponitur, in quo Deo reconciliatus
est mundus.

Da eiusdem rei testimonia ex Patribus?

Cyrilli est illustris locus lib. 12. Thesauri,
cap. 10. Mediator Dei & hominum Iesus Chri-
stus est 1. Tim. 2. 5. Non solum quia reconcilia-
uit homines Deo: sed etiam quia naturaliter
& substantialiter, & Deus & homo in vna hy-
postasi est. Hoc enim modo naturam nostram

sibi Deus reconciliauit. Nam aliter, quomodo vnum Mediatorem Christum Paulus dixisset? Et mox idem subiicit, Sed modū quoque perstringere non alienū est. Quòd igitur quādam sibi sicut medium coniungit, ab utroque necessario tangitur: & hoc modo diuersa per medium coniunguntur. Est autē Christus Mediator Dei & hominum, quia in eo vno, Deus & homo coniunguntur. Non est tamen ipse aliquid tertium præter Deum & hominem, sed verè Deus & verè homo. Ipse enim est pax nostra.

Iustinus Martyr T.3. fol. 16.

Christi duas naturas in vna persona non diuidit, sed simpliciter redemptionis & mediationis munus personæ tribuit. Quatenus homo, inquit, cū sine crimine vitam innocenter egit, tum volūtariam subiit mortem, &c. Quatenus verò Deus, & quod solutum erat restituit, & mortem ipsam prorsus soluit.

Epiphanius fol. 433. in Græco.

Συνὼν γὰρ καὶ ἡ Θεϊότης καὶ ἡ ἐνανθρώπησις ὅτι ὅπῃ τὸ σαυρῶν ἔπαχε μὴ Χειρὸς ὅρα· ἀπαθὴς ὅμως Θεϊότητι ἵνα πᾶσι δικαίωσιν μὴ ἐστὶ ἐν ὅρα μόνον ἔχωμεν, ἀλλὰ ἐν τῇ Θεϊότητι καὶ ἵνα ἐν τῇ Θεϊότητι καὶ ἐν τῇ ὅρα κατ' ἀμφοῖν ἡμῶν σωτηρία γένηται. Id est, Simul enim erat & diuinitas & humanitas, quando in cruce passus est Christus
in carne:

in carne: impatibilis autem mansit diuinitate: vt iustitiam non amplius solum in carne haberemus, sed etiā in diuinitate: & vt in diuinitate & in carne secundum vtrunque nobis salus efficeretur.

Augustinus T. I. fol. 184.

Mediator Dei & hominum, quia Deus cum *Lib. I.* Patre, homo cum hominibus. Non mediator *confes.* homo præter Deitatem. Non mediator Deus *cap. 42.* præter humanitatem. Ecce mediator, Diuinitas *& in* sine humanitate non est mediatrix: Humanitas *Homil.* sine diuinitate non est mediatrix. Sed inter *de omib.* diuinitatem solam, & humanitatem solam, *Christi.* mediatrix & humana diuinitas, & diuina humanitas *cap. 12.* Christi, &c.

Ambrosius 1. Tim. 2. 5.

Vt mediator esset Dei & hominum, homo Christus Iesus, id est, non sine diuinitate, quia in Deo homo erat, & Deus in homine, vt ex vtroque esset mediator, & vtrunque reconciliaret in primum hoc fecit, &c.

RESPONDE AD ILLO- rum argumenta.

1. Nullus dissidentium potest esse mediator: *obj. 1.* sed Christus secundum diuinitatem est altera pars dissidentium: Ergo secundum diuinitatem Christus non potest esse mediator.

Respond. ad singula membra: Maior vera

est, addito προσκατηγορησάμενος, scilicet quatenus
offensus est, & offensam retinet implacabiliter.
Interea potest offensa persona de iure suo ce-
dere, & mitigationem iuris promouere, & æ-
quali personæ similiter offensæ pro offenden-
te inferiori satisfacere.

Minor iam facilè solui potest. Christus se-
cundùm diuinitatem est quidem altera dissi-
dentium pars, quia vnus & idem cum Deo Pa-
tre & Spiritu sancto Deus est. Sed ob id λό-
γος est, & non Pater, vt esset πατήρ. Ideoque
de iure suo cedit, & partes nostras adiuvat apud
Deum Patrem, satisfaciendo, & intercedendo.
Nec fingenda est tota Trinitas sic implacabi-
lis, vt nolit nostras adiuuare & promouere par-
tes. Quare sic conclude:

Nullus dissidentium potest esse Mediator,
quatenus offensus est & offensam implacabili-
ter retinet: sed Christus secundùm diuinitatē
est offensus cum Deo Patre, & Spiritu sancto.
Offensam autem implacabiliter non retinet.
Trinitas ἐν τῷ λόγῳ: Ergo Christus secundùm
Diuinitatem etiam potest esse Mediator apud
Deum Patrem, vt interea maneat æqualis &
ὁμοῦστος Deo Patri & Spiritu sancto.

SECVNDVM ARGV- mentum.

2. Opera Trinitatis sunt indiuisa ad extra
Saluatio

Saluatio est opus Trinitatis: Ergo est indiuisa ad extra, hoc est, ad totam Trinitatem equaliter pertinet.

Maiores vera est, si retineatur personarum proprietates. Minor, saluatio est opus Trinitatis: sed certo ordine Pater saluat, scilicet per Filium quem posuit Mediatorem. Ideoque mediatio ad Filium spectat, non ad Patrem, quamuis tota Trinitas negotium salutis nostrae perficiat.

TERTIVM ARGVMENTVM.

3. Christus secundum Diuinitatem non fuit mediator ante incarnationem: Ergo nec post incarnationem.

Respond. Christus ut ab æterno Filius Dei genitus est à Patre Deo: sic ab æterno ordinatus est mediator. Ideoque mediatoris officium semper ad $\lambda\epsilon\gamma\omega\upsilon$ pertinuit & non ad Patrem, vel Spiritum sanctum. Eph. 1. Elegit nos in ipso antequam iacerentur fundamenta mundi. Iesus Christus heri & hodie: idem est etiam in secula, Heb. 13. Patefactio autem mediatoris in tempore facta est, ab hinc 1570. anno: ideoque ante incarnationem nondum fuit mundo patefactus mediator, quem in carne postea viderunt homines. Tamē officium mediationis & patefactionis ad personam $\lambda\epsilon\gamma\omega\upsilon$ pertinebat. Hinc Paul. Patres in deserto bibisse de Petra spirituali. Petra autē fuit Christus 1. Cor. 10, &c.

4

4. Obiicitur locus 1. Timot. 2. 4. *Vnus Deus & vnus Mediator Dei & hominum, homo Iesus Christus.*

Respond. De persona loquitur Apostolus, ideoque Iesum Christum nominat tanquam integram personam. Quod autē addit, Homo Iesus Christus, loquitur de persona Christi partefacta mundo, & qualis ab hominibus agnoscebatur, vt verus scilicet homo. Interea non voluit excludere diuinitatem: nec admittenda est explicatio illa, Christus homo est Mediator, hoc est, secundum humanitatem tantum. Sed Christus homo Mediator est, hoc est, illa persona quæ verè homo est, & Filius æterni Patris: illa, inquam, persona Mediator est Dei & hominum. Vide Cyril. lib. Thesauri 12. cap. 10. & Ambrosium in hunc locum.

QVINTVM ARGVMENTVM.

5

5. *Si Christus secundum diuinitatem est Mediator: Ergo tota diuinitas erit mediatrix. Quod est absurdum. Apud nullum enim mediare potest.*

Respond. Opus salutis ad totā Trinitatem pertinet: sed cum loquimur de mediatione & mediatore, intelligimus officium τὸ λόγος. Et
vera

veraeſſet collectio: Si tota Trinitas eſſet vna
perſona, ita non poſſet fieri mediatio: Nemo
enim apud ſe pro altero intercedit, nec ſibi of-
fert, nec ſui eſt deprecator & mediator. Sed
cum tres ſint perſonæ indiuiſæ Trinitatis, fa-
cile potest intelligi perſonam Filii Dei, vtpo-
te miſſam à Deo Patre in hunc mundum, me-
diare & deprecari pro nobis apud Deum Pa-
tre, quæ perſona non eſt Filii, interea manēt
conſubſtantiales, æ quales gloria & potentia.

LOCVS TERTIVS,

de Trinitate,

Quid significat Trinitas?

~~Græci *Τριάδα* appellant, qua voce ex-~~
~~presserunt tres in divinitate personas confub-~~
~~stantiales, non confusas, servata substantiæ v-~~
~~nitate. Inducta fuit pridem à Patribus Niceni~~
~~concilii, qui postea cum Athanasio Alexãdriæ~~
~~congregati fuere cõtra novos motus Arriano-~~
~~rum, ut est in hist. Tripar. lib. 6 c. 20. fol. 422.~~

Non significat igitur abstractum numerum,
ut ^{divinas} ~~monas~~ ^{divinas} ~~tres~~ ^{divinas} ~~divinas~~, sed exprimit personas tres y-
nius substantiæ. Græci dicunt Triadem hâc si-
gnificare τριὰς, hoc est, rem subsistentem per
se, & concretum. Et quia mysterium est à mū-
do absconditū, appellarunt τὰ ἀποκρυφτα, ὑπεράκρυτον,
ὑπακρυτον.

Quid est substantia in Trinitate?

ὅτι est substantia, hoc est, natura diuina
 & ipsa diuinitas, aut essentia diuina. In summa
 quicquid commune est tribus personis, id no-
 mine *ὁσία* Græci expresserunt, Latini substan-
 tiam & essentiam vocant. Augustinus tamen
 cēset rectius ^{substantiam a personam} essentiam dici Latinis, lib. 7. cap.
 5. de Trinit. Sed tamen, inquit, siue essentia di-
 catur quod abusiue, vtrumque ad se dicitur, nō
 relatiue ad aliquid. Et lib. 5. cap. 8. Essentiam
 dico, quæ *οὐσία* Græcis dicitur, *μία ὁρία ὅτι*
ἡ οὐσία, quod est Latine, vnā essentiam
 tres substantias.

Quid est persona in Diuinitate?

Personam Latini vocant, quod Græci *ὑπόστασις*, hoc est, substantiam. Augustinus *ὁρία*
 essentiam vocat: & *ὑπόστασις* substantiam. Au-
 gustinus Martyr ^{vocat} *ὑπαρξιν* & *ὑπόστασιν*, hoc est,
 personam distinctam ab illis incertis proprie-
 tatibus.

Quomodo igitur vnus est & trinus Deus?

Vnus est essentia, hoc est, natura, diuinitas
ὁρία, & quicquid nature diuine propriū, id
 vnum & simplex est. Sic vna est potentia, vna
 maiestas, vna æternitas. Damascenus *μία ὁρία*
μία ὁρία μία θεότης.

Trinus verò est respectu personarū, sic tres
 sunt *ὑποστάσεις*, vna verò *ὁρία*, tres personæ,
 vna autem essentia. Pater enim *ὑπόστασις* est
 Filius *ὑπόστασις* est: & Spiritus sanctus *ὑπό*
στασις

est, hoc est, persona. Tria sunt, quæ d-
 iuntur, tres vna p-sonæ, tres personæ tres vna d-
 iuntur, idem significant. Vna d-
 iuntur, vna natura, vna Di-
 vinitas, vna essentia, idem etiam significant in
 hac quæstione.

*Cur distinctio non in essentia, sed in per-
 sonis solum admitti debet?*

1. Quia divina natura, hoc est, essentia, ita
 simplex, perfectum & absolutum est quiddā,
 vt nullam admittat separationem aut diuisionem,
 quæ imperfectionis est comes.

Deinde quia diuisione naturæ induceret plu-
 res deos, quod absurdum est. Vnum enim est
 tantum infinitum, & est impossibile plura esse
 infinita præter vnum. Ita solus Pater esset infi-
 nitus: Filius autem & Spiritus sanctus non: &
 ob id nec Deus quidem. Aut simul infiniti: & i-
 ta plura infinita. Quod natura ferre nō potest.

Tertiō, nō posset ad vnā primā causā
 resolutio fieri. Oportet enim quod primū est,
 vnum esse: Deus sua natura & essentia primus
 est: Ergo & vnus essentia.

Quartō, Deus ita se patefecit. Deuter. 6. 4.
 Audi Israel, Deus tuus, Dominus vnus est. 1.
 Cor. 8. 6. Nobis Deus vnus est. Gal. 3. 20. Deus
 vnus est. Eph. 4. 6. Vnus Deus & Pater omniū.
 1. Tim. 2. 5. Vnus Deus, vnus conciliator Dei
 & hominum. Testimonia illa loquuntur de v-
 nitate diuinæ naturæ & essentiæ. Patefecit au-

tem se idem Deus trinū. Matt. 3. 16. in Baptismo Christi Pater loquitur cœlitus, coram est Filius Christus: & descendit Spiritus S. in specie columbæ. Sic Mat. 28. 19. in institutione Baptismi, iubentur baptizare in nomine Patris, Filii, & Spiritus sancti. Ioan. 1. Epist. 5. 7. Tres sunt in cœlo qui testimonium dant: Pater, & Spiritus sanctus: & hi tres vnum sunt.

Quæ ergo vera est sententia in hac questione

Tres personas esse in vna diuina essentia, & vt Græci dicunt, *τρεῖς ἰσωςάσεις ἐν μίᾳ ὑπόστασι*. Ita Symbolum Apost. haecenus intellexit Ecclesia Christi, Credo in Deum, Patrē scilicet, Filium, & Spiritum sanctum, hoc est, vnum Deū naturā, Trinum verò personarum respectu. Et Symbolum Nicenū adiecit vocem *ὁμοούσιον*, vt vnitatem naturæ indiuisam trium personarū exprimeret. Et Athanasii symbolū, rectē Patrem, Filium, & Spiritum sanctum nō tres, sed vnum Deum vocat: non cōfundentes *ἰσωςάσεις*, nec separantes *ὑποστάς*. Et in hac Trinitate nihil prius aut posterius, nihil maius aut minus: sed totæ tres personæ cœternæ sibi sunt & cœquales: ita vt per omnia & Trinitas in vnitatem & vnitatem in Trinitate veneranda sit.

*Fons doctrinae et communicationis Idiomatum dicitur doctrina et unio huiusmodi
statica: Ideo nō pellicula communis eam quæ dicitur huiusmodi statica nō est.*

LOCVS QVARTVS DE

communicatione Idiomatōy.

Quid vocant communicationem Idiomatōy?

Vocant

Vocant *κοινωνίαν τῶν ἰδιωμάτων*: alii *ἰδο-
πρίαν καὶ κοινωνίαν ἰδιωμάτων*: alii *ἀντίδωσιν*,
hoc est, mutuam largitionem & *ἀλλοίωσιν*, hoc
est, alternationem vocant.

Quid est communicatio idiomatōn?

Est phrasis, in qua proprietates, quæ vni natu-
ræ conveniunt, dicitur de persona Christi in con-
creto, hoc est, quando vni naturæ improprie
tribuitur, quod alterius est proprium in perso-
na Christi. *p idonea voce
figurati v. q. nota
personæ scilicet*

*Quæ sunt idiomata, hoc est, proprietates hu-
manæ naturæ in Christo?*

Nasci, adolefcere, flere, dolere, dormire, pa-
ti, sitire, esurire, horrere mortem, crucifigi, mo-
ri, vulnera in corpore gestare, sepeliri. Hæc &
familia conueniunt propriè nō diuinæ naturæ,
sed humanæ in Christo.

*Quæ sunt proprietates seu idiomata diui-
næ naturæ in Christo?*

In principio fuisse cum Deo, & apud Deum,
assumere carnem seu humanam naturam, im-
patibilem esse, omnipotentem esse, eadē cum
Patre opera facere, ante Abrahamum esse, in
cælo fuisse ante incarnationem.

*Quomodo iam vnius naturæ idiomata com-
municantur alteri naturæ?*

Primum. Scriptura interdū humanæ natu-
ræ idiomata tribuit diuinæ. Sic Act. 20. 28. Pau-
lus ait ad Ephesinæ Ecclesiæ Presbyteros, At-
K. i.

tendite vobis & vniuerso gregi, in quo vos Spiritus sanctus posuit Episcopos, ad regendum Ecclesiam Dei, quam acquisiuit sanguine suo. Sanguinem habere non diuinæ est naturæ, sed humanæ: tamē diuinæ tribuitur. Eadem phrasi dicimus, Deus natus est, crucifixus est, mortuus est pro nobis, & c.

2.

Secundò, ~~idiomata diuinæ naturæ tribuuntur interdum humanæ~~: vt Ioan. 3. 13. Nemo ascendit in cœlū, nisi qui descendit de cœlo Filius hominis, qui est in cœlo. Filius hominis vtiq; non erat in cœlo homo Christus ante incarnationem, sed diuinæ erant illa propria.

3.

*Et si vox genitri pro
tā personā sciat personā
Christi personā nō habet
q̄ ē aliq̄ nō fm.
mediator nūq̄ ē ex semine
Dauid.*

~~Tertio, interdum distincte de certa natura~~
~~Scriptura loquitur~~: vt Rom. 1. 3. Christus natus
ex femine Dauid secundū carnem. 1. Pet. 4. 1.
Christus passus est carne. Rom. 9. 5. Ex quibus
est Christus secundū carnē. & Act. 2. Secundū
carnem, *κατὰ σαρκὰ ἀναστῆναι τὸν Χριστόν.*

Ad quid prodest hec doctrina?

Σύγ.

ΧΥΟΙΣ

confusio

est vitan

dam

quā in

vidit Eu

ryches.

Primum prodest ad id, nē in Christo confundamus naturas. Dum enim vtriusque seruamus idiomata, toti personæ tribuitur recte vnius naturæ proprietas, propter personalem vnionem. Sic Christus passus est, & mortuus, quia verē homo est. Immortalis autem & a patris idem, quia idem verē Deus est. Sic D. Hieron. ad Damasum scribens ait, Secundū illud passus est, quod pati poterat: non secundū

*Ubi predicatē genuit vniuersū in abhūto ibi tractat sic loquatur. Christus ē cūm
nūq̄ in cœlo zātū in anaḡ nūq̄ in T. i. f. 346. b.*

dum illam substantiam, quæ assumpsit, sed secundum illam quæ assumpta est. Et Athanasius, cum non posset mori ipse λόγος, corpus quod mori posset sibi assumpsit.

Secundò, prodest hæc doctrina ne dinella- Διαιρέσις τῆς ὑποστάσεως
τῆς ὑποστάσεως
τῆς ὑποστάσεως
τῆς ὑποστάσεως
τῆς ὑποστάσεως
mus personam Christi in duas, & alium putemus Filium Dei esse τὸν λόγον, & alium Filium hominis. Sed in vna & eadem persona Christi duas agnoscamus naturas non confusas.

Vbi locum habet illa communicatio?

Scholastici dicunt, Communicatio locum habet in concreto, non abstracto, hoc est, proprietates naturarum in Christi persona, de Christo valent non in abstracto. Sic Christus est passus, quia idem verè homo fuit. Christus ab æterno fuit, quia idem verè Deus est.

In abstracto autem non fit communicatio idiomatum. Hinc reiiciendæ sunt phrasæ, Divinitas est mortua, sepulta, &c. Sed in concreto rectè dicitur, Deus est passus, mortuus, &c. hoc est, persona illa Christus, qui verè Deus & homo est.

Quæ sunt idiomatica persona Christi?

Officia Christi mediatoris: Qualia sunt. 1. intercedere. 2. orare. 3. offerre mundā hostiam, redimere, &c. Quæ non debent seorsim ad hanc vel illam naturam referri: sed ad personam totam. Hinc illa apud Scholasticos regula: non miscenda officii & naturæ propria.

Officium est redimere, totumq. redemptionis mysteriū, propter quod officiū vnio naturarū est facta. Ideoq. orare, intercedere, & offerre mundam hostiam ad totam Christi personam est referendum, non ad humanam naturā solū.

Docētne ita veteres?

Maximè: imprimis verò cōtra hæreses quæ confundebant duas naturas in Christo, quem admodum Euryches, qui ex duabus naturis vnā effectam esse docuit quadam συγχύσει. Aut contra eos, qui personas duas cōstituerent, qualis est Nestorii hæresis, διαρέσει duas in Christo personas fingens.

Contrà, vera est doctrina Ecclesiæ Christi Vnam personam Christi duas complecti naturas, disiunctis proprietatibus, quæ per communicationem de persona Christi dicuntur.

Cyrillus in cap. 3. Ioan. Quomodo enim aliter quæ soli verbo Dei conueniunt, virginis Filio accommodari poterunt? Quomodo autem è conuerso, quæ soli carni conueniunt, verbo Dei attribuuntur? Nunc enim de cœlo Filium hominis descendisse ait: passionis verò tempore, ipse Filius Dei, tanquam ipse patiens, quæ humanitati suæ solummodo congrua sunt, tenuisse scribitur.

Irenæus, ἡ ἀπειρογνώστῳ ἄνθρωπος ἵνα πειραθῇ ἔτι καὶ λόγος ἵνα δοξαθῇ, ἡ συχάζοντος μὲν τῷ λόγῳ ἐν τῷ πειράζεσθαι καὶ σαυροῦσθαι καὶ ἀποθνήσκειν συγγινομένῳ & τῷ ἀνθρώπῳ ἐν τῷ νικᾶν καὶ ὑπάρχειν μέν.

μένειν καὶ χρησεύεσθαι, καὶ ἀνίστασθαι, καὶ ἀναλαμβάνεσθαι, id est, vt enim homo erat, vt tentaretur, sic etiam Verbum vt glorificaretur: quiescente quidem Verbo in tentatione & crucifixione ac morte, assistendo autem homini in vincendo, sufferendo, resurgendo, & ascendendo in coelos, vel, dum assumeretur.

Damascenus libro tertio, cap. 15. Τὰς μὲν γὰρ θεοσημείας ἡ θεϊότης εἰργάζετο ἀλλ' ἔδιδχα τῆς σαρκός. Τὰ δὲ ταπεινὰ ἡ σὰρξ ἀλλ' ἔχωρίς τῆς θεϊότητος, καὶ παχέσθη γὰρ τῇ σαρκὶ σωτηρίᾳ ὡς ἡ θεϊότης ἀπαθὴς διαμένεσθαι, καὶ τὰ πάθη ἐντελέσθαι σωτήρια: id est, Diuina enim signa diuinitas operabatur, sed non sine carne. Humilia autem operabatur caro, sed nō sine diuinitate: nam & patienti carni coniuncta erat diuinitas, permanens impatibilis, & passiones perficiens salutare.

DE FORMANDIS STVDIIIS.

De fine studiorum.

Cap. I.

PRincipio constituendum est de fine studiorum. Nam cum finis sit extremū ad quod referantur omnes actiones: rectè faciemus versaturi in literis vt ante omnia, certus finis præfixus, nobis ante oculos versetur. Socrates Platonius constituit diæterium illud Delphicum

ἡ δὲ διὰ ταύτων & ipse Plato obediētiā legū
Aristotelici virtutem & foelicitatem : Schola-
stici pietatem, separantes eam à literis. Vnde
 factum est vt abierit in hypocrisin, quemad-
 modum Gentilium eruditio in Sophisticen.
 Coniungenda erunt igitur hæc duo, vt studio
 sus cogitet utrumque hauriendum ex literis,
pietatem & eruditionem: vt quiddam ex vtro
 que mixtum, tolerabile fiat: erudita pietas, seu
pia eruditio. Sed præter hunc generalem finē
 quilibet sibi deligat specialem, quo assécuto se
 tota vita alat & exerceat, vt Theologicam pro-
 fessionem, facultatem dicendi, populum docē-
 di, notitiā linguarum. In hoc secundū præ-
 ceptum Socraticum studiosos oportet παισσο-
τας τε καὶ ἀπονομάζοντας ἀσκησαι.

DE ELIGENDIS PRAE- ceptoribus Cap. II.

F Ine cognito & vitæ genere delecto, proxi-
 ma cura est de præceptoribus. Hanc Quin-
 til. parentibus committit, vt suis quā honestis-
 simum & literatissimum præficient. De hoc
 igitur pauca quædam dicemus. Vniuersa stu-
 diorum ratio distributa est in duas classes: qua-
 rum prior præceptoris seu διδασκαλίας est, po-
 sterior pertinet ad discipulos τῶν μαθητῶν. De
 præceptore difficile est constituere, quod vix
 cognoscatur qualis sit, & quid possit: nisi iam
 receptus.

receptus. Sequendum tamen est hoc Quintil.
 vt sit eruditus, vel qui sciat se non esse erudi-
 tum. Tales enim minus intumescunt, cedere
 norunt peritioribus, admoneri patiuntur: alio-
 quin fit vt fiant pertinaces & plagiosi. Opor-
 tet igitur talem has habere virtutes. Primò vt
 sit *ᾠστήμων*, hoc est, peritus, & qui intelligat sua
μαθήματα, hoc est, præcepta: ne docendo ipse
 primum discat. Secundò *διδασκτικὸς*, hoc est,
 qui appositè, intelligenter, perspicuè doceat: id
 quomodo fiat dicemus infrà de ratione inter-
 pretandi. Tertiò, debet esse *φιλόπρονος*, & quod
 peculiariter requiritur, *ἀγαπητικὸς τῶν σχολαστι-
 κῶν ὑποκειμένων*, qui diligat exercitia scholastica.
 Talis si contingat, de successu studiorum vix po-
 test dubitari. Accedunt aliæ etiam vt sunt, ne
 sit *πληκτικὸς*, ne mordax sit *αὐθάδης*, sibi placēs,
 ne etiam *ἀνημνός*, remissus: denique vt sit *ἐμπει-
 ρος τῆς κρίσεως τῶν μαθητῶν*, vt possit iudicare de di-
 scipulorum ingeniis, vt decentia decentibus in-
 geniis concedat & tribuat.

DE PROBANDIS INGE- niis. Cap. III.

Est aliqua cura præceptori adhibēda vt ex-
 ploret ingenia. Sumuntur autē notæ indo-
 lis plerunque etiam ex corporis lineamētis. Nā
 verum est vt plurimum quod Galenus dicit: vt
corporis habitus sequatur animi affectus: sic li

heralis facies, clara vox, corporis constitutio de-
cens, ingressus modestus, compositus vestitus,
indicia sunt bonæ indolis. Socrates, vt tradit
 Xenophon, aliter discipulos suos explorabat.
 Fit enim frequenter vt in tetrica facie, corpo-
 re horrido, lateat optimum ingenium. Adhibe
^{Socrates} bat igitur hæc tria, quò falli non posset. Primo
an esset ~~quidam~~ ^{ἄνθρωπος} ~~hic~~, sponte rediret ad audien-
 dum, & magno quodam desiderio audiret dici-
 tem. Secundò, an esset in eo ~~ὁ~~ ^ὁ ~~facilitas~~ ^ὁ ~~facilitas~~
percipiendi dicta. Tertiò, an valeret memoria
 quod vocat ^{μνημονὸν} ~~ἔστι~~, vt audita & semel
 percepta memoria fideli diu retineret. Proin-
 de vtile est insigniores aliquot locos ediscen-
 dos præscribere, & sine charta à memoria re-
 quirere.

CONDITIONES BONI

discipuli. Cap. IIII.

SVnt quædam virtutes quas oportet pueri
 à domo ad præceptorē adferre, eæque sunt
 bipartitæ: quædam naturales diuina bonitate
 insertæ: quædam cōparatæ educatione dome-
 stica, in qua multum spei positū est, vt ad fru-
 ctum perueniat. Nam fit frequenter vt optima
 ingenia etiam domesticis moribus inficiantur.
 Malas opiniones postea & corruptos mores,
 pertinaciam, inobedientiam, ad præceptorem
 adferunt: quæ si non omnia statim corrigantur,
 culpa

culpa ad præceptores deriuatur, cū reuera parentum negligentia ista contracta sint, & induerint. Quale traditur etiā de Alexandro Magno, qui domesticis moribus & pædagogi cuiusdam pertinacia infectus, postea Rex factus eosdem mores pertinacissimè retinuit. Natura autem dona quæ adferre oportet hæc sunt. Primò habebit *εὐφροσύνην*, docile ingenium: huius partes sunt, *δύναμις φύσιν* quædam natura promptitudo & inclinatio ad quampiam artem, qualis in Cic. fuit ad Oratoriam, & in Demosthene. Secundò, *ψυχὴ ἀνδρική* vt animus in discendo sit infractus. Tertiò, *ψυχὴ δοξαστική*, sagacitas quædam. Quartò, *μαθεῖν τὰ εἰδητῶν λόγων*, breuiter artis præcepta concipere, vt sunt in Rhetorica causarum genera, formæ declamationum. His accedunt aliæ, vt est *ἀγαπᾶν τὸν διδάσκαλον*: sic enim fiet vt gratum sit quicquid proponet, & libenter istud discat. Item vt sit *φιλέταιρος*, consodaliū quoque & contuber nūi studiosus & amator. Nam cum his erunt studia conferenda, & quod à te neglectum est ab illis repetendum, contentiones etiam cum his in exercitio styli & memoriæ suscipiendæ. Et reuera nullibi discitur foelicius quàm in turba. Et Quintil. cū hanc quæstionem tractat, turbam præferit domesticæ institutioni: quanquam vtile sit hoc etiā, domesticum habere *παιδαγωγόν*, quod tamē paucis contingit plerunque propter rei dome-

sticæ penuriam. Erit igitur danda opera vt alii quos sibi contubernales habeat intimos, cum quibus studia quodammodo sint communia.

PLATONIS ET GALENI iudicia de puerorum ingeniis.

Cap. V.

SVperioribus addamus quod boni authores de hac re prodiderunt. Galenus in constitutione artis medicæ in candidato philosophiæ hæc septem requirit. Primò, φύσιν ὀξεῖαν, naturam acutam, vel naturæ acumen ad intelligendum facile. Secundò, ἀσκησιν ἐν τῇ παιδικῇ, vt à puero in literis enutritus sit. Tertiò, ἀρίστοις τὰ ὠτὰ ὑποχέειν, vt optimis præceptoribus aures adhibuerit. Quartò, φιλοπονώτατον ἐν laboriosissimum oportere esse iuuenem, non solum scribendo, ediscendo, sed etiam lucubrando. Quintò, ἀνδρὶ ἀληθείας, amorem veritatis. Sextò, μεθόδον καὶ δυνάμιν, id est, methodum & facultatem verum à falso discernendi. Septimò, ἀσκησιν τῆς μεθόδου, exercitium methodi, vt non solum præcepta sciat, sed potius eorum habeat vsum & experientiam. Hoc Galeni iudicium est.

Socrates apud Platonem.

Socrates apud Platonem lib. 7. de Republ. vbi pueritiam instruit, sed in Philosophiæ studiosis requirit. Primò, vt in eis sit δεινότης, id est,

id est, acumen. φιλομάθεια, studium & ardor
discendi. Tertiò, μνῆμη, memoria constans.
Quartò, φιλοπονία, hoc est, tolerantia molestia
rum quæ discendo sunt exantlandæ. Quintò,
φιλοκία, hoc est, vt libenter & amanter audiât.
Sextò, φιλαλήθεια, hoc est, amor veritatis. Ap-
ud eundem Platonem in Phædro vbi orator
instruitur, bono futuro oratori tribuuntur
hæc. Primò, εὐσις. Secundo ὀπισθήμη. Tertiò,
μελέτη. Quartò ἀδολεία, hoc est, ipsa Diale-
ctica quâ sic nominat probroso vocabulo vul-
gorecepto. Quintò μειωρολογία, hoc est, veri
cognitiō. Erat & hoc probrosum vocabulum
quo, proscindebantur boni Philosophi, tum
à vulgo, tum etiam à Sophistis. Vnde Ari-
stophanes irrisurus Socratem, producit eum
sic loquentem, Μετῴρω καὶ ἀειφρονῶ τὸν ἡ-
λιον.

DE EXERCITATIONE.

Cap. VI.

Superest vt de exercitatione dicamus, quæ
& ipsa gemina est. Quædam spectant iterū
ad διδασκαλον: quædam ad μαθητήν. Itaque
hoc ipsum genus cōstituimus. exercitationem,
partes assignabimus, si prius de fine dixerim-
us. γυμνασία igitur quoniam est tota in præ-
ceptoris posita, & exemplis spectat ad ἐμπε-
ρίαν, hoc est, ad vsum quendam & (sic dicam)

seu quædam omissa seu non satis dilucidè expolita sunt, ea repetendo resumuntur. Tertiò, negligens auditor multa rectiùs intelliget ex repetitione quàm in lectione, vt qui aliud agēs perceperat.

SECUNDA EXERCITATIONIS diuifio. Cap. VII.

Secundo loco exercitatio consideranda est Squatenus spectat discipulum. Et sic diuidetur scilicet in cognitionem præceptorum, & in imitationem. Ad cognitionem spectant artes & linguæ. Ad imitationem reducendæ sunt hæ species stylus & commentatio: ad stylum pertinent, Epistola, & declamatio. In commentatione sunt argumentum, compositio, memoria & recitatio.

DE EPISTOLA.

Cap. VIII.

Stylus qui dicendi magister est, præcipuè exercetur in cōpositione Epistolarum. Est autem duplex compositio: vna libera & vaga: canis in adultis & aliquo vsque progressis admitti non debet. Altera est stricta ad alicuius seu Epistolæ seu sententiæ imitationem. Hæc omnium est vtilissîma, præsertim si in hoc exercitii genere proponantur, si non omnes tam selectiores Ciceronis Epistolæ. De hac igi

tur ratione imitationis ita sentiendum est. Constat scriptione & emendatione. Scriptio seu compositio incipere debet à meditatione argumenti vt commodè in ornatam elocutionem definat. Prima igitur cura debet esse inuentionis, quò pertinet *προδιέλεσθαι*, hoc est, accurata & diligens argumenti electio. Id quia est vel simplex vel mixtum, cogitandum est diligenter quibus locis vtendum sit in simplici: quibus in mixto. Itaque *μῆξις* quoties incidit apud Ciceronem diligenter exprimenda. Fit autem *μῆξις* ex diuersitate causarum. Interdum exordia deliberatiua sunt, propositio, rationes & consequentià demonstratiua seu iudiciaria. Eadem tu obseruabis in argumenti à te propositi tractatione. Secundo loco consideranda est *τάξις* vt ea fiat καὶ τὸ ὁρῶν, hoc est, non sit coacta sed seruet decorum, accommodata sit circumstantiis. In hac primùm est generalis partium distributio, vt ad numerum Epistolæ Cic. tuum etiam argumentum partiaris. Secunda cura postea erit vt singulis partibus eodem pacto quo Cic. adhibeas *ἐνθυμήματα*, hoc est, argumenta quibus oportet vniuersam Epistolam καταποικίλλειν. Hæc vbi præstiterint, sequitur demum elocutio loco tertio. Ea vtetur scriptione & calamo, & quæ meditatio concepit ac digessit, ea in opus producit & chartæ committet. Huius sit istud præceptum, εἰσποιεῖν τοῖς ὀνόμασιν εὐρύθμως

θυμὸς καὶ μουσικὸς, hoc est, curare vt & Latina
sint verba quibus vteris, & vsitata & concin-
na. Proinde ad hunc locum pertinent præce-
ptacōcinnitatis & de clausulis. Atque hæc de
priori parte quæ propriè pertinet ad eum
cui strictum genus imitationis propositum
est.

Emendatio.

Secunda pars quā diximus emendationem,
iterum ad præceptorem spectat: cuius sunt par-
tes, ἀναγνώσις: ea sit omnium commodissimè
voce aperta. Secundò ἐπανόρθωσις correctio,
litura: huius vnicum est præceptum. An quid
melius possit poni, huc pertinent hæc. Primò,
an barbarum sit, sub quo comprehendimus
invsitata, impropria, metaphoras, horridas,
quæ omnia corrigenda sunt latinitate verbo-
rum. Secundò ecquid desit ad sententiam Cic.
supplendam seu æquandam, vt, an membra
membris respondeant, an periodi pares nume-
ro obseruatæ sint. Breuiores corriguntur προ-
σῳτες. Longiores ἀφαιρέσεις. Tertiò ecquid sit
πλεονάζων huc pertinent circunductiones intē-
pestiuæ, commorationes, ineptæ repetitio-
nes, crebra commoratio eiusdem seu vocabu-
li seu sententiæ: ea omnia ἀφαιρέσεις taxanda
& eluenda sunt. Quartò ecquid suo loco posi-
tum: id considerari debet tum in verbis, tum
in sententiis. Verba quidem Latina interdum

essent si melius collocata, vt fit in hyperbaticis. Ita sententiæ suum locum requirunt: propositio rationes antecedit: contrà si præmittit: ut rationes propositioni, vitiosam facit collocationem: hæc corriguntur *μετὰ δέ σεις* transpositione. Quintò, num quid sit positum deterius aliquādo enim metaphora melior foret quàm proprium vocabulum positum. In hac re opus erit copia vt non statim incidens verbum ponatur, sed discurrat iudicium ad plura, & quod ratio iudicat melius id ponendum. Hoc vitium corrigitur *ἀντίπαλλᾷ*, qua inuenimus meliora siue ea propria, siue sint translata. Sextò respiciendum etiam ad hoc: num imitatio factis sit occulta. Hoc vitium est inuentionis, & facilis in eo lapsus, quoties argumentum Ciceroniano nimis simile proponitur, cui non solum partium numerus, sed & sententiæ, integræ rationes, adeoque ipsa verba singula facile congruant. Hoc vitabimus hac ratione. Primò imitandæ erunt res & ipsum argumentum. Vt si apud Cic. locum habeas quem imiteris de gaudio: seu Epistolam suasoriam tum contra propones argumentum in imitatione de dolore Epistolam dissuasoriam. Secundò commutatione verborum vtendum erit, cuius prima ratio est in synonymis, altera in translatis hac tamen perpetua lege, ne ad deteriora labaris: melius autem, si fieri potest, aut par ponendum

nendum est: quòd si neutrum detur, consisten-
dum in eo quod habes in proposito loco. Ter-
tiò conducet ad occultationem imitationis
metastasis, hoc est, transpositio partium. Nam
interdum quæ Cic. secundo loco narrat, tu
commodè ad principium transferes, & quæ ip-
se habuit ab initio reiicies ad calcem. Ac in
genere non ferendum est, vt planè integrū ma-
neat quod legisti, sed aliqua saltē ratione mu-
tandum, vt videatur alienum.

DE DECLAMATIONE, Cap. I X.

Declamatio illa nunc liberior esse debet:
quàm Epistolare genus scribēdi: tū quòd
requirat argumentum amplius, tum etiā quòd
speciem habeat publici tyrocinii: cū episto-
la intra parietes maneat. In declamatione igi-
tur erunt hæc. Primò delectus argumenti ho-
nesti, & quod faciat ad literarum studia seu ad
bonos mores. Secundò ~~meditatio de numero~~
~~partium~~, eadem ratione qua in Epistola. De-
mum tertio loco compositio, in qua eadē ser-
uari debent, quæ in Epistola diximus. Post
scriptionem debet adhiberi etiam correctio.
Demum & memoria & pronuntiatio in coetu.
Nam habet speciem certaminis, in quo excel-
lere semper honestum fuit.

HActenus de exercitio quod habet exer-
citationem, scriptionem, compositionem.
Nunc explicanda est ratio eorum exerci-
tiorum, quæ sine scripto fieri debent, vt est
argumentum, disputatio. Argumentum no-
minamus quod *ὑπόμνημα*, Latine meditatio-
nes dici, seu commentationes, quoties sumi-
tur argumentum, & sumitur etiam spacium
cogitandi: sed scriptio non conceditur, nisi
summaria quædam capita punctim in sche-
dula memorie gratia annotentur. Hoc genus
exercitii vsitatum fuit veteribus, & hodie a-
pud multos in vsu est. Posset id ratione con-
cionum exerceri, præsertim vernacula lin-
gua, quò labor facilius esset: ne cura in ver-
borum inopia teteretur, quod fieret in Latī-
na lingua, nisi probè aliquo exercitato. Huius
igitur exercitii hæc erunt partes: thema seu pro-
positio, spacium cogitandi, memoria, & re-
citatio.

Nunc quod superest de memoria pauca ad-
monebimus. Est hæc principalis præsertim in
ratione dicendi vt pote custos inuentionis, di-
spositionis, & elocutionis. Erit igitur sæpe vsu
exercenda. Est autem ea in quibusdam natu-
ralis, quæ cum homine optimè nascitur: in quibus-
dam est artificiosa, vtraque exercitatio
& labor

& labore est cōseruanda, vt multa ediscamus, multa cognoscamus. Nihil enim æquè vel augeatur cura, vel negligentia intercudit: maior tamen ei erit adhibendus labor, cui natura negauit præstantē memoriā. & cui arte est conficienda & reparanda. Nec hoc loco dicimus de ista artificiali quæ constat imaginibus & locis fictis, sed de ea quæ est methodica, & præceptis Rhetoricæ & Dialecticæ nititur. Ea omnium est constantissima. Præceptum igitur huius loci erit hoc locus qui tibi est ediscendus, primò cura diligenti perlegatur: & in legendo annotetur certæ partes materiæ, quid proponat, quomodo confirmet, quid narret, vbi digrediatur, quando redeat ad rem, an aliquæ sint definitiones, distributiones, similia, exempla, aut aliud genus argumenti. Hæc annotata confirmabunt memoriā vt faciliè addiscat connumerare etiam verba. De recitatione tantum hoc monebimus, vt sit clara, distincta: ne sæpius ad antecedentia recurrat, antequam ad consequentia transeat, æquabilis erit & pro ratione rerum *ἀπὸ τοῦ ὁμοίου*, nunc suppressenda, nunc eleuanda. Hoc comparabitur si pueri statim ab initio addiscant difficiliora vocabula expeditè pronuntiare, & integros versus vno spiritu sine hæsitantia exprimere. Veteres Grammatici hoc habebant in frequenti vsu vt blebis titubantibus vel alio

oris vitio laborantibus proponerent huiusmodi enuntianda. vnde apud Quintilianum ad præcepta reuocatum est, vt præceptor versus, quos nominant χαλεπός, requirat à pueris. Talis est ille apud Latinos.

Arx stridens rostris, Sphynx, præter torrida seps stryx. Apud Græcos talis est,

Γράω χθονίαν, αἰχμορὲς ῥῥα γυνεὶ ξίφος ἐχθρῇ.

Hæc de exercitiis feriis pro ratione temporis nunc sufficient: superest vt de remissione studiorum pauca moneamus, cui superaddeamus tanquam studiosi veri typum, Phædrum ex Platone.

DE REMISSIONE STUDIO- rum. Cap. XI.

Remissio studiorum instituta est ad recreationem animorum vt tanquam defatigati vigiliis & curis milites redeant maiori alacritate ad cœptum opus, ne accadat quod de arcu dicitur, frangi nimia intentione si nunquam remittatur. Erit igitur in hoc genere obseruandum istud Platonicum παιδεία ἀνάπαυλα τῆς σπουδῆς, id est, remissio diligentiae, non aurem fiat ἀναχώρησις, id est, intermissio. Meminerit igitur studiosus etiam in remissione obseruandum esse τὸ πρέπον. Et sunt quædam artes quæ in remissione tanquam per o-cium & aliud agentes omnium rectissime dicuntur.

scuntur, vt est Musica. Vnde rectè institutæ Scholæ in die bis remissionem habēt animorum. Primò à prandio hora integra, similiter & à coena: quod tempus studiis iudicatur ineptius, & corpori salubrius exercitium est quàm sessio. Erant igitur hæ duæ horæ exercitiis & remissionibus deputatæ, ita tamen vt *τὸ πρῶτον* seruaretur. Distinguiamus autem hoc decorum in duas classes: in exercitium Musicæ, & in exercitium corporis. Ad Musicæ exercitium pertinent etiam reliqua liberalia animorum studia. Ad exercitium corporis spectant lusus quos *παῖδες* nominant. Parabit autem se quilibet, vt cum paribus Latinè singula agat. Cogitandum enim est animum sic esse instruendum, vt os non solum in rebus serijs Latinè possit proloqui: sed etiam in re ludicra & puerilibus iocis ac commodè singula exprimenda sunt Latina lingua. Ista copia Latini sermonis commodissimè petitur à veteribus qui de his scripserunt, de quibus aliàs.

TYPVS VERE STVDIOSI.

ex Platone. Cap. I I.

VErùm vt tandem ad finem properemus, imaginem Socraticam de Phædro adolescente & verè studioso tanquam coronidem huic negotio cōnectemus. Extat locus in principio Phædri apud Platonem, vbi Socrates
L.iii.

Phædrum audiens recitantem ea quæ iam ante audierat à Sophista: mirificè cum commendat, ac inter cætera ei has tribuit virtutes. Primò ἀκρόειν, audire, quod fiebat sine libro, quo pacto hodie concionem audimus. Secundò ἐπιταλαμβάνειν, hoc est, repetere memoriter & à seipso requirere audita. Et hoc fiebat sine libro, uti hodie quidam à pueris è concione reuerfis, repetunt sententiam aliquam piā. Tertio, ἀποδιδόναι τὸ βιβλίον, hoc est, accepto libro ipsum locum qui explicatus est, inspicere, & explicationem cum textu conferre. Quarto, ἐξ ἐωθινῶ καὶ διζεν, h. e. à primo diluculo studiis infudare. Quinto, ἀπέπειν εἰς περὶ πατρὸς, ἐξ ἐπιστάθης, hoc est, deambulatum abire & locum præsentem ediscere. Sexto πορεύειν ἐν τελέχῃ καὶ μελετᾷ, hoc est, commentari & meditari simile exemplum ad imitationem loci expositi. Septimò, πρὸς ἄλλους λέγειν, hoc est, in cœtu contubernalium imitationis exemplum recitare. Fiebat autem id eo genere exercitii quod suprâ commentationem diximus. Habebant argumentum imitationis, seu thematis explicandi & spacium cogitandi, sed non accedebat scriptio. Hæc cum Socrates Phædro tribuat, tanquam absolutissimam formam diligentia non fictæ omnibus proponit, & ita etiam legi debet, ut ad nostros mores & præsentia studia accommodetur.

Atque hæc quidem placuit hoc tempore

de ratione studiorum colligere, partim quòd
id necessarium videretur. Et reuera infœlicia
sunt studia nisi aliquo certo modo regantur,
cuius aliqua forma potest esse hæc præsens.
Deinde quòd ab officio nostro non sit prorsus
alienum. Ac essent quidem plura ad hoc nego-
tium idonea, necnon etiam necessaria. Verum
ea plus temporis & plus etiam ocii requirent.
ut est de locis communibus colligendis, de ar-
tium præceptis annotandis & similia quæ ali-
quando per ocium inspiciemus.

Epigramma de Papist. examine.

*Quid mirum si cùm careant examine vero
Clerus & intonsi fœx male rasa Numæ:
Si cathedris asinos, agnīs si mitibus hircos,
Et cæcis cacos imposuere duces?*

V. C.

FINIS.

L. iiii.

INDEX RERVM ET VER-
borum quæ hoc libro continentur.

	A	
Ἀρχαὶ Scripturæ	29.30	
Ἀιτίαι in epistolis quæritur	47	
in Ambitionem ministerii canones	14	
Analogia in interpretatione scripturæ	30	
Ἀνάλογος Vera studii ratio	41.52	
de Annotatione & methodi officio	41	
Ἀπάθεια Stoicorum	60	
Apocryphi libri	21.23	
Argumentum quid sit	162	
Artes liberales sunt adminicula ad intelligen-		
das scripturas	15	
Augustinus didicit linguam Hebræam	18	
Augustinus consulit Græca exemplaria	19	
	B	
de Baptismo	67	
de Belli iure	81	
Belli vsus non tollitur	83	
	C	
Canonici libri	21.22.24	
Cantus Ecclesiastici vtilitas	59	
Cantionum finis	60	
Carmen lugubre	61	
Catabaptistæ qui sint	63	
Catabaptistarum argumenta de Baptismo	69	
Catabaptistarum argumenta de Magistrati-		
bus		

INDEX.

bus	79
Christus Mediator secundum utranque natu	
ram	134
Christus organum iustificationis	94
Christi λόγος quid sit	54
Christi naturæ proprietates	145
de Christo Mediatore	133
ad Coloss. epist. explicatio	53
de Christiana libertate	63
Chrysostomus eligendus Episcopus fugit	13
Commentaria scripturæ	40
Communio facultatum	89. 90
Communicatio idiomatum	144
Contextus notitia	21
de Coniugio ministrorum	113
Correctio morum in Epistolis Pauli	49
D	
de Decimis	85
Decimas licet accipere	87
Declamationis genus	161
Deus quomodo vnus	142
Dialectica utilis ad intellectum scripturæ	16
Dialectica Christus & Apostoli vsi sunt	17
διδασκαλία	57
Diligentia in legenda scriptura	38
Disciplina pars ministerii	8, & 9
Discipuli boni conditiones	152
Diuisio methodi pars	51
Docendi genus duplex	ibid.
Doctrina pars ministerii	8

INDEX.

Doctrina scripturæ	57
Doctoribus necessaria virtus	ibid.
E	
de Ecclesia	109
Ecclesia an erret	III
in Ecclesia per scripturas omnia oportet doce- ri	32
Ecclesia quomodo careat macula	III
Ecclesiæ authoritas in iudicanda scriptura	31.32
Ecclesiæ notæ	118
Euphrasis quid sit	92
Εὐφρασια Scripturæ	29
de Emendatione	159
Epiphanius εντἀγλωττος	18
Επισκοπη quid sit	10
Episcopus quis sit	11
Episcopatus nomen	10
de Epistola	157
Epistola syllogismo compreh.	47
Epistolæ ad Thessal.explicatio	45
Epistolæ partes quomodo tractandæ sunt	48
Epistolæ ad Coloss.explicatio	8
Epistolarum genera	46.47
Epistolarum Pauli partes	49
Epistolæ ad Thessal.locus explicatur	60
Επιτομή paraphrasis genus	50
de Exercitatione	155
Exordium epistolarum Pauli	49
Explicatio methodi pars	5
	Fa

INDEX.

F

Facultas quæ requiritur in ministro	14
Facultas requiritur in ministro	9, & 11
Fide iustificamur	94. 95. 97

G

Græca lingua utilis ad scripturas intelligendas	19
---	----

H

Hebræa lingua utilis ad scripturas intelligendas	18
Hymni vox	58. 59
Hypothesis methodi pars	51

I

Ialemon carmen lugubre	61
Idiomaton communicatio	144
Ignis quomodo opera probat	126
Infantes baptizandi	68
Ingenii puerorum indicium	154
Ingenia quomodo probanda	151
Interpretationis partes	50
Interpretationis methodus	53
Inuocatio sanctorum	119
Iudicium in legenda scriptura	38
Iurare quomodo liceat	75
de Iureiurando	73
de Iustificatione	93
de Iustificatione aduersariorū argumenta	98
Iustificationis organum	94

L

Lectio scripturæ	32. 36
------------------	--------

INDEX.

Lectionis scripturæ divisio & partes	37, & 38
Lex nos compellit ad poenas	64
à Lege liberatio	ibid.
Libri canonici	21, 22, 24
Liberatio à lege	64
Liberatio à peccato	65
Libertas externa	66
de Libertate Christiana	63
Linguae adminicula ad intelligēdas scripturas	15, & 17
Loci communes scripturæ	40
Loci controuersi, & extra controuerſiam	61
Locorum communium institutio	ibid.
Locorum communium ratio	61
Locorum explicatio	41, 42
Λόγος Christi quid sit	54
Luctus honestus	61
Lugere quid vocet Apostolus	60
Lugubre fuit & carmen	61
M	
Magistratus pii officia	79
de Mediatore Christo	133
de Magistratu	77
de Magistratibus impiis	66
Metaphrasis quid sit	51
Methodus interpretationis scripturæ	50, 53
Methodus in legenda scriptura & partes	39
Methodus epistolæ ad Coloss.	53
Methodi partes	51
Methodi Theologici officia	41
Methodus	

INDEX.

Methodicum genus	51
in Ministris quid requiratur	9, & 10
Ministri in primis legere debent scripturas	35
de Ministrorum coniugio	113
an liceat ad Ministerium sibi aditum facere	13
Ministerium Ecclesiæ	7
Ministerii definitio	ibid.
Ministerii finis & partes	8
Mortui sunt dormientes	61
Mortui non sunt nimium deffendi	ibid.
N	
Narratio in epistolis Pauli	49
Necessaria quid sit	57
O	
Odæ vox	58
Opera bona facienda	103
de Operibus bonis	97, & 102
Opes veræ verbum Dei	57
Ordinis author est Deus	7
P	
Papistarum error de peccato originali	106
Paraphrasticum docendi genus	50
Pauli epistolæ	43
de Peccato originali	105
Peccata quomodo remittantur in futuro seculo	125
de Peccato originali quomodo doceant Papi-	106
stæ	65
à Peccato liberatio	142
Persona in diuinitate	

INDEX.

Personæ notatio habet vim argumenti	56
Personæ ex veritate iudicandæ	32
Personæ Christi idiomata	147
Phrases in scripturis notandæ	40
Pietas in legenda scriptura	39
Πλασίως vox	56
Politica libertas	66
Porismata sunt tractanda	52
an Possidere liceat propria	89
Præceptorum loci	41. 42
Præceptores quomodo eligendi	150
Prædicatum & prædicati partes	51
Proprietas quid sit	89
Propositio methodi pars	51
Purgatorium	123
Pfallere	58. 59
Psalmi vox	58
Q	
Quibus scribat spectandum	43
Quid scribat spectandum	ibid.
Quis scribat spectandum est	42
R	
Rerum loci	41
S	
de Sacerdotum coniugio	113
Sacramenta quot sint	117
de Sacramentis	118
Sacramentorum administratio pars ministerii	8, & 9
Sancti non sunt inuocandi	121

San

Sancti
in Sc
Scrip
Scrip
Scrip
ce
Scrip
Scrip
Scrip
ad Sc
Scrip
per S
ce
Serm
Spiri
Zoro
Studi
Studi
Studi
Syllo
Syllo
la
Tem
Testa
Testa
Ther
Thec

INDEX.

Sanctorum inuocatio	119
in Scriptis quid spectandum	42.43
Scriptura quid sit	21
Scriptura scripta & non scripta	29
Scriptura complectitur omnia ad salutem necessaria	26.27
Scriptura quomodo legenda	39
Scripturæ lectio	32.36.38
Scripturæ lectio & meditatio	20
Scripturæ loci communes	40
ad Scripturas intelligendas adminicula	15
Scripturæ notio & peritia	15, & 20
per Scripturas in Ecclesia omnia oportet doceri	32
Sermo Christi quid sit	54
Spiritus sanctus doctor noster	15
Σύνοδος constituere oportet	47
Studioſi typus	165
Studiorum remissio	164
Studia quomodo formanda	146
Studii Theologici ratio	39, & 40.42
Syllogismus epistolæ ad Theſſal.	43
Syllogismo comprehendatur scripturæ epistola tractanda	47

T

Templum sumus Spiritus sancti	55
Testamenti noui, libri	23
Testamenti veteris libri	21
Thema exercitationis genus	162
Theologica studii ratio	39.40

I N D E X.

Theſſalonica quæ fuerit	44
ad Theſſalonicenſes epiſtolæ explicatio	ibid.
ad Theſſal. epiſtolæ locus explicatur	60
Titulus epiſtolarum	49
de Traditionibus	29, & 30
de Trinitate	141
V	
de Ubiquitate	118
Verborum loci	41
Verbum Dei veræ opes	57
Veritas non ex perſonis iudicanda	31
Vocatio debet eſſe ordinaria	7
Voluntas iuſta erga miniſterii munus	13
Voluntas requiritur in miniſtro	9, 11
Utilitas eſt finis miniſterii.	8

F I N I S.



